

# WANTUK

NIUSPEPA BILONG OL PAPUA NIUGINI STRET

Ernst & Young audited  
circulation 15,177

44 pes

Namba 1029

Wik i stat long Fonde, Mas 17, 1994.

40 toea

## AIWARA BILONG OL SOLDIA GAT KAIKAI

... i gat insurens i karamapim wok bilong ami

### GODFRIED YASSAFAR i raftim

OL memba bilong Papua Niugini Difens Fos Seving na Lon Sosaiti Supanuesen Fan (PNGDF SLSSF) i ken kisim nau laip insurens sapos ol i dai o i painim bagarap.

Dispela long wanem PNGDF SLSSF i sainim pinis wanpela polisi wantaim wanpela Papua Niugini insurens

kampani ol i kolim long Pan Esia Pasifik Asurens (PAPA) (PNG) Pty Limited.

PNGDF SLSSF long nau yet i gat 800 soldia i stap olsem ol memba. Na dispela insurens kampani (PAPA) em i bilong olupela Difens ministra, Ben Sabumei.

Long stretim na pinisim olgeta pepa wok

bilong dispela polisi bilong kisim laip insurens, siaman bilong PNGDF SLSSF, Saiden Paul Punau na siaman bilong PAPA, Ben Sabumei i holim wanpela liklik bung na

sainim dispela polisi. Aninit long dispela laip insurens polisi, dispela 800 memba wantaim ol lain famili bilong PNGDF SLSSF bai kisim tu medikel insurens. Dispela kain

insurens i bilong karamapim olgeta hevi bilong go long haus sik o praivet dokta.

Aninit long dispela laip insurens polisi, sapos wanpela memba bilong PNGDF SLSSF i

dai taim em i mekim wok long Bogenvil o long ol arapela imejensi sevis, PAPA bai baim K20,000 olsem insurens i go long famili bilong dispela soldia. Na long sait

bilong marasin samt-ing, PAPA bai baim K5,000 i go long wan wan memba na tu long 4-pela memba bilong famili bilong em. Sapos meri bilong i go moa long pes 2



• Presiden bilong Papua Niugini Difens Fos Seving na Lon Sosaiti Supanuesen Fan, Saiden Paul Punai long lephan i sekan long papa bilong Pan Esia Pasifik Asurens Insurens Pty Limited, Ben Sabumei. Bihain tupela i senisim ol pepa na Difens Fos i kamap memba bilong dispela insurens kampani. Foto: Leo Wafiwu.



### NAMBAWAN TRAKTA LONG PNG

Massey-Ferguson i gat planti kain kain trakta. I gat liklik MF 1020 i save mekim wok insait long ol gaden na fam. Na i gat planti arapela kain trakta tu i go inap long bikpela trakta tru em MF 390. Dispela MF 390 inap pulim ol kain kain samtling o tanim graun insait long fam. Em i gat 83hp ensin.

YU LAIK SAVE MOA LONG OL DISPELA SAMTIN RINIM DISPELA SAVE MAN



GRAHAM FLEMING  
FIELD SALES MANAGER  
PH 421215 FAX 422463  
TELEX NE42432  
PO BOX 3182 LAE.

Ela Motors

EM4688

Moa ripot long las kibung bilong Palamen

# Tok pait kamap long ol wok insait long Isten Hailans provinsal gavman

MEMBA bilong Henganofi, John Giheno i sutim tok i go long Provinsal Afeas na Viles Sevis minista, John Nilkare olsem em i wok long makim ol memba bilong politikel pati bilong em (LNA) na tu ol pablik sevan i ritaia pinis long holim wok insait long Isten Hailans provinsal gavman.

Mista Giheno i tok tu olsem Mista Nilkare i toktok wantaim sampela memba long Isten Hailans provinsal gavman na givim wok minista i go long ol.

Bihainim dispela toktok bilong em, Mista Giheno i askim Mista Nilkare long tokaut long Palamen watpo na em i saspenim ol arapela

provinsal gavman na i no saspenim Isten Hailans.

Mista Giheno i askim tu Nilkare long tokaut sapos em i wok long go pas long sampela wok na samting insait long Isten Hailans provinsal gavman.

Long bekim askim bilong Mista Giheno, Mista Nilkare i, askim em long kolim nem bilong ol memba bilong politikel pati bilong em husat em i makim ol long holim wok insait long Isten Hailans provinsal gavman. Na tu ol pablik sevan em ol i ritaia pinis na em i makim ol long holim wok.

Mista Giheno i bekim toktok bilong Mista Nilkare na

tokaut olsem Mista Nilkare yet i gat save long ol dispela lain man em i makim long en. Na em i givim tok piksa long wanpela bilong ol em olpela Seketeri long Dipatmen bilong Isten Hailans, Levi Yogio. Watpo na em i kamap wanpela pablik sevan bihainim long em i ritrens.

Mista Nilkare i tok wok bilong makim ol pablik sevan long holim wok insait long Isten Hailans provinsal gavman em i wok long Provinsal Eksekutiv Kaunsil.

Primia Robert Atiyafa i gat save na tu ekspirians long makim ol pablik sevan bilong wok. Long wankain taim em i

ken rausim husat i no mekim gut wok bilong em. Bikos Ogenik Lo bilong provinsal gavman i givim em tok orait long mekim dispela samting.

Giheno i go moa na tokaut olsem Mista Nilkare i tokim Primia Atiyafa long givim wok i go long ol lain pipel bilong em. Bikos sapos Primia Atiyafa i no bihainim toktok bilong em (Nilkare), em bai saspenim Isten Hailans provinsal gavman.

Nilkare i bekim dispela hap tok bilong Giheno na tokim Palamen olsem dispela em i no tru. Em i no tokim primia bilong Isten Hailans long givim wok i go long ol pipel bilong em.

## Aiwar bilong ol soldia gat kaikai

i kam long pes 1 wanpela memba i gat bel na i go long haus sik, PAPA bai givim K500 i go long dispela memba long lukautim meri bilong em.

Dispela polisi PNGDF SLSSF i kisim wantaim PAPA i karamapim ol dispela samting: (1) Medikel, (2) Pesenel Eksiden, (3) Laip Insurens, (4) Wok bilong stretim ol samting na planim bodi taim wanpela memba i dai, (5) meri bilong wanpela memba i gat bel na (6) long taim bilong imejensi.

Siaman bilong PNGDF SLSSF, Saiden Punau i tok em i amamas tru long kampani bilong Mista Sabumei long luksave long hevi bilong ol. Na i kamap wantaim tingting bilong givim helpim long tok orait na ol i kisim laip insurens long kampani bilong em.

Saiden Punau i tok ol i bin kisim tupela yia olgeta bilong painim wanpela insurens kampani bilong helpim ol na givim laip insurens. Bihain long tupela yia, em i tok hatwok bilong ol i karim kaikai taim PAPA i tok orait long givim laip insurens.



**Bagarap bilong bisnis...Ol dispela lain pipel i sanap na lukluk long gutpela nambis bilong ol em kain kain wok projek bilong katim timba i bagarapim. Nambis nau i pujap long ol kain kain pipia bilong ol diwai nogut em ol kampani i no laikim.**

## Ripot bilong Salamaua nesanel haiskul no klia

WOK bilong pinisim Salamaua haiskul insait long Morobe provins i no inap kamap inap long taim i gat mani.

Minista bilong Woks, Albert Karo i bin mekim ol dispela toktok taim em i wok long bekim ol askim bilong ilektret memba, Tukape Masani.

Mista Karo i tok olgeta wok bilong dispela projek i kam aninit long lukaut bilong Dipatmen bilong Edukesen. Na taim ol i gat inap mani, ol bai pinisim dispela wok.

Long ol askim bilong em, memba i tok long dispela yia i gat tupela projek em i mas kamap long ilektret bilong em. Namba wan em long Salamaua

haiskul na namba tu em long wanpela nesanel haiskul.

Na long ol toktok i bin kamap bipo, memba i tok ol dispela projek inap pinis bipo yet pastaim long 1994 skulyia i stat. Tasol nau i no gat yet.

Tasol long bekim gen ol toktok, Mista Karo i tok em i no save long wanpela nesanel haiskul em memba i tok bai kamap long ilektret bilong em. Bikos i gat ol toktok bilong kirapim ol nesanel haiskul, tasol i no long Salamaua o ol dispela hap insait long ilektret bilong memba.

Long wankain taim yet, minista i bosim olgeta wok bilong ol skul insait long kantri i no bin stap bilong givim sampela toktok long memba.

## Wok bilong Trens Ailan Haiwe i no inap stat yet

GAVMAN i makim pinis K6 milien bilong wokim namba wan hap bilong Trens Ailan Haiwe etat long Bereina long Sentrel provins i go kamap long Malalaua long Galp provins.

Tasol no gat wanpela wok i kirap yet long wanem ol lain bilong kantri Japan husat i toktok long givim helpim long wokim dispela bikpela rot i

gat sampela askim yet.

Minista bilong Trensport, Roy Yaki i bin mekim ol dispela toktok taim em i wok long bekim ol askim bilong memba Sowa Gunia long las bung bilong Palamen.

Long ol bekim bilong em, Mista Yaki i tok ol toktok i wok long kamap yet. Na ol i no klia long wanem rot bilong tilim mani bilong dispela wok

progrem.

Long askim bilong em, Mista Gunia i bin toktok tu long dispela hap toktok bilong bungim Trens Ailan Haiwe wantaim Okapa na Lufa insait long Isten Hailans provins.

Tasol Mista Yaki i tok dispela tupela hap tu i stap long bikpela progrem bilong Trens Ailan Haiwe. Olsem na i no

gat wanpela samting i rong long en.

Bikos bihainim wankain askim, memba bilong Lufa tu i bin tromoi ol dispela toktok long plua bilong Palamen.

Tasol minista i tokaut klia olsem wok bilong dispela bikpela haiwe i no inap stat yet long namba wan hap bilong Bereina i go inap long Malalaua.

PLIS  
RIPOT



**MOSBI, Nesanel Kapitel Distrik:** Long dispela wik i gat tupela bikpela raskol pasin i kamap. Na long dispela taim, ol raskol i kisim bikpela mani tru.

Long Mande 9 klok moning, wanpela man i bin stilim moa long 31 tausen kina long sek na mani bilong Air Niugini balus kampani.

Wanpela wokmeri bilong kampani i bin kisim dispela mani na laik go long han bilong PNGBC beng long Jacksons ples balus bilong putim long beng. Long dispela taim, dispela man i kamap na pamim marasin nogut long pes bilong meri ya. Kwiktaim tasol em i kisim dispela mani na ranawe long wanpela ka em i wetim em i stap.

Bihainim dispela samting, ol sekyuriti bilong ples balus wantaim ol plisman i holim wanpela bilong ol dispela lain stilman kwiktaim na painim hapmani wantaim em. Mani ya em inap long K8,500. Narapela poroman bilong em i ranawe na hait i stap yet.

Wanpela sekyuriti gad i bin kisim bagarap long dispela birua. Na ol i kisim em i go long haus sik bilong kisim marasin.

Long sem de na wankain taim tu, narapela stilpasin i bin kamap long wanpela wokman bilong Shell Sevis stesin long Godens.

Wokman ya i bin go long ANZ beng long Waigani bilong putim kampani mani, sek na kes em inap long K27,000.

Hariap tasol wanpela ka wantaim tripela stilman i kam long baksait na hensapim dispela man. Ol i stilim mani na ol i ranawe. Plis i sekap yet long ol dispela samting.

**RABAUL, Is Nu Briten:** Long las Fraide apinun, tripela man i bin hensapim wanpela hausmeri na stilim ol samting long haus bilong wanpela waitman. Ol i bin stilim wanpela televisen em i kos inap long K600. Na wanpela kemera em i kos inap long K400.

Provinsal Plis Komanda, Sief Inspekta Patrik Semi i tok ol stilman ya i bin go long haus bilong waitman long samting olsem 2 klok apinun. Ol i hensapim hausmeri na stilim ol samting long haus. Plis i wok long sekap yet long dispela samting.

Long wankain taim tu, ol plisman i painim yet 4-pela kalabus man husat i bin ranawe long Keravat haus kalabus long las wik Mande.

Hia em nem bilong ol, John Willie wantaim 20 krismas na Biatas Guken wantaim 31 krismas. Tupela man ya i bilong Is Sepik. Willie i bin go kalabus long 5-pela yia long sas bilong stil.

Jack Moge bilong Kabwun insait long Morobe provins i bin kalabus moa long 8-pela yia long sas bilong stil tu.

Narapela em Eddie Makau wantaim 21 krismas bilong Is Sepik. Em i bin stap long haus kalabus long 4-pela yia na 5-pela mun long wokim stil pasin tu.

Ol i bin ranawe bihain long ol i go long dua bilong tromoi pipia. Long nau namba bilong ol kalabusman husat i ranawe long Keravat haus kalabus i go antap long 14. Narapela 10-pela i bin stap namel 39 kalabus man husat i ranawe long Keravat kalabus long mun Jun long las yia.

**KEREMA, Galp:** Wanpela sinia pablik sevan bilong Kerema i stap nau long kalabus inap long 6-pela wik wantaim bikpela mekim save. Kot i sasim em long gat muvi nogut. Man ya em Herman Itagau husat i holim wok olsem provinsal plena bilong provinsal gavman.

Kerema Distrik Kot i kalabusim em bihain ol i painim em i rong long holim ol muvi nogut.

Kot i bin larim narapela tripela man i go fri. Wanpela bilong ol em sinia mejistret Gregory Ivosa.

Tasol long Fraide gen, kot i putim nupela sas long wanpela marit husat ol i tok i wok long kamapim ol dispela piksa nogut. Nem bilong

moa plis ripot long pes 8

# Bikpela sapot kamap long kirapim PNG manimaket

**VERONICA HATUTASI | raitim**

PAPUA NIUGINI bai kirapim stok eksens bisnis maket bilong en long mun Septemba long dispela yia.

Ol wok bilong redim na toktok long dispela samting i wok long kamap nau. Ol lain husat i go pas long dispela samting long kantri nau i paitim toktok bilong wok-bung wantaim stok eksens bilong Australia. Na tu long wok bilong skelim na kisim nem bilong ol kampani husat i laik kamap memba bilong PNG stok eksens.

Ripot i tok 28 kampani i gat laik long joinim PNG stok eksens. Etpela i bilong Papua Niugini yet. Na narapela 20 em ol kampani

bilong Australia. Planti pipel long PNG i no klia tumas long wanem samting tru em i dispela stok eksens. Stok eksens em i olsem maket bilong baim na salim mani. Na long mekim dispela i mas gat wanpela bikpela haus na ol mesin olsem ol kompyuta i stap bilong ol wokman long ranim gut wok bilong manimaket.

Opis bilong stok eksens bai stap long Mosbi. Ol bai putim ol kompyuta na ol arapela mesin bilong bungim Mosbi opis wantaim ol arapela hap long Papua Niugini. Na tu long ol ovasis stok eksens maket olsem long Australia, Nu Silan, London long Inglan na ol arapela ples husat i mekim ol wankain wok.

Manimaket bilong PNG bai

bihainim stail bilong Nu Silan. Long wanem, bilong Nu Silan em i no hat long bihainim. Na tu olgeta lain i gat bilip olsem em bai wok gut long Papua Niugini.

Long kirapim manimaket, wan wan kampani i mas gat mani inap long 100 500 tausen kina.

Long Australia, ol kampani i mas gat mani inap long 2 milien kina pastaim long ol i ken joinim mani maket. Tasol long PNG, planti man na ol kampani i no gat dispela kain mani. Olsem na ol i makim K100 tausen olsem las mak bilong kirapim mani maket.

Wanpela bung i bin kamap long Mosbi long dispela wik bilong toktok long dispela samting.

Na moa long 200 bisnismen bilong Papua Niugini na Australia, ol bikman bilong Invesmen Pro-

mosen Atoriti, ol beng, Fainens Dipatmen wantaim ol arapela haus mani i bin bung long Mosbi Travelodge hotel inap long tupela de bilong glasim ol toktok bilong statim nupela stok eksens long PNG.

PNG Holdings Kopresen i bin go pas long dispela bung. Dispela Kopresen em i wanpela praivet han bilong gavman na ol i wokim bisnis na kisim mani bilong gavman.

Wanpela bikman bilong Kopresen, Kenneth Clemens i tokim bung olsem em i taim nau bilong PNG long kirapim wanpela stok eksens bilong en yet. Bikos em bai helpim tru long kirapim wok bilong manimaket long kantri. Na givim wok tu long planti pipel bilong kantri.

Ol toktok bilong stok eksens

insait long PNG i bin stat yet long yia 1986. Sampela i tok ol toktok i go bek long yia 1979. Tasol long Jun las yia, strongpela toktok long dispela samting i bin kamap. Na kirapim bel bilong gavman long mekim samting long en.

Praim Minista Paias Wingti i bin toktok tu insait long dispela bung. Em i tok gavman bilong em i sapatim tru tingting bilong kirapim stok eksens long dispela kantri. Em i tok tu olsem polisi bilong gavman bilong en em long kamapim gutpela ples bilong wokim bisnis olsem bai ol bisnis inap ron gut. Na stok eksens bai helpim tru ol bisnis long wok insait long PNG.

Em i tok ol oganaisesen na kampani husat i gat gutpela mani bai inap long kamap memba bilong stok eksens.

## Jemeni laik baim stret PNG kopi

**EDDIE SAUNDERS | raitim**

OL GAVMAN long Yurop olsem long Jemeni i tingting nau long helpim na baim ol kopi stret long ol man i save planim long helpim na developim kantri.

Na Papua Niugini em i namba wan kantri Jemeni bai lukluk long en strong tru.

Dispela ol kantri em ol memba bilong EEC (European Economic Community). Nau yet ol i wok bilong paitim toktok yet long ol dispela samting. Na toktok i no pas yet bilong wanem ol i mas kisim tingting long gavman bilong wan wan kantri husat i wok long develop yet olsem Papua Niugini.

Bilong wanem ol i laik pasim wanpela lo em ol bai baim kopi stret long ol man i kamapim. Ol i les long baim long ol treda.

Dispela ol EEC kantri i bilip olsem ol liklik man husat i save salim kopi long ples i ken kisim liklik mani. Sampela taim, namel man i no save baim gut kopi.



•Bikpela san gen long Mosbi....Meandou lamo bilong Hula Distrik bilong Sentrel provins i sindaun salim ol hap melon long Waigani maket. Sapos yu laik kolim nek long melon em 20 toea tasol. Photo: Louis Warimi.

## Wingti egensim tru singaut bilong Yunaited Nesens grup

YUNAITED Nesens Komisen bilong Humen Raits (UNCHR) long Jeniva i askim strong gavman bilong Papua Niugini long larim wanpela grup bilong en i go lukluk raun long Bogenvil Ailan.

Ol i laik go na glasim wanem samting i kamap long hap. Na sekap tu sapos ol ripot bilong ol sekyuriti fos na BRA i kilim nating na bagarapim sindaun bilong ol asples pipel i tru o nogat.

Insait long wanpela bung bilong komiti long Mas 8, ol i bin oraitim dispela tingting bilong salim wanpela grup bilong ol i go long Bogenvil.

Tasol Praim Minista Paias Wingti i no amamas long tingting bilong UNCHR.

Em i tok komiti ya i harim wansait stori bilong ol sampela lain husat i tok ol i sanap makim maus bilong ol pipel long Bogenvil. Na planti ol toktok bilong dispela lain em ol giaman toktok tasol. Bikos ol i laik kirapim bel na rabisim gutpela wok gavman

bilong PNG i mekim long stretim ples na sindaun bilong ol pipel long Bogenvil.

Sampela bilong ol man i makim ol kantri olsem Gini Bisau na Naijeria i bin oraitim dispela tingting. Mista Wingti i tok em i no amamas long dispela. Bikos em i tok planti arapela kantri i no save long wanem samting tru i kamap long Bogenvil.

I tru olsem Mista Wingti i wanbel wantaim sampela wari long bagarap em i kamap long sindaun na laip ol pipel i bungim long taim bilong hevi.

Em i tok gavman bilong Papua Niugini i no mekim nabaut na bagarapim ol pipel. Planti bilong ol i stap wok long ol narapela provins. Ol eks BRA tu i fri nau long raun long laik bilong ol yet. Gavman i no bagarapim ol. Na em i no amamas long ol kain kain toktok em ol man husat i no lukim yet Bogenvil o Papua Niugini i mekim long dispela hevi long ailan.

## Saut Bogenvil memba tok lukaut long rausim provincial gavman

**VERONICA HATUTASI | raitim**

NESENEL memba bilong Saut Bogenvil, Michael Laimo i givim tok lukaut long praim minista wantaim Provinsal Afeas minista bilong em long no ken rausim wok bilong ol provinsal gavman.

Mista Laimo i mekim dispela toktok bihain long gavman bilong Wingti i strong yet long rausim ol provinsal gavman. Na kisim ol provinsal atoriti i kam insait long wok.

Planti lain long oposisen na ol arapela pipel bilong kantri i toktok daunim dispela laik bilong gavman long rausim ol provinsal gavman. Bikos

pawa bilong ol pipel long toktok long ol bikpela wok insait long kantri tu bai lus. Aninit long ol provinsal gavman, dispela pawa i stap yet.

Long provinsal atoriti, pawa bilong toktok long ol bikpela wok samting bai stap long Waigani. Na ol pipel long provins wantaim ol grasrut bai no gat toktok long ol dispela samting.

Mista Laimo i tok sapos provinsal gavman i go, bikpela hevi moa winim dispela bilong Bogenvil bai kamap.

Bikos long nau yet, ol primia wantaim ol arapela bikman bilong Niugini Ailan rijon i toktok long bruk lusim Papua Niugini. Long wanem ol i laikim provinsal gavman i mas stap yet.

Mista Laimo i tok planti toktok na hatwok i bin go

long kirapim dispela wok bilong gavman. Wanpela komiti i bin go long olgeta hap bilong kantri long 1970 na kisim tingting bilong ol pipel.

### FRI BAIBEL KOS YU KEN KISIM SKUL LONG SALIM PAS

Salim num na edres long:  
WORLD BIBLE SCHOOL, Dept. PNG4  
P.O. Box 9346, Austin, TX 78766 USA



# WANTOK

## Aiwara inap pundaun stret nau

Hatwok bilong Papua Niugini Difens Fos Sevings na Lons Sosaiti Supanuesen Fan long painim wanpela insurens kampani long givim ol memba bilong fan laip insurens i karim kaikai pinis. Bikpela tenkyu i go long Pan Asia Pasifik Asurens (PAPA), wanpela PNG kampani.

Nau sapos wanpela memba bilong fan i go stap long Bogenvil na painim bagarap o i dai, PAPA bai baim laip insurens mani i go long famili bilong em.

Olsem wanpela PNG man, papa bilong PAPA insurens kampani, Ben Sabumei i luksave long hevi bilong ol soldia. Na tingting long helpim ol. Long nau yet, ol soldia i mekim bikpela wok long stretim gen Bogenvil.

Tingting bilong kampani long givim laip insurens long ol memba bilong PNGDF SLSSF em i wanpela bikpela samting. Dispela i soim olsem PAPA i gat tingting long helpim ol pipel bilong dispela kantri. Bikos ol pipel i namba wan risos bilong kantri.

Disisen bilong PAPA i mas mekim gavman i kisim sampela tingting. Bikos Difens Fos bilong kantri i kamap aninit long lukaut bilong gavman. Na em i wok bilong gavman long lukluk na givim kain sevis olsem i go long ol soldia. Gavman i no ken stap lukluk tasol na ol soldia yet i hatwok long painim kain sevis olsem.

Long arapela han, em i taim nau Difens Fos Ritaiamen Fan i tingting long kamapim kain insurens fan olsem bilong helpim ol soldia.

Sapos ol soldia i ken dai taim ol i givim laip bilong ol long kantri, watpo na gavman i no inap putim kamap kain insurens skim olsem.

## Ripot bilong Bogenvil ailan long dispela wik

# Olpela BRA komanda go bek long bikbus

### ALOYSIUS SAMI i raitim

BLERRY Korana Ratsi em i bin wanpela Bogenvil Revoluseneri Ami (BRA) komanda long Buka.

Long las yia mun Ogas, em i givim em yet long han bilong ol sief na sekyuriti fos. Na ol i larim em i stap long ples bilong em long Hanahan.

Tasol nau, Blerry i no moa stap long ples.

Ol plis na sekyuriti fos i wok long painim em. Tupela wik i

go pinis, em i ranawe lusim ples. Na ol i bilip olsem em i bungim ol poroman bilong em long bikples Bogenvil na i wok wantaim ol gen.

Long taim em i kamaut long bus long las Ogas, em i bin mekim sampela strongpela toktok i go long ol wanlain bilong em long kamaut long bus. Na long lusim pasin bikhet bilong helpim ol sief na sekyuriti fos long stretim ples na sindaun bilong ol pipel long ailan.

Ol sief, ol sekyuriti fos, ol pis komiti memba, ol plis wantaim edministresen i wok hat nau long lukautim Buka

ailan. Olsem na ol i putim taim tambu long Buka long tupela wik i go pinis. Dispela taim tambu i save stat long 6.30 apinun i go inap long 5 klok moning.

Buka ailan i stap orait. Tasol taim Blerry i ranawe, ol i pret olsem em bai kisim ol lain BRA i kalapim pasis long bikples Bogenvil na go long Buka ailan. Na bagarapim sindaun bilong ol pipel gen.

Long wankain taim tu, wanpela papa bilong wanpela banana bot i putim tok save long ol sekyuriti fos long bagarapim dispela bot sapos ol i painim.

Ol lain BRA i bin stilim dispela bot long Saposailan long is Buka. Na nau ol i yusim long hap bilong Metarai long wes kos Bogenvil.

Bot ya em i bilong famili bilong Edward Topuru. Em i save yusim bot long painim pis, karim ol kaikai samting na pasindia i go long Buka maket.

Tasol ol i no laik bungim hevi long han bilong ol BRA long dispela bot bilong ol. Olsem na ol i laikim amii mas bagarapim bot ya sapos ol i kisim bek. O painim long sampela hap bilong ailan.

## Red Cros redi long imunaisesen progrem

PNG RED Cross opis long Wakunai i redim pinis olgeta samting bilong kirapim banis sut (imunaisesen) progrem long Bogenvil.

Bosmeri bilong opis, Pauline Onsa i tok em i kisim pinis tupela bokis ais bilong putim ol marasin long en na ol i no ken bagarap. Na tu olgeta marasin bilong sut i stap redi pinis.

Misis Onsa i tok long nau yet, ol i wetim tasol ol lain bilong Helt Dipatmen long givim tok save bilong statim progrem. Na wok bai stat wantaim ol pikinini long ol kea senta pastaim.

Banis sut ya i bilong pasim ol sik olsem polio, tetanus, sik TB na misels. Na ol pikinini long Bogenvil i no kisim ol kain sut stat yet long 1989 i kam inap nau.

Tupela lain bilong Red Cross husat i stap long Rabaul i go pinis long Bogenvil long helpim wantaim dispela progrem. Em long David Lynch na Sista Nonny Ryan.

Em i tok tu olsem ol i redim pinis 500 liklik skol bilong marasin long wan wan de inap long hampas pikinini i ken kisim.

## Ogio no laikim tru pilai politik

HEVI bilong Bogenvil em i samting bilong olgeta man long wok-bung wantaim na pinisim. Na i no bilong sampela i kamaut long pablik na pilai politik long en.

Stet minista bilong Bogenvil Afeas, Michael Ogio i mekim dispela toktok bihainim sampela toktok em rijonal Bogenvil memba, John Momis i bin mekim long las wik.

Mista Momis i bin sutim tok i go long gavman bilong Wingti long planti hevi em ol pipel bilong Bogenvil i bungim yet long dispela taim. Na tu long stretim toktok wantaim ol sampela ovasis kampani long opim bek Panguna kopa main.

Mista Ogio i no amamas long harim dispela kain toktok i kam long Mista Momis. Na em i askim em long wok-bung wantaim em (Ogio) long painim gutpela rot bilong pinisim ol hevi long Bogenvil. Em i tokaut strong olsem gavman bilong em i no gat samting bilong haitim long ol hevi i stap long ailan.

## Kain kain lotu bagarapim rihebilitesen progrem

### VERONICA HATUTASI i raitim

RIJONAL memba bilong Bogenvil i laikim nesanel gavman long oraitim wanpela bikpela grup i go long Bogenvil. Na mekim ol wok painimaut long ol trabel i stap long ailan. Ol i ken sekim tu ol toktok bilong kilim dai nating ol pipel bilong ples.

Planti toktok i sut i go i kam long ol bagarap na dai em ol sekyuriti fos na ol lain Bogenvil Revoluseneri Ami (BRA) i kamapim long ol pipel bilong ailan.

John Momis i tok dispela lain i ken paitim toktok wantaim ol sekyuriti fos, ol pipel na ol lain BRA wantaim. Na painim rot bilong kamapim gutpela sindaun long ailan.

Mista Momis i bin autim toktok long nius bilong Redio Karai long dispela wik.

Long wankain taim tu, rijonal memba bilong Is Sepik, Sir Michael Somare i no amamas long pasin em ol i pasim lotu Katolik long mekim ol wok rihebilitesen long ailan.

Tupela sinia opis bilong plis na sekyuriti fos i go pas long wok bilong pasim ol Katolik pater na ol lain bilong ol long mekim wok bilong ol. Sir Michael i tok em i kisim pinis ol ripot long dispela samting. Na em i no laikim gen hevi bilong lotu i go bikpela long Bogenvil.

Samting olsem 90 pesen bilong ol pipel long Bogenvil i bihainim lotu Katolik. Tasol nau Oprensens Komanda bilong ol sekyuriti fos long ailan, Kenel Allan Pinia na bos bilong plis long Niugini Ailans rijon, John Toguata i wok long pulim ol Katolik na ol arapela Kristen lotu i go long ol pentikostel sios.

Mista Somare i bin tokaut tu olsem long dispela tasol na lotu Katolik i pasim sampela skol na helt sevis bilong en. Na ol pipel bai bungim hevi long dispela.

Em i askim nau gavman bilong lukluk long ol dispela hevi. Na stretim hariap pastaim long em i go bikpela.

Opis bilong Stet minista long Bogenvil Afeas i tok ol i harim ol toktok long dispela samting. Tasol ol i no kisim wanpela ripot yet.

Mausman long opis i tok em i no gutpela long ol i pasim Katolik Sios na ol pater long wok namel long ol pipel long ailan. I gutpela long olgeta lotu, maski ol Kristen sios na lotu pentikostel, i wok-bung wantaim long go hetim ol rihebilitesen progrem long ailan.

Wantok Niuspepa i no bin nap long kisim toktok bilong plis na sekyuriti fos long dispela samting.

## BRA bagarapim ol rot na bris

OL LAIN Bogenvil Revolusineri Ami (BRA) nau i wok long bagarapim ol rot, bris na ol wok em i stap aninit long progrem bilong gavman long stretim ples na sindaun long ailan. Ol birua na bagarap we i kamap namel long Wakunai/Buka rot long dispela taim em i soim ples klia dispela tingting bilong ol rebel paitman.

Dispela ripot i kam long Bogenvil Tude we i save givimaut ol nius long ol samting i kamap long ailan.

Long nau, ol sekyuriti fos long Bogenvil i pasim pinis rot namel long Loloho long sentrel Bogenvil na Tinputz long not Bogenvil.

Sampela toktok i bin kamap tu we i

tok bikbos bilong ol BRA, Francis Ona i givim strongpela toktok long ol lain bilong em long bagarapim ol pablik sevan. Na ol wok gavman i mekim long stretim ples na sindaun long ailan.

Bikos gavman bai surikim opis bilong em isi isi i go long Arawa. Na Ona i egensim dispela mov long sanapim opis long Arawa.

Nau yet ol fos i tok save long ol pipel long yusim balus sapos ol i laik go long Loloho, Wakunai na Tinputz. Dispela i kamapim sampela hevi long ol manmeri husat i save yusim rot long mekim wok bilong ol. Mea yet ol pipel bilong Tinputz, Inus, Wakunai na Mabiri.

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





Wanpela nait Kanage wantaim meri bilong em na liklik pikinini meri bilong tupela i silp i stap na bikpela guria i kamap. Guria ya i no isi isi long sekim ol haus. Mekim na olgeta manmeri long ples i pret na lusim haus na i go sanap ausait. Tasol Kanage wantaim meri bilong em i no pilim wanpela samting. Tupela i silp olsem ol dai man stret. Guria ya sekim ol haus i go na i no longtaim i kamap moa bikpela. Na sekim krangli haus bilong Kanage. Kanage kalap nogut na i laik kisim pikinini meri bilong em na nogat em abrus na karim meri bilong em na ran i go ausait long haus. Em i go ausait na karim meri bilong em i stap. Em ting olsem em i karim pikinini meri bilong em. Em karim meri bilong em sanap i go na pilim olsem tupela han bilong em i dai. Na tu lek bilong em i dai olgeta. Em nau Kanage i laik lukluk i go daun na em i luksave olsem em i wok long karim meri bilong em na sanap i stap. Em bel kaskas nogut tru na kirap hapim meri bilong em i go antap liklik na tromol em i go daun long graun. Ol arapela manmeri i lukim olsem na ol i painim hat stret long lap. Na ol i tok: Plis no ken lap. Taim nogut ya.

**Max Pondale Wala WEWAK**

Kanage i no save go lotu liklik. Olgeta Sande meri bilong em na arapela manmeri save go lotu, em bai sindaun long liklik sia bilong em na smok, kaikai buai na sindaun wetim meri bilong em. Wanpela taim meri bilong em i krosim em long em i no save go lotu. Na wanpela Sande tupela i go long lotu. Meri bilong em tasol i go insait na Kanage i no go insait. Em i sem olsem na em i go na sanap long dua tasol. Pater i stori long ol soldia kisim Jesus na putim em long kros na sutim em long sait bilong em wantaim sipia. Taim Pater i tok sipia, Kanage singaut na tok: "FAK SAPOS MI STAP BAM I BAGARAPIM OLGETA" olgeta manmeri i kirap nogut olsem Kanage i no save go lotu na em marimari long Bikman. Bihain long dispela taim Kanage i save go lotu olgeta taim.

**Geekay MOSBI**

Wanpela potnait wik Fraide tambu bilong Kanage Sukundimi i redim sampela kaikai na invailim Kanage wantaim famill bilong em long go na kaikai wantaim ol. Sukundimi i maritim susa bilong Kanage. Em nau Kanage i kisim famill bilong em na ol i go long haus bilong tambu bilong em. Ol i go kamap na sukundimi i welkamim ol. Na ol i redi long kaikai na Kanage i pilim olsem em i laik pekpek. Em nau em i tokim tambu bilong em olsem: Tambu, yupela beten na stat long kaikai. Mi pilim nogut tru ya. Olsem na mi go insait long liklik haus pastaim. Kanage i go pekpek i stap na ol i beten. Taim Sukundimi i laik pinisim beten stret na Kanage i tromol wanpela bikpela kabubu stret. Tambu bilong Kanage i laik pinis prea wantaim "Amen" na nogat em i tok "Kam In." Em ting olsem wanpela man i nok long dua bilong haus. I no longtaim ol i harim Kanage i mekim save long lap insait long toilet. Sukundimi belhat nogut tru na tokim meri bilong em (susa bilong Kanage): Brata bilong yu i wokim nais long taim bilong kaikai. Na yu bai wokim wankain nais long taim bilong silp insait long rum. Meri bilong Sukundimi kirap na bekim: Em liklik samting. Mipela ol meri Gawi i gat strong tu ya. Nogut abrus na bai yu wokim nais. Sukundimi harim olsem na sekanim meri bilong em.

**Russel R Harry Jailbird, KAINANTU**

moa tok pilai long pes 16

# Grup bilong daunim ol bikhet pasin kirap nau

**JOE KANEKANE i raitim**

WANPELA grup ol i kolim *Men Against Violence* i statim pinis wok bilong en aninit long Dipatmen bilong Hom Afeas olsem wanpela NGO o Non Gavman Oganaisesen.

Dispela grup i gat ol wankain grup olsem i stap long ol narapela kantri na opis bilong ol long Papua Niugini em i namba wan taim tru.

Man husat i bin bringim dispela grup i kam long PNG na kodineta bilong MAV long Papua Niugini Saimon Yanis i tok wok tru bilong dispela grup em bilong helpim ol pipel na wokman husat i save painim hevi long wok bilong ol, o ol man husat i save belhat kwik na laikim pasin bilong pait.

Nau yet MAV i bin kirapim planti wok pinis long kantri we ol wokman bilong MAV i bin ranim sampela kos bilong sukulim ol man meri long pasin bilong abrusim ol dispela kain pasin.

I no longtaim i go pinis, Dipatmen bilong Hom Afeas i bin luksave long dispela grup na Seketeri bilong Dipatmen, Bill Kua i tenkim ol lain i go pas long bungim dispela grup na askim ol opisa bilong MAV long kamapim moa wok.

Mista Yanis i stori olsem as tingting em i kisim dispela grup i bin kamap long taim em i stap long Yunivesiti bilong Papua Niugini olsem wanpela sosol wok sumatin long ya 1991.

Long dispela taim, ol sumatin long Yunivesiti i bin holim wanpela bikpela straik we ol i no bin go skul long soim gavman, long tingting bilong ol long wanpela disisen we ol memba bilong Palamen i wokim long apim pe bilong ol.

Long dispela taim, ol

sumatin i bin kamapim sampela bel hevi tingting na kros we i bin suyim ol long wokim ol trabel olsem kukim ol gavman ka, stapim ol ka long pablik rot na kros pait wantaim ol plisman.

Long dispela taim i bin gat bikpela nid long skulim ol sumatin long kontrolim ol bel hevi na belhat kwik tingting bilong ol.

Mi bin wanpela lida bilong ol sumatin long dispela taim na mi bin tok nogat long dispela straik," Mista Yanis i tok.

Mista Yanis husat i bin presiden bilong Sosol Woks Sumatin Asosiesen na presiden bilong eks semineriens klap long UPNG i painimaut olsem komyuniti bilong yunivesiti i wok long bruk bruk long pasin bilong ol, na sindaun bilong ol i no wok long stap gut.


Wantaim Ann Borrey, wanpela Kriminolojis tisa, Saimon i bin autim tingting bilong em long kamapim dispela grup.

Dispela tisa i sapatim aidia bilong Mista Yanis, long wanem em yet tu i wok wantaim ol raskol long painimaut ol as bilong ol i save mekim ol pasin nogut, olsem wanpela wok painimaut.

Long dispela taim Saimon i bin painimaut long Pita Wheeler husat i bin wok olsem wanpela trening menses long Habas Bot bihain tasol long wanpela liklik miting wantaim em, tupela i kamapim wanpela aidia long ranim wanpela kos program long Yunivesiti.

Dispela tingting i bin kamap long rait taim tru long wanem, taim ol i kamapim dispela kos ol sumatin i bin kambek long Yunivesiti bihain tasol long ol i stap ausait long skul long wanpela semesta na sampela i belhat long westim taim bilong ol.

Mista Wheeler husat i wanpela strongpela sapota bilong



• Mista Yanis...em i mobeta long stretim ol hevi long gutpela rot.

dispela grup i bin kamapim wanpela program bilong ol Yunivesiti sumatin long stap insait long wanpela kos.

Tripela ten ol sumatin i bin putim nem long stap insait long dispela kos, dispela kos, dispela namba i soim Saimon olsem planti sumatin i bin i gat laik long stap insait long dispela kos.

Bihain long 6-pela wik, ol sumatin i bin kisim setifiket long stap insait long dispela kos.

Dispela nambawan kos i soim Saimon long gutpela sans bilong kirapim moa wankain kos long bihain taim, long wanem insait long Papua Niugini i gat kain kain ol manmeri na tingting na pasin i no wankain.

Liklik taim bihain Saimon i bin pinisim skul bilong en na em i wok fultaim wantaim MAV, em i stat long redim ol pepa wok long kamapim dispela grup i kamap olsem wanpela muvmen.

Nambawan wok tru bilong Mista Yanis em long surukim nem na toksave i go long ol manmeri olsem dispela MAV grup i kamap long PNG na ol gavman dipatment wantaim ol narapela lain tu long luksave long dispela grup. Long mekim dispela toksave wok, em i go long olgeta niuspepa kampani na raitim stori bilong em.

Ol lain long Dipatmen bilong Hom Afeas i luksave long dispela nuis, long gutpela Trening Program bilong MAV, na askim Saimon long wokim wanpela wok bilong ol. Dispela bikpela wok tru bilong Saimon em long raitim na ? wanpela program bilong ol lain pipel long Buka, we MAV i wok long sait wantaim Bogenvil Restoresen Program.

Long dispela taim, tripela narapela man i kam wok wantaim MAC, Mista Robert Titi husait i kamap olsem wanpela training Dairekta na Misis Betty Billy, olsem wanpela principal eksekutiv. Wantaim tupela wanwok, Saimon i surukim moa taim bilong en long raitim konstitusen na ? ol bikpela wok em i tingim long winim.

MAV grup i wok long kamap bikpela isi isi tasol, wantaim sapat na rekomendesen bilong Dipatmen, ol narapeia gavman dipatment i askim MAV long ronim sampela kos.

Ol lain opisa long Dipatment ov Hom Afeas, Plis na i kisim pinis nambawan hap skul bilong MAV, na Saimon i tok ol i hamamas tru long wanem kos i halivim ol tru.

Wok bilong ol woda na plisman i save hat tru long wanem ol i wok wantaim ol pipel.

Sampela as tingting bilong MAV taim ol i save ronim ol Trening Program em long:

• Luksave long pasin bilong i go moa long pes 6



• Ol manmeri i bung long dua bilong go insait long bikpela haus kibung bilong kantri long Nesenel Palamen. Long dispela haus, ol i mas kisim hap tok orait pepa bilong sekyuriti pastaim.

## TU MINIT TINGTING

### MAK BILONG DIWAI KROS I GAT PLANTI MINING

OLGETA bikpela lain o grup o wok i gat mak bilong en.

Air Niugini i gat mak bilong kumul long tel bilong ol balus bilong en. Olgeta taim long spot i gat 'T' siot i gat spesel mak bilong en. Yunifom em i mak bilong plisman na soldia na nes.

Olsem tasol na mak bilong ol Kristen em i mak bilong diwai kros.

Sapos mi lukim dispela mak long wanpela ambulens, o antap long wanpela haus, o olsem liklik bilas i hangamap long nek bilong wanpela meri, mi save pinis: hia em i wanpela Kristen o wanpela Kristen wok.

Bipo bipo tru, bikpela Jenerel Konstantain bilong ol Rom i kisim dispela tok save insait long wanpela driman, "Yusim mak bilong diwai kros na bai yu win." Orait, nau jenerel ya i odaim ol soldia long penim wanpela mak bilong diwai kros antap long plang bilong pait bilong wan wan. Ol i mekim olsem. Ol i goaut long pait. Na ol i win.

Bilong wanem na diwai kros i gat bikpela mining long tingting


bilong yumi ol Kristen? Bikos Jisas i bin baim bek yumi long indai bilong em long wanpela diwai kros.

Olsem Sen Pol i tok long Filipai 2.8, "Em i daunim em yet na i bihainim Tok bilong God, i go inap long em i dai; yes inap long em i dai long diwai kros."

Long tingting bilong ol Kristen, diwai kros em i diwai i givim laip, na em i wanpela mak bilong win. Diwai kros em i no mak bilong karim pen tasol. Nogat. Em i mak bilong laip na bilong hop.

Olgeta diwai kros i gat tupela plang bilong en. Wanpela plang i sut i go antap na i lukim heven. Em i pulim yumi long God. Na narapela plang is poinim sait sait. I olsem em i poin long ol manmeri nabaut long yumi hia long graun. Yes, yumi mas laikim God; tasol Jisas i tok yumi mas laikim ol manmeri tu. I olsem tupela plang bilong diwai kros i pas long namel.

Long diwai kros, wanpela plang i katim narapela. Dispela em i tok piksa bilong ol diwai



FRANK MIHALIC i raitim

kros i stap long laip bilong yumi. Em ol samting i katim laik bilong yumi, em ol samting i egensim yumi, em ol samting yumi no laikim. Jisas i bin ting long ol dispela kain diwai kros long laip bilong yumi, long taim em i tok olsem long Matyu 10:38, "Man i no karim diwai kros bilong em na bihainim mi, em i no inap stap pren bilong mi."

Diwai kros em i mak bilong tupela samting i pait, o resis;

long wanem, wanpela i katim o rausim narapela. Em i mak bilong laip i pait wantaim indai; laip i pait wantaim tudak; heven i resis wantaim graun.

Long taim sampela Kristen i blesim wanpela samting, ol i no save autim wanpela prea tasol. Nogat. Ol i save droim mak bilong diwai kros antap long dispela samting. Sapos ol i laik kirapim wanpela beten, pastaim ol i save kisim raithan bilong ol na droim wanpela mak bilong diwai kros antap long het na bel na tupela solda bilong ol. Long taim ol i sanap long lotu na i putim yau long Tok bilong Gutnius, ol i save droim liklik mak bilong diwai kros wantaim bikpela pinga bilong ol, na tasim pore na maus na bel bilong ol. Em sampela pasin bilong sampela Kristen long yusim mak bilong diwai kros.

Nau mi laik pinis wantaim wanpela sin liklik stari. Wanpela man i bin wokim planti rong na nau. Ol dispeal i karampim em olsem wanpela tewel o sedo. Dispela tewel i save bihainim em long olgeta taim; na man ya

i laik rausim dispela tewel. Em i pundaun long graun na i tantanim nabaut, tasol tewel i poromanim em yet. Em i kalap long wara bilong ranawe long ranawe long tewel bilong em. Tasol nogat. Tewel i stap yet. Nau em i go dringim planti wiski bai em inap spak na lusim tingting long dispela tewel bilong em. Tasol nogat; tewel i stap yet.

Man ya i autim wari bilong em long wanpela saveman, na saveman i tokim em olsem: "Em i no hatwok bilong rausim em i bihainim yu. Yu mas sanap tasol aninit long tewel bilong wanpela diwai." Long tingting bilong yumi Kristen, dispela tok stia i min olsem: "Yumi inap rausim tewel bilong ol rong bilong yumi sapos yumi sanap aninit long tewel bilong diwai kros tasol."

Long 1 Kor 1:18 yumi rit olsem: "Tru, ol man i laik lus, ol i save ting tok bilong diwai kros em i kranksi tok tok tasol. Tasol yumi manmeri God i wok long kisim bek, yumi save olsem: tok bilong diwai kros em i strong bilong God."

## No gat moa wokmisiin kamap long Niugini Ailan

### SANANG ZAZORING i raitim

SENIS insait long wok bilong Luteran Sios long Niugini Ailan distrik i soim olsem em i no moa sanap olsem wanpela wokmisiin eria. Het bisop bilong

Luteran Sios long Papua Niugini, Getake Gam i bin mekim dispela tok tok taim em i bungim ol wan tausen faiv handed memba bilong Luteran Sios

long Kimbe las yia.

Long Desemba 1993, ol lain long hap i bin askim Bisop Gam bilong go na givim wok long 31 hetman na meri wantaim ol tisa bilong Kimbe seket. Na em i bin go bilong mekim olsem.

Tasol pastaim em i bin autim sampela tok tok na tokaut klia long wanem samting i wok long kamap nau insait long wok bilong Luteran Sios long PNG.

Stat long 1970 i kam, bikpela senis i bin kamap long Kimbe seket. Bikpela hap bilong dispela senis i sut long namba bilong ol Luteran Sios memba long hap. Namba bilong ol i go antap na

ol i kirapim tu wanpela bikpela haus lotu.

Bisop Gam i tok, "Sapos wanpela distrik i soim strong bilong em yet long wok sios, orait, no gat wanpela samting bai pasim sios long tokaut olsem dispela distrik i ken sanap em yet na autim Gutnius.

"Sampela mak bilong dispela em olgeta Kristen memba i mas holim bung bilong sios, bihainim pasin bilong

prea na long lusim sin bilong ol arapela. Ol dispela pasin i mas stap oltaim."

Long wankain taim, em i tok ol hetman i kisim pinis blesing long wok. Olsem na ol i mas sanap strong na autim Gutnius bilong Jisas Kraus. Em i skruim tok olsem ol i no ken sanap tasol long alta na tokim ol pipel long mekim samting, ol yet i mas

wok na trenim ol pipel long bihainim olgeta skul bilong God na kisim laip bilong oltaim.

"Trupela sios bilong God i ken sanap em yet na mekim olgeta wok bilong sios, lukautim wok bilong em yet, na tu long sanap strong na autim Tok bilong God na tokaut long bilip bilong olgeta Kristen manmeri," het bisop i tok.



## Ol Luteran bilong Tapratol gat nupela haus lotu nau

TAPRATOL kongrigesen bilong Dawo seket nau i gat nupela haus lotu bilong en.

Ol dispela lain i kam aninit long Jiwaka distrik bilong Luteran Sios long Papua Niugini.

Dispela haus lotu nau i pinisim olgeta kain hatwok nabaut bilong painim ples bilong lotu. Olsem na ol i bin holim tu bikpela bung bilong soim amamas bilong ol long dispela.

Bung bilong dispela i bin kamap long mun Desemba bilong las yia.

Wok bilong Tapratol haus lotu i bin stat long 1982. Orait long 1983, em nau bikpela wok bilong bungim mani i stat na olgeta sios memba i taitim bun nau wantaim hamas em ol yet inap kamapim long en.

Ol yet i hatwok i go na bungim K34,400. Na bihain tasol, ol i askim kamda Sam Kunga long kirapim ol wok. Dispela wok i no kirap hariap inap long 1986.

Ol memba bilong dispela kongrigesen i salim tu bikpela amamas bilong ol i go long misin wokman,

Jomie Wild wantaim ol lain kongrigesen bilong em long kantri Jemeni long gutpela helpim na sapot bilong ol.

Orait long taim bilong opim haus lotu, bikpela lain man, meri na pikinini tru i bin kamap. Tasol no gat wanpela man o meri i makim nesanel sios i bin kamap long dispela bung.

Long wankain taim em ol i opim haus lotu, i bin gat baptais, konpemasio bilong ol yangpela na ol i putim tu nupela hetman long wok na givim blesing long ol.

ELC-PNG Jiwaka distrik i bin kamap long nem bilong tripela hap olsem Jimi, Waghi na Kambia bihainim gro bilong ol Kristen memba insait long Luteran Sios. Na dispela i bihainim wankain rot i kam inap long taim Tapratol kongrigesen i kirap na go het.

Wok bilong Luteran Sios insait long Papua Niugini i wok long kamap bikpela tru. Olsem tasol na moa distrik, seket, peris na kongrigesen tu i kirap bilong helpim dispela.

## Grup bilong daunim ol bikhet pasin kirap nau

I kam long pes 5 kirapim bel kros long olgeta level Reginol, Lokol na Nesenol.

• Painim aut ol kain pasin bilong bel kros, na kamapim ol rot bilong pinis dispela ol pasin.

• Painim ol rot we ol wanwan manmeri o grup i ken wok bung wantaim na traime abrusim dispela pasin kros i go kamapim pait.

Mista Yanis wantaim Mista Titi i bin go long kantri

Nu Silen we wanpela mama grup bilong MAV i stap. Long dispela lukluk raun tupela i bin visitim ol eria long ol kain kain rot bilong stratim pasin kros, Bel hevi na belhat bilong kamapim pait.

"Dispela raun i halivim mipela long luksave long sampela meri we yumi ken painim long bihaint aim, na dispela i halivim yumi long raitim ol program na kos gut," Mista Yanis i tok.

• Ol memba bilong Luteran Sios seket long Kimbe i helpim het bisop bilong ol, Getake Gam long planim wanpela diwai kokonas. Bisop Gam i mekim olsem bilong soim rot em sios wok i bihain na kirap long Kimbe.

# Ol meri Morobe tu bung long prea de

## SANANG ZAZORING i raitim

MOA long 200 Luteran meri i bin holim bung bilong wol prea de long Lae insait long Morobe provins.

Long dispela yia, tok orait i bin kamap olsem Mas 4 em i intansenel prea de bilong ol meri long olgeta hap bilong graun. Na long dispela kain taim, ol meri bai bung na prea long helpim sindaun na wok bilong ol.

Kundu i pairap na ol pipel bilong ples Butibam i pulim ol meri i go long prea de bilong ol. Na ol lain meri husat i kamap long dispela

bung i kam long Balob, Ampo, Martin Luther Semineri, ples Butibam na Yanga-Sipaia.

Bung bilong ol i bin kamap long Sen Andrew Luteran Sios long Fraide, 4 Mas. Na ples i pulap olgeta.

Hap tok long tok ples bilong kantri Arab "Salaam" na i min olsem "Bel isi" i bin go pas long dispela lotu bilong ol meri. Na dispela i bihainim singaut bilong ol meri long Palestaim long bung wantaim ol long mekim prea.

Meri husat i autim Tok bilong God long dispela de i tok, "...Mi tok Salaam long yupela olgeta'.. Dispela de i bungim tingting bilong ol meri long stap isi na

tingim kain kain hevi em ol meri i bungim nau insait long wol namel long kain kain sosaiti na kastam."

Taim ol meri i singim wangepela song, ol i sekan bilong soim bel isi na wanbel em ol i gat na i givim long ol arapela insait long prea bilong ol.

Bihain long dispela, Merner Thamn i autim toktok na em i tokim ol meri olsem, "Go, lukim na mekim." Dispela hap toktok bilong em i bihainim het tok bilong dispela prea de bilong ol.

Mis Thamn i tok ol meri i gat bikpela wok long autim Gutnius long dai na kirap bilong Jisas Krai. Na dispela i wankain long wanem samting ol meri i bin

mekim long taim bilong Jisas long Jerusalem.

"Stori bilong dispela i stap long Buk bilong Matyu 28:1-10 na long Mak 16:1-11.

"Ol meri i pret, tasol ol i gat bikpela amamas wantaim na ol i ron i go long tokim ol disaipel olsem Jisas i kirap bek pinis long matmat na i stap laip," Mis Thamn i tok.

Em i skruim tok olsem taim bilong Len i kamap klostu na i bringim yumi i go klostu long wanem samting i bin kamap long Bikpela bilong yumi, Jisas Krai.

Em i tok taim Jisas i go long han bilong ol birua, ol disaipel bilong

Jisas i pret na haitim ol yet. Na ol i no bin save long wanem samting i bin kamap long dispela Jisas em ol i bin stap wantaim em oltaim.

Tasol long dispela prea de, bel bilong ol meri i bin kirap wantaim bikpela amamas taim ol i harim gen stori long wanem samting ol susa bilong ol i bin mekim long taim bilong Jisas. Long wanem ol disaipel i pret na ranawe, tasol ol meri i stap wantaim Jisas inap em i kirap bek long matmat.

Bihain long dispela lotu, ol meri i ksim kaikai na pilai spot bilong soim amamas long gutpela laip na sindaun nau ol i gat long Papua Niugini.

## Bun bilong Luteran Sios stap nau long gutpela wokbung, Bisop Gam

OL wokman bilong ol sios distrik olsem long Niugini Ailan na ol arapela hap i no ken traim kamapim ol liklik grup bilong ol yet na resis wantaim ol lida nau i stap pinis.

"Maski yupela i kam long wanem hap na i stap long ol arapela distrik, yupela i mas wokbung wantaim na mekim olgeta wok bilong sios bihainim wanem plen bilong dispela distrik. Bikos dispela bai strongim bikpela wok bilong Luteran Sios long Papua Niugini."

Het bisop bilong Luteran Sios long Papua Niugini, Getake Gam i bin mekim dispela toktok long wangepela bung bilong ol Luteran bilong Niugini Ailan distrik long las yia.

Dispela bung i bin kamap bihainim sampela hevi em i bin kamap. Na tu, ol kain kain hevi bilong sios insait long ol sios distrik nau. Wangepela bilong ol dispela bikpela hevi em long pasin bilong bruk na kamapim ol liklik sios grup nabaut.


Bisop Gam i tok,

"Pasin bilong wokim ol liklik grup na kamapim biknem na nem bilong asples i mas pinis nau. Dispela tok i kamap long wanem dispela hevi i stap pinis long planti distrik bilong ELC-PNG."

Long dispela taim tu, Pasto Roewec Roenuc i tok planti yangpela i laik autim Tok bilong God na mekim wok sios. Olsem na sios i mas mekim samting long trenim ol yangpela long kism gutpela save long Tok bilong God.

Em i tok, "Luteran Sios i go insait long planti senis bilong ol wok developmen. Olsem na yumi mas mekim wok bilong strongim ol Kristen memba bai ol inap sanap strong bihainim ol skul bilong sios stret."

Em i tok tu olsem long nau i go long yia 2000, sios i mas glasim ol dispela senis na redim ol program bilong helpim na strongim ol yangpela long mekim wok insait long sios. Na long wankain taim, ol bai sanap olsem ol strongpela Kristen manmeri.



• Het bisop bilong Luteran Sios bilong Papua Niugini, Getake Gam i sekan na bungim ol liklik skul pikinini long Kimbe insait long Wes Nu Briten provins. Bisop Gam i bin go long hap bilong paitim toktok long ol kain kain hevi nau i kamap insait long wok sios.

## Strepela tingting insait long ol Kristen famili

KATOLIK Komisin bilong "Justice and Peace" wantaim ol wanwok long ol daosis nau wok long wangepela bikpela kos long Famili na "Justice and Peace" long Hagen.

Long Mas 10 na 11, lain bilong Famili Laip Komisin i bin stap wantaim. Insait long ol dispela toktok bilong ol, ol i bin skelim olsem wanem ol Papa na ol Mama i ken wok long kamapim strepela tingting insait long ol famili. Hia em ol sampela tingting ol i bin autim:

### OL PAPA

Yumi save, olgeta pipel i kamap pikinini na piksa bilong God, i gutpela sapos ol papa bilong ol famili i sapatim raitis bilong ol meri. 'Law

Reform Commission' i bin kamapim planti nupela lo bilong gutpela sindaun insait long ol famili. Olsem ol papa i ken sapatim gut dispa ol lo, bai ol famili na ol meri tu i ken stap gut na bel isi. Yumi gat lo i tambuim pasin pamuk, yumi mas sapatim dispela.

Yumi noken salim ol pikinini meri long kism mani long pasin pamuk. Tingim pikinini meri i bikpela samting tu long ai bilong God.

Taim ol i toktok long pasin bilong oagarapim meri (rape), ol i tok, taim man i lukim meri, skin bilong em i save kirap kwiktam. Gutpela sapos ol meri i no raun wangepela tasol long ol hap i nogat

pipel o long nait o grisim ai bilong man. Tasol, nogat wangepela man i gat rait long repim wangepela meri. Na olsem olgeta man i mas lainim long bosim bodi bilong ol yet na lukautim gut olgeta pasin bilong ol yet.

Ol papa i gat wok long luksave na stopim pasin bilong bagarapim pikinini. Pasin bilong givim planti wok long pikinini i no bikpela tumas long PNG. Tasol sampela pikinini i save wokim wok bilong ol bikpela manmeri long planti aua.

Na tu planti ol bikpela manmeri i save pilai krangi long bodi bilong ol liklik pikinini, na pikinini olsem i save sem na pret long tokaut. Pikinini i gat rait bilong em yet, i

no long kism save na moa yet long trupela laik insait long famili bilong em.

Dispela ol toktok i bin bihainim bikpela pas bilong Bisop, em i tok:

• Tude mipela ol bisop, na mipela olgeta memba bilong sios, mipela i askim yupela olgeta papa na maritman long rispekim na laikim ol meri bilong yupela. Yupela mas stap wantaim wangepela meri tasol, em meri bilong yu.

• Pasin bilong paitim meri i nogut tru: Em i no daunim nem na namba bilong meri tasol, em tu i daunim gutnem na gutpela tingting bilong yu yet.

• Papa, pls tru, lusim ol strongpela dring na spaak brus, nogut yu

lus long bosim yu yet na yu no moa stap masta bilong bodi bilong yu.

• Yu mas yusim pei bilong yu long helpim famili bilong yu. Em i wok bilong yu long lukautim gut bodi na sol bilong meri na ol pikinini.(P.L.p.28)

Ol grup i pilim olsem famili i mas wok wantaim, ol papa i mas yusim gut olgeta pawa bilong ol long kamapim wanbel, bikpela laik, pasin bel isi na gutpela sindaun insait long famili.

### OL MAMA

Dispela grup husat i bin toktok long we ol mama i ken wok long kamapim strepela pasin insait long famili.

## Pop Jon Pol bai kam long PNG long neks yia

HETMAN bilong lotu Katolik long wol Pop Jon Pol bai kam long Papua Niugini long mun Janueri neks yia.

Apostolik Nansiet long Mosbi em i makim maus bilong Pop long PNG. Na opis bilong em long dispela wik i tokaut long dispela samting.

Ripot i tok Pop Jon Pol bai stap long kantri inap long tupela de tasol. Em bai kam kamap long Janueri 16 na lusim gen kantri long Trinde, de namba 18 bilong go long Australia.

Bikpela as tingting long Pop i kam long PNG em long mekim Peter ToRot wangepela Tolai Katekis bilong Rabaul long bipo olsem santu. Tasol em i dai pinis. Ol ami bilong Japan i bin kilim em long bikpela namba tu pait bilong 1943.

Pop bai lusim Mosbi na i go long Rabaul long Janueri 17 bilong stap insait long bikpela lotu bung long asples bilong Peter ToRot yet, em long Raku-nat.

## Wok evanjelaisesen bai givim gut helpim

### EDDIE SAUNDERS i raitim

EVANJELAISESEN semina bilong ol Katolik yut bai ihelpim tru ol yangpela long autim Gutnius long wan wan hap bilong ol. Na tu long tanim bel bilong planti yangpela husat i pas wantaim ol bikhet pasin nabaut.

Insait long semina em i bin kamap long Sivarai Namona long Bomana ong mosbi, tupela yangpela man i makim ol Katolik na Engliken yut bilong Popondetta taun i bin stap tu. Nem bilong ol em Stanley na Seno.

Tupela yangpela i tok long nau, ol yut bilong tupela sios long Popondetta i wokbung wantaim long ol wok felosip. Dispela pasin i stap strong nau na go gut long Oro provins.

Ol Katolik yut i save sindaun wantaim ol Engliken yut long felosip bilong ol. Na wankain pasin tu wantaim ol yangpela bilong lotu Katolik.

# Ol kaunsol komplek long gavman katim mani bilong ol long wok

**BEN TAUMAI i raitim**

OL kaunsol bilong Madang provins i tokaut olsem ol i no amamas long nesenel gavman i katim mani aninit long Viles Sevis em i promis long givim i go long wan lokol gavman kaunsil insait long kantri.

Ol i tok dispela mani nesenel gavman i katim i no bikpela long ol i ken yusim long karimaut ol wok bilong ol.

Mausman bilong olgeta kaunsol insait long Madang, Jack Nagg i tok ol i no amamas long dispela. Na em i askim rijonol memba bilong Madang, Peter Barter long toktok wantaim Provinsal Afeas na Viles Sevis ministra John Nilkare na Praim Minista Paias Wingti.

Mista Nagg em i presiden bilong olgeta kaunsil insait long Madang provins. Na em i mekim dispela toktok long wanpela woksop bilong viles Sevis ol i holim long Madang Resort hotel long las wik. Woksop ya i bin stat long Mande, Mas 7 na pinis long Fonde, Mas 10.

Olgeta kaunsil presiden wantaim ol eksekutiv opisa bilong



• Ol lain kaunsol bilong ol ples insait long Madang provins i sindaun bung wantaim ol eksekutiv opisa bilong ol ausait long Madang Resort hotel bihain tasol long skul bilong ol. Tasol bikpela hevi bilong ol em watpo na nesenel gavman i katim mani em bai givim i go long Viles Sevises. Foto: Ben Taumai.

ol i bin kamap na stap insait long dispela woksop.

Mista Nagg i tok pastaim Mista Nilkare i tok olsem nesenel gavman bai givim K12 long wan wan manmeri insait long wan wan lokol gavman kaunsil eria. Tasol nau nesenel gavman i katim dispela

mani i kam daun long K9.

Em i tok dispela i min olsem Madang provins nau bai kisim K2,799 long wan wan yia. Long dispela mani, K1,50 bai go long edministresen wok, K6 bilong ol projek wok na K2 tasol bai go long wok bilong helpim ol

pikinini. Na em i tok em i no save wanem mani em ol bai yusim long lukautim ol viles kot mejistret na len medieta.

"Dispela i soim olsem ol toktok bilong nesenel gavman long olgeta wok plening i mas stat long ol pipel i no inap long kamap.

Bikos gavman i wok long senisim ol tok promis bilong en," Mista Nagg i tok.

Mista Barter husat i bin stap long pasim dispela woksop i tok olsem em i luksave long hevi bilong ol. Na em bai toktok wantaim Mista Nilkare na Parim Minista Wingti.

## Olpela politisen sapat long Wes Sepik mas bruk

**FELIX RAMRAM i raitim**

WANPELA olpela politisen bilong Wes Sepik provins i sapatim nau tingting bilong rijonal memba bilong Wes Sepik John Tekwie long nesenel gavman i mas luksave long hevi bilong Wes Sepik na Westen provins. Na givim tok orait long ol pipel bilong dispela tupela provins long givim tingting bilong ol long stap yet olsem hap bilong Papua Niugini o bruk na lusim Papua Niugini.

Olpela politisen ya, Wegra Kenu bilong ples Waromo i tok Wes Sepik na Westen provins i stap wankain yet. No gat ol bikpela senis o developmen i kamap long dispela tupela provins.

Em i tok ol arapela provins insait long kantri i wok long develop. Tasol Wes Sepik wantaim Westen provins i no kisim gut ol sevis bilong gavman. Ol pipel i wok long singaut na kra i yet long gavman i mas luksave long hevi bilong ol.

Kenu i tok long hap bilong em yet long Vanimo, i no gat wanpela trupela na gutpela wok developmen i kamap. Ol pipel i no lukim wanpela trupela developmen i kamap long kamapim gutpela sindaun namel long ol yet insait long ples. Na wankain hevi i stap tu long Westen provins. Ol pipel long dispela provins i gat na i wok long bungim ol bikpela hevi long kisim ol trupela wok developmen. Na long wankain taim ol sevis bilong gavman.

Em i tok gavman i save kisim bikpela dinau mani long ol yia long ol ovasis kantri na oganaisesen. Tasol gavman i save kisim dispela ol mani na putim i go insait long ol bikpela taun tasol. Gavman i save hapim pe bilong ol memba na tu mekim ol lukluk raun long ol ovasis kantri klostu klostu.

## Is Nu Briten kirapim program bilong helpim ol komyuniti gavman

**LILY WAISEA i raitim**

OL komyuniti developmen opisa insait long Dipatmen bilong Is Nu Briten provins i stap nau long wanpela program bilong luksave long wok bilong ol komyuniti gavman insait long provins.

As tingting em long bungim wantaim Divisen bilong Komyuniti Developmen na Divisen bilong Komyuniti Gavman.

Dipatmen bilong Pesenel Menesmen bai tok orait long bungim dispela divisen wantaim pastaim long dispela mun i pinis.

Provinsal Asisten Seketeri bilong Komyuniti Developmen, Alice Pawa i tok Divisen bilong Komyuniti Developmen na Komyuniti Gavman bai kamap wanpela divisen bihainim tok save na tok orait bilong Is Nu Briten Woking Grup.

Is Nu Briten Woking Grup i givim

## Moa helpim go long Morobe na Madang

OL PIPEL bilong Madang na Morobe provins husat i kisim bikpela bagarap long guria bilong las yia i kisim helpim gen i kam long Sios bilong Jisas Krai Lata De Sen.

Sios ya i givim ol samting bilong kukim

kaikai na yusim long haus kuk olsem ol sospen, ol tipot, ol naip, ol spun na fok. Sios i lusim samting olsem 5 tausen kina long baim ol dispela samting.

Long las yia tu, mama sios bilong ol long

Amerika i bin givim helpim wantaim ol klos na su long ol pipel bilong Morobe na Madang.

Ol lain Salvesen Ami i kisim ol dispela samting na tilim i go long ol pipel.

# PLIS RIPOT



marit ya em Epavea Haileavila na Sandra Epavea. Tupela i bin kamap gen long ai bilong kot long sampela taim long dispela wik. Haileavila em i wanpela eksekutiv opisa bilong provinsal seketeri.

Kot i bin harim olsem ol pablik sevan, ol bikman bilong provinsal atoriti na ol arapela pipel moa i save go lukim piksa nogut long haus bilong Itagau.

Mejistret Karapo i bin rausim sas bilong Ivosa bikos i no bin gat inap toktok bilong sasim. Wanpela em long traim haitim samting. Namba tu em long karim ol muvi nogut bilong vidio wantaim em.

Sampela lain i bin tok save long plis long dispela samting. Na Ivosa i bin givim ol waren pepa bilong painim piksa kaset ya. Tasol long taim ol i go long haus bilong Ivosa, kaset ya i no stap. Bihain ol i painim kaset long kotrum tebol bilong em.

Kot i no bin gat inap toktok long painim aut olsem em i rong long namba wan sas. Tasol kot i rausim sas namba tu long en. Bikos mejistret i tok em i bin hariap long givim kaset i go long plis taim ol i painimaut long dispela samting.

Nem bilong kaset nogut em Galp Sta wan. Ol bin katim kaset ya long yia 1988.

**MOSBI, Nesenel Kapitel Distrik:** Boroko Distrik Kot long dispela wik i sasim wanpela yangpela man long karim smok nogut o spakbrus (mariwana) wantaim em. Man ya em Kevin Haina husat i gat 16 krismas. Em i bilong Abau long Sentrel provins. Plis i bin holim em long Morata bihain long ol i wokim wanpela spesel opresen. Ol bin holim narapela man na sasim em long wankain sas olsem Haina. Nem bilong man ya em Sami Peter bilong Bereina.

Plis i bin holim na sasim tu narapela tupela yut long Badili long sas bilong karim mariwana wantaim ol.

Nem bilong tupela em Richard Barum wantaim 15 krismas. Em i bilong Morobe provins. Narapela em Andrew Niama husat i gat 15 krismas na i bilong Fane eria long Sentrel provins.

Long wankain taim tu, tupela man i stap nau long Mosbi haus sik bihain long ol i kisim bikpela bagarap long bodi bilong ol.

Ol i bin kisim Marere Ivaharia wantaim 37 krismas na Emmanuel Mattew Ofea wantaim 28 krismas i go long Mosbi haus sik bihain long ka bilong ol i bagarap klostu long ples Tubuserea na pundaun i go insait long mangro.

Ivaharia i bin kisim bikpela bagarap long nek bilong em. Na Ofea i bin brukim bun long sankana bilong em. Namba tri pasindia i no bin kisim bagarap.

**GOROKA, Isten Hallans:** Plis long Goroka i sasim tripela sekyuriti wokman bilong Collins na Leahy kampani. Tripela sekyuriti ya i bin suvim wanpela mangi long bikpela aisbokis bihain long em i stilim samting long stua.

Bos bilong ol plis long isten hailan Buckley larume i tok ol i larim tripela i go bihain long ol wan wan i peim K100 i go long kot.

Mista larume i tok ol bai wetim ripot bilong dokta pastaim long ol i sasim tripela ya.

**KAINANTU, Isten Hallans:** Paia i bin kukim 4-pela pikinini long ples Onamuga insait long Kainantu.

Tripela long ol pikinini i bilong wanpela famili. Na narapela em i pikinini bilong klospren bilong ol. Nem bilong ol em Saiori na Jerry Laikon, tupela wantaim i gat 13 krismas, Toy Laikon 10-pela krismas na Ehome Bafuke wantaim 10-pela krismas.

Plis i tok haus we ol pikinini i slip long en i bin lok. Na paia i bin kukim ol long Tunde nait bilong las wik.


Provinsal Plis Komanda, Sief Inspekta Buckley larume i tok papa bilong ol i bin lokim ol long haus bilong go lotu long nait. Long 10 klok samting, paia i kamap long haus na kukim ol.

Bihain long ripot bilong dokta, ol i bin kisim bodi bilong ol pikinini na planim ol long ples.




# YAMAHA

## Marine



### NIUELA NAMEL CONSOLE

I kam wantaim olgeta samtim, mekim olgeta samtim i wok long wanpela hap tasol na i gat ful stia sistem, dispela nupela console inap givim yu bikpela hap bilong lukluk, hevi bilong ol kago bai go long olgeta hap, na yu no inap wari long bot i tantanim nabaut. I gat i stap nau bilong ol 14ft, 19ft na 24ft model long olgeta stua bilong Ela Motors long Kantri.



### HAMAMAS TRU LONG WOKIM LONG PNG

Sampela bilong ol ekspirians man stret bilong Kantri i save wokim ol dispela Yamaha FRP Bot long Milen Be Provins aninit long Yamaha Laisens bilong Japan, wantaim ol nupela Senta Console yunit. Mipela i hamamas tru long sapotim ol lain bilong yumi yet husat inap wokim ol top kwaliti samtim em mipela i save yu olsem yu ken hamamas long kisim na pinisim laik wantaim.

**YAMAHA**  
Marine

# Ela Motors

# PNG Baibel Sosaiti autim narapela tok ples Baibel

OL PIPEL bilong Samberigi long Sauten Hailans provins nau i gat Nupela Testamen Buk Baibel long tok ples bilong ol stret.

Baibel Sosaiti bilong PNG i prinim pinis 600 Nu Testamen Baibel long tok ples Samberigi.

Baibel buk ya i kamap bihain long 30 yia bilong redim. Man husat i hatwok long tanim Nu Testamen i go long tok ples Sam-

berigi em wanpela ECPNG misineri. Nem bilong em Pasto Ken MacNaughton. Em i bin stat long tanim Nu Testamen buk i go long tok ples Samberigi long yia 1963.

Long las mun, ol pipel i amamas tru long lukim na ridim Baibel long tok ples bilong ol stret. Samting olsem 1,500 pipel i bin bung long Samberigi misin stesin long amamasim bjkpela de wantaim

lotu, ol singsing tumbuna na ol pilai drama.

Ol sios na provinsal gavman lida wantaim ol bikman bilong Samberigi i bin bung wantaim ol pipel long amamasim kamap bilong Nu Testamen Baibel long tok ples bilong ol. Provinsal edministreta Dominic Dia i bin stap long makim Sauten Hailans provinsal gavman.

Long seremoni, ol yangpela i bin mas



• Ol Samberigi pipel i wokim tumbuna danis long amamasim kamap bilong Nu Testamen Baibel long tok ples bilong ol. Fred Orawi i kisim poto.

long ples bilong bung. Na pasto ya i bin kisim ol Buk Baibel i go long wokim lotu.

Samberigi em i tok ples bilong samting olsem 4 tausen pipel. Na ol i amamas tru bikos long nau, ol bai ritim Nu Testamen Baibel long tok ples bilong ol stret. Wanpela hap bilong Olpela Testamen i stap tu long dispela buk em long Genesis.

PNG Baibel Sosaiti i go het yet long ol arapela wok projek bilong tanim Baibel i go long tok ples bilong ol pipel.

wantaim nupela Baibel long haus bilong Pasto MacNaughton i go

## Madang kirapim lo na oda komiti

**BEN TAUMAI** i raitim

MADANG provins nau i gat wanpela nupela lo na oda komiti.

Wok bilong dispela komiti em long skulim ol manmeri na pikinini long stap gut na i no long kamapim ol bikhet pasin nabaut.

Nem bilong dispela nupela lo na oda komiti em Lo Ejensi bilong Madang. Ol memba bilong dispela komiti em ol wokman bilong Madang kot haus, ol plisman, probesen opisa, welfea opisa, viles kot mejistret na ol lida bilong viles, komyuniti na skwata setelmen.

Dispela komiti bai go raun na sindaun wantaim ol manmeri na holim ol liklik bung toktok na skulim ol long pasin bilong sindaun gut long ples na komyuniti. Na tu long pasin bilong abrusim hevi na long no ken kamapim kain kain bikhet pasin.

Komiti ya bai go raun na tokim tu ol pipel long wanem kain ol lo i stap. Na wanem samting bai kamap long ol sapos ol i brukim dispela ol lo. Na tu long wokbung na bihainim ol lo long kamapim gupela sindaun long komyuniti.

Provinsal Plis Komanda bilong Madang, Sief Inspekta Robert Kalasim i tok ol plisman bilong em bai yusim pawa bilong ol long helpim dispela komiti long karim aut wok bilong en.

Mista Kalasim i tok dispela komiti bai givim ripot i go stret long Jastis Seketeri long wanem samting em i laik mekim, em i mekim na tu hevi em i gat long edministresen wok bilong em.

## Singaut bilong ol mama mas wokbung

OL KRISTEN mama i mas wokbung wantaim aninit long diwai kruse bilong Bjkpela antap. Na mekim wok insait long ol wan wan komyuniti bilong ol.

Dispela em i hap toktok we wanpela meri i makim Nagada Trinititi i mekim long ol wanlain bilong em husat i bin stap insait long lotubung bilong ol mama long las wik long Madang.

Ol mama bilong ol Kristen sios olsem Engliken, Katolik na Luteran Sios i bin bung long Memoriel Kongriksen insait long Madang taun. Na holim bjkpela prea de bilong

ol. Wanpela meri i makim maus bilong ol Katolik meri i tokaut olsem ol mama i mas stap wokbung wantaim. Maski ol i memba bilong wan wan kristen lotu. Bikos ol i stap aninit long lukaut bilong wanpela Bikman. Em long Jisas Kraus.

Gloria Para i wanpela mama husat i bin makim ol meri bilong Engliken Sios. Em i tokim ol meri olsem ol i mas luksave long hevi bilong gavman, ol sios na ol wanpela na arapela insait long komyuniti. Olsem na ol i mas prea strong bilong daunim ol dispela hevi.

# HEI!

## Noken tromoi!

OL TELEPON KAD  
YU YUSIM PINIS BAI

# WINIM YU K500!



EMTV bai tokaut long husat i win long olgeta nambawan Mande long wan wan mun long 7 klok long nait.

Ol prais bai yu winim long wan wan mun emi K100 bilong namba wan, K50 bilong namba tu na 10-pela namba tri prais long K10 telepon kad.

Na bai i gat bjkpela resis i kamap long 9 Disemba. Ol prais bilong Disemba em K500 bilong namba wan, K250 bilong namba tu na 20 namba tri prais long K20 telepon kad.

Yu ken winim prais long wan wan mun na tu long bjkpela resis long Disemba.

### BAI YU RESIS OLSEM WANEM

- Putim olpela telepon kad yu yusim pinis long envelop na pasim.
- Raitim ful nem na edres bilong yu na telepon namba sapos yu gat long baksait bilong envelop;
- Salim envelop long dispela edres:

Used Phonecard Competition P.O.Box 2651, BOROKO

Taim o: i makim man long win bai ol i kisim envelop na i no long namba bilong telepon kad. Ol wokman bilong PTC na EMTV i noken resis.



**Pos na Telekom**

BUNGIM YU WANTAIM NARAPELA

# Gris bilong tude inap long bringim moa hevi

**EDDIE SAUNDERS** i rattim

OL NUPELA wok developmen na stap bilong ol waitman i pulim planti pipel insait long kantri long bihainim kain laip stail bilong ovasis. Ol i lukim dispela ol kain stap na senis olsem rot bilong painim amamas na gutpela sindaun.

Tasol dispela kain laip inap long bagarapim sindaun bilong ol pipel long dispela kantri sapos ol i no was gut. Long dispela tasol, ol sios long Papua Niugini i redim ol evanjelis long lukautim spirituel laip na sindaun bilong ol pipel bilong ol.

Ministri bilong yut long Katolik Asdaiosis bilong Mosbi i redim tu ol program bilong kirapim ol dispela

projek. Dispela ol evanjelaisesen program bai go het inap long yia 2 tausen.

Ol Katolik yut bilong Mosbi, Bereina na Kerema Asdaiosis i bin holim tupela wik evanjelaisesen program long Sivarai Namona insait long Bomana.

Oganaisa bilong kos, Sister Ehmeewantaim ol arapela sister na Katolik yut kaunsil i amamas stret long kos i go gut tasol. Long pinis bilong semina, ol yut na ol lain i bin stap insait long kos i helpim tru wantaim ol wok bilong pasim semina.

Siaman bilong Asdaiosis Katolik Yut, Gabriel Maroroa i givim strongpela toktok long ol yut yet i ranim olgeta wok bilong ol.

# Sandaun laik kirapim ol komyuniti gavman long provins

**FELIX RAMRAM** i rattim

SANDAUN provinsal asembli i kamapim pinis wanpela lo bilong rausim olgeta lokol gavman kaunsil. Na kamapim ol komyuniti gavman insait long provins.

Aninit long dispela nupela lo, Sandaun provinsal asembli nau bai rausim 11-pela lokol gavman kaunsil na kirapim 25 komyuniti gavman.

Dispela samting i

kamap bihain long provinsal Viles Sevis ministra, Michael Sakelu wantaim wanpela grup i bin go lukluk raun long Nu Ailan na Manus provins long mun Janueri long dispela yia. Ol i bin go long hap bilong skelim na lukim tu wok bilong ol komyuniti gavman.

Na ol komyuniti gavman insait long dispela tupela provins i ron olsem wanem.

Mista Sakelu i tokim Sandaun provinsal asembli olsem dispela lo i bihainim tingting bilong nesanel gavman long kamapim ol senis long politikel sistem insait long kantri. As tingting em long givim helpim i go long ol pipel bilong ples, na ol i mas kisim ol sevis bilong gavman.

Em i tok long ol yia i go pinis, ol pipel ples i no gat sans bilong toktok long wanem samting ol i laikim i mas kamap long ples bilong ol. Na ol i ken kisim gutpela sindaun.

Em i tok planti taim ol arapela pipel i save wokim disisen long wanem samting em ol i mas kisim o kamapim long ples. Tasol ol dispela disisen i no bihainim o makim tingting na laik bilong ol pipel long ples.

Mista Sakelu i tok planti pipel husat i

sapotim na laikim lokol gavman bai komplek. Na tok olsem ol memba bilong provinsal asembli i kamapim lo long kirapim ol komyuniti gavman bilong helpim ol yet. Tasol em i tok ol pipel i mas luksave olsem dispela nupela sistem tu i stap insait long politikel sistem bilong kantri.

"Dispela nupela sistem mipela i kamapim i bilong olgeta pipel. Dispela i no inap opis bilong mi, bilong primia, spika o wanpela arapela memba tasol.

Nogat. Dispela opis bai bilong olgeta pipel. Dispela sistem bai makim tu ol meri na yut grup. Na dispela bai givim sans i go long lain pipel insait long komyuniti long givim tingting bilong ol long wokim disisen," Mista Sakelu i tokim Sandaun provinsal asembli.

# Namba wan lotu kem kamap long Sapos

WANPELA lotu kem i bin kamap long Sapos ailan insait long Buka distrik long tupela wik i go pinis.

James Biro na Joshua Pipa bilong Petats ailan Yunaited Sios i bin go pas long dispela kem. Bikpela as tingting bilong kem ya em long autim Gutnius bilong Jisas i go long ol pipel bilong hap. Na tu

long strongim tingting bilong ol long tanim bel. Na lusim ol strongpela bilip long ol pasin nogut olsem blak pawa, posin na ol narapela samting olsem.

Kem, i bin kamap long wanpela liklik ailan klostu long Sapos ailan. Ol pipel bilong dispela ailan i strong yet long ol tumbuna bilip, ol marila, ol


posin na ol arapela kain blak pawa samting.

Wanpela bikman bilong Sapos i bin tok no gat man i save go nating long dispela ailan. Ol i no save limlimbur o kisim nating ol diwai long dispela ailan. Na antap long en, planti man i lus pinis long hap.

Em i tok pastaim tasol long grup ya i go mekim lotu long hap, tupela pikinini bilong em i bin lus nating tu long dispela ailan.

Bihain long lotu kem ya, ol man i go long ol ples bilong ol. Na tupela bilong ol i bungim sik kwiktam na dai long Sohano haus sik.

# INSTANT GREASE STRIPPER



**ISI WE  
LONG KLINIM  
OL DIS NA SOSPEN  
BILONG YU!**

# Tripela woda kisim sevis sta long hatwok

FELIX RAMRAM i raitim

TAIM long hanwas bilong mi em i tok hap pas 9. Tasol ol bikman ol i askim long kamap na stap insait long bung bilong lukim tripela woda plisman i kisim ol "sevis sta" metal ol "sevis sta" kamap yet. Ples bilong bung em long fran bilong opis bilong Vanimo haus kalabus long moning bilong Mas olsem invitesen kat i tok long en.

Dispela de long moning, san long Vanimo i hat nogut tru. Bikos i nogat wanpela klaut i pasim hat bilong san. Olgeta lain i bung na stap aninit long wanpela marmar diwai. I bin gat liklik win i kam hat bilong san i strong yet.

Samting olsem 50 manmeri na pikinini ol meri na pikinini bilong ol woda plisman. I no planti ausait lain i kisim invitesen long kamap long dispela bung.

Mi stori wantaim wanpela radio anaunsa John Molie long sait i stap bihain long em i redim pinis masin bilong em long katim toktok long dispela bung. Long kona, wanpela woda i bikmaus: "Ka bilong primia i kam nau!", na wantu mi apim rait han bilong mi na lukim klok.

Taim nau em 20 minit i go long bungim 12 klok. Long sait long ai bilong mi, mi lukim ol woda husat i hait long san aninit long draipela diwai marmar ya i sut i go olsem long hap i go long Not.

Wantu, wanpela saiden i givim oda long

ol; man, olgeta ol i muv hariap tru olsem pawa i holim ol. Ol i sanap long tripela lain olgeta, sendaun mipela lain i sindaun olgeta i kirap na sanap. Taim Primia Peien Aleitich long opisal delegesen bilong em i lusim ka na wokabaut i go kisim ples bilong ol.

Narapela oda ken i pairap long maus bilong saiden ya. Olgeta 22 man gad ov ona i sanap stret tru olsem ol hap diwai taim tuhat i kapsait i kam daun long pes bilong ol. Long dispela taim Komanding Opisa Inspekta Peter Ryan i kisim Primia i go long opise bilong em na tok save long Primia long wanem samting long mekim insait long dismanjeri na pikinini ol meri na pikinini bilong ol woda plisman. I no planti ausait lain i kisim invitesen long kamap long dispela bung.

Faipela minit i pinis na mi lukim tupela i kam arasait long Opis. Primia i kam daun pas na Inspekta Ryan long baksait. Primia i go kisim baksait long tebol we em bai sanap long givim ol metal. Wantu wanpela oda i pairap long ol lain i sanap ausait ya. Olgeta ol i tromoi lek i go pas wantaim long mak bilong stensen. Taim saiden i sanap long fran i givim jenerel salut.

Bihain liklik mipela ol lain bilong lukim Primia Aleitich i kisim askim bilong Komanding Opisa Ryan na i go



• Taim ka bilong Primia Aleitich i kamap long kona na wanpela maus i pairap, kwiktaim ol woda husat i sanap long as bilong diwai i muv i go sanap long lain long draipela san. Hia em ol i wok long kisim lek bilong go bungim Primia Aleitich.

inspektim 22 woda long dispela asait. Husat long nau i kapsaitim tuhat long pes bilong ol. Inspeksen i pinis na Primia i go bek kisim ples bilong em long sten.

## HUSAT I KISIM SEVIS STA

Taim bung yumi nau em i 7 minit pas 12. Primia Aleitich i muv i go long fran bilong sten na Inspekta Ryan i kisim ples long baksait. Em nau i kolim nem bilong wan wan long tripela opisa ya long kamap na kisim "namba" bilong ol long han bilong Primia Peien aleitich. Bihain em pepa, Komanding Opisa Ryan i singautim Ful Kopul 1815 Josehp Arariba, Koreksenal Woda 3135 Sikel Ekonia na Koreksenal Woda 3193 Peter Walaka.

Ful Kopul Arariba i bilong Beporo, Gona sab distrik insait long Oro provins. Em i stat wok long Februari



• Bikman bilong ol woda i go nau long bungim Primia Aleitich (long namel) wantaim ol lain grup bilong em. Man i givim baksait em Provinsal Plis Komanda bilong Wes Sepik.

16 1973 na em i wok pinis in nap 20 krismas long wanpela det long last yia. Mista Arariba is kisim trening bilong em long Bomana, bihain long trening bilong em, em i wok long Bomana, Lae na bihain i kam wok long

Vanimo. Em i marit na i gat tupela pikinini.

Koreksenal Woda Ekonia, 30 krismas marit na i gat wanpela pikinini. Asples bilong em long Vunabalbal, Kokopo distrik insait long Is Nu Briten provins. Em i joinim Koreksenal Sevises long 13 de bilong mun Desemba long yai 1982 na em i wok pinis i nap 10pela yia long 13 Disemba 1992. Bihain long em i pinisim skul bilong em long Bomana em i go wok long Kimbe na bihain i transfe long Vanimo. Mista Ekonia i no bin nap kamap na kisim namba bilong em long han bilong Primia Aleitich bikos wanpela lek bilong em i solap.

Na koreksenal woda Peter Walaka bilong liklik ples Wati, Nuku Distrik long Wes Sepik i gat 30 krismas. Em i marit na i gat 2 pela pikinini. Mr Walaka i jonim Koreksenal Sevises long namba 6 de bilong mun las long

1983 na em i wok i nap 10pela krismas pinis long wankam det long las yia. Woda Walaka i bing go wok long Kerevat inap tupela yia bihain long em i pinisim trening bilong em long Bomana. Bihain em i go long Kavieng i nap 6-pela long yia na trasfe gen long 1991 i go long Vanimo. Long 13 de bilong mun Mas long 1993 i makim 10pela yia em i bin wok wantaim Dipatmen bilong CIS.

Tripela i soim amamas long tenkyu bilong ol long bosman bilong CIS. Long luksave long wok bilong ol na givim ol dispela sevis sta metal. Woda Walaka i tok kisim bilong dispela mak i soim "hat wok" bilong tripela na ol i gat bikpela wok i stap yet long mekim long halpim ol turangu long banis kalabus.

## PRIMIA ALOITICH TOKTOK LONG OL WODA

Bihain long Ptemia Aleitich i tenkim tripela koreksenal opisa ya long wok ol i bin mekim long las 20 na

10pela yia bilong ol insait long Sevis em i go het na toktok long kain kondisen na sindaun bilong ol woda insait long Banis Kalabus.

"Mipela olgeta i gat wok long mekim, mipela olgeta i gat save long wonem kain sindaun bilong mipela. Tasol long yupela, yupela i gat moa save long kain sindaun kalabus insait long kantri. Maski wonem kain wok wanpela i holim, gutpela sindaun na gutpela haus bilong famili i nambawan samting.

"Tasol mi sori olsem Vanimo Banis Kalabus na olget anarapela banis kalabus insait long kantri i gat wankain stori. Ol i nogat gutpela haus, tasol ol opisa i no slek long ekim wok bilong ol long halpim gavman na pipel bilong dispela kantri. Hia long Vanimo i wankain, mipela i traime toktok long painim halpim long gavman level i kam long Nesanel Gavman. Mi bilip ol narapela provins tu i mekim i go moa long pes 19



• Bos bilong ol woda plisman i kisim nau primia raun bilong sekap long ol lain husat i sanap yesa long em i stap. Draipela san bilong Wes Sepik tu i kukim ol stret.

# Gavman putim takis bilong kisim mani

LOUIS WARIMI i raitim

TAIM prais bilong wel long wol maket i pundaun, ol kantri long Saudi Arabia em ol i save wokim wel i no bin mekim wanpela toktok long wanem taim bai ol i apim prais bilong wel insait long wol.

Long Papua Niugini, wanem samting tru bai kamap long Kutubu wel refaineri?

Long Tunde, Mas 8 long dispela yia, nesenel gavman i tokaut olsem em bai katim daun mani em i skelim long baset bilong dispela yia. As tingting em long daunim mani bilong gavman long yusim na putim kamap ol nupela takis.

Dispela bai bringim bikpela mani i go long gavman long kisim we em i long baset. Gavman i sot long samting olsem K242 milien.

Fainens na Plenina

minista Masket langalio yet i tokaut long dispela samting taim Palamen i holim kibung bilong en.

Wanpela bikpela rot gavman i gat bilong kisim mani em i nidim o laikim em long putim kamap takis. Insait long dispela rot, gavman i putim kamap wanpela takis ol i kolim pesenel takis reit. Dispela i min olsem gavman bai rausim takis long pe bilong ol woka bihainim hamas mani ol i kisim long wanpela potnait o yia. Eksampel: Sapos wanpela mani i save kisim K10,000 long wanpela yia, gavman bai kisim 30 pesen bilong dispela mani. Na sapos wanpela mani i kisim K20,000 long wanpela yia, gavman bai rausim 35 pesen bilong dispela mani bilong em.

Gavman i apim tu prais bilong bensen i

go antap. Pastaim em 10 toea long wanpela lita. Tasol nau prais i go antap long 20 toea long wanpela lita.

Besik impot duti tu i surik i go antap long 30 pesen. Pastaim em i bin stap long 10 pesen. Protektiv reit tu i wankain. Stap long 13 pesen na nau i go antap long 33 pesen.

Takis bilong ol diwai i surik i go antap long 13 pesen. Long kisim ekstra K60 milien, gavman i apim takis bilong sampela diwai i go antap long 46 pesen. Longtaim i bin stap long 26 pesen.



•Ol dispela lain tu i hatwok na lukim olsem bos bilong ol long Mobil Sevis Stesin i mas kisim stret mani long olgeta bensen em ol ka i kam kisim.

## PNG egensim ol meri Engliken long wok pater

VERONICA HATUTASI i raitim

ENGLIKEN Sios long Papua Niugini i no wanbel long ol meri i kamap pater long lotu bilong ol.

Reveren Bevan Meredith, asbisop bilong Engliken Sios long Papua Niugini i tok em i brukim pasin bilong sios long oraitim ol meri long kamap pater. As i stap tu long Baibel na skul tioloji we ol meri i no inap long kamap pater.

Em i tok em i no gutpela long wanpela han sios tasol olsem Engliken long mekim tingting na oraitim ol meri dikong long sios bilong ol i kamap pater.

Olgeta Kristen sios olsem ol Katolik, Otodoks na ol arapela sios moa i mas paitim toktok na bungim ol tingting bilong ol. Na pasim wanpela gutpela toktok long dispela samting. Katolik na Otodoks sios i egensim ol meri long kamap pater.

Reveren Meredith i tok em i no egensim ol meri long mekim wok bilong sios. I gat ol arapela ministri long sios we ol meri i wok long en. Na i gutpela. Tasol em i no wanbel long ol meri i kamap pater. Na mekim wok olsem ol pater. Bikos Jisas em i man. Na ol meri i no inap long kisim ples bilong em, Reveren Meredith i tok.

Em i tok tu olsem Jisas i bin makim ol man long kamap aposel bilong em. Long helpim em long go hetim wok bilong strongim sios long graun. Tru em bin gat ol meri disaipel olsem Mary Magdalen na ol arapela.

Em i tok tu olsem long PNG, ol meri i gat bikpela pawa long komyuniti. Tasol long autim ol toktok ol man olsem ankel o brata i makim ol. Kalsa bilong Melanesia i no wankain wantaim dispela bilong ol waitman. Na dispela isu bilong ol meri long Angliken sios i kamap pater bai i no inap long kamap long PNG.

Bisop Meredith i autim dispela toktok bihain long Angliken sios long Englan i mekim 33 meri dikong i kamap pater long las Sarere. Em i kamban wan taim bihain long Engliken Sios i otisitim ol meri long kamap pater long Novemba 1992.

Long Bristol katitrel long Inglan, 33 meri dikong i bin kamap pater long las Sarere.



"WOK LONG HAUS BILONG YU INO PINIS YET IGO INAP DISPELA RUM I KLIN TU."

## Yu mas save toilet i mas klin na fri long jem!



Harpic save kilim gem na rausim doti. Yusim Harpic Toilet Klin. Olgeta taim!

**HARPIC NA HELT IGO WANTAIM!**

# Wok bilong skulim ol pikinini mas stat long ol papamama

TUDE insait long yangpela na Kristen kantri bilong yumi Papua Niugini, i gat kain kain hevi i wok long kamap. Sampela bilong ol dispela hevi i bin kamap bipo na i wok long go het yet. Sampela em ol nupela hevi.


Sampela bilong dispela hevi kantri bilong yumi i wok long bungim em politikel hevi, hevi bilong mani insait long nesanel na provinsal gavman, lo na oda hevi olsem man i paitim meri, raskol pasin na man i repim meri na tu planti arapela liklik hevi.

Bihainim dispela ol i wok long kamap, gavman bilong kantri bilong yumi i wok long putim kamap kain kain polisi na spenim mani long ranim dispela ol polisi. Astingting em long lukim olsem dispela ol polisi i ran gut na daunim dispela ol hevi. Na kantri bilong yumi i kamap wanpela gutpela na naispela ples long stap.

Wanpela liklik hevi em mi laik toktok long en long dispela wik em i stap insait long planti famili long ples na tu long taun. Dispela hevi mi toktok long en em pasin bilong lukautim na skulim ol pikinini long kamap olsem ol gutpel manmeri na tu sitisen bilong famili, komyuniti, sosaiti, na tu kantri bilong yumi. Maski yu wanpela saveman o savemeri, skul pikinini, wokman o wokmeri, stap long taun o long ples, yu mas stap olsem wanpela trupela na gutpela man. Dispela i min olsem yumi olgeta i mas bihainim lo bilong kantri na long wankain taim respektim na laikim ol arapela pipel olsem yumi laikim yumi yet.

Pasin bilong lukautim gut ol pikinini na skulim ol long bihainim stretpela pasin na long kamap gutpela manmeri taim ol i bikpela em i moa impoten. Ol i mas lainim long pasin bilong bihainim lo na oda na pasin bilong respektim ol arapela pipel taim ol i stap liklik yet. Ol i mas save long wanem samting i rong long ol i wokim na ol samting em i gutpela long ol i ken wokim. Ol i mas save long pasin bilong bihainim kastam pasin na respektim ol bikman na meri long ples na sosaiti.

Wok bilong lainim na skulim ol pikinini taim ol i stap manki yet i mas stap long husat? Na bai husat gen. Dispela em i wok bilong ol papamama. I no wanpela plisman, loya, prosekiuta, nes, dokta, niusman, ankol, anti, praim minista o memba bilong Palamen. Nogat. Dispela



em i wok bilong wan wan papamama bilong wan wan famili insait long ples, setelmen, taun na siti. Nogat wanpela arapela man o meri bai skulim pikinini bilong wanpela arapela man o meri. Dispela em i hat tru. Bikos em i no kamapim dispela pikinini. Na tu em bai les long westim nating taim bilong em long skulim pikinini bilong arapela man.

Papa na mama i namba wan tisa bilong ol pikinini bilong ol pastaim long ol pikinini i go long skul na ol tisa i skulim ol long save long rit na rit. Na bihain winim skul na kisim wok. Papamama i no ken tru lusim wok bilong skulim ol pikinini long han bilong ol tisa tasol. Na bihain taim ol pikinini i no winim skul na ol papamama bai kirap na tok ol tisa i no skulim gut ol pikinini. Dispela em i no wanpela gutpela samting. Bikos wanpela pikinini i ken winim skul sopes em i kamap long gutpela papamama. Dispela i min olsem papamama bilong em i save laikim em na long wankain taim i save lainim na skulim em long kamap gutpela man o meri long bihain taim. Na taim dispela pikinini i go long skul, em bai painim isi long lainim ol samting.

Tude, sopes yumi raun insait long ol taun bilong kantri bilong yumi, bai yumi lukim olsem planti yangpela na liklik manki i wok long raun nating i stap. Ol i wok long raun na askim ol manmeri long givim ol 10t, 20t o smok. Na taim ol i askim wanpela man o meri na dispela man o meri i no givim ol samting ol i askim long en, ol i save mekim kain kain pasin nogut ol. Sampela i save tok nogutim ol, paitim ol, soim pinga long ol o spetim ol. Dispela pasin i moa bikpela long biktaun (Mosbi) bilong kantri bilong yumi. Planti yangpela man na ol liklik pikinini i raun nating long ol bikpela senta long Mosbi na mekim kain kain pasin i no gutpela.

Sampela taim, taim mi save lukim ol, mi save kisim tingting olsem: Papamama

bilong dispela lain i bin o i save skulim ol o nogat. Sopes ol i skulim ol, ating ol bai i no inap raun long pablik ples na mekim dispela ol hambak o bikhet pasin. Sampela taim mi save kisim tingting olsem ating papamama bilong ol dispela yangpela man na liklik pikinini i save amamas long ol i raun na kamapim ol bikhet pasin.

Ol papamama i mas luksave olsem ol i laikim pikinini na ol i kamapim. Taim wanpela man na meri i marit, dispela i min olsem tupela i laikim wanpela na arapela. Bikos long dispela as, pikinini tupela i kamapim, tupela i mas lainim, skulim na lukautim long stretpela rot. Bikos pikinini i no olsem wanpela hap laplap o klos mipela i baim long wanpela stua. Pikinini em i kam long Bikpela Papa God olsem presen. Na papamama i mas lukautim dispela pikinini na lukim olsem i mas i gat gutpela amamas na sindaun stat long taim em i liklik manki yet i go inap em i kamap bikpela man o meri. Papamama i mas lukim olsem pikinini i gat kaim olsem samting em i nidim olsem snot, trausis, su, mani, kaikai na tu ol arapela liklik samting. Taim pikinini i gat dispela ol samting, em i amamas na i no inap tingting long bihainim ol arapela pikinini o yangpela man long go aut na wokim kain kain pasin nogut olsem askim ol manmeri long mani na smok na brukim haus na stilim ol samting. Dispela long wanem-em i save olsem em i gat ol samting em i nidim. Long wankain taim, pikinini bai amamas na laikim papamama bilong em. Bikos tupela i laikim em na givim em ol samting em i nidim o laikim.

Taim dispela kain samting o pasin i kamap namel long pikinini na papamama, sindaun bilong famili bai kamap moa gutpela. Pikinini bai harim ol skul toktok bilong papamama bilong em. Em bai mekim ol samting em papamama i laikim em long mekim. Em bai i no inap kamap wantaim kain kain tingting nogut.

Long lukluk bilong mi olsem wanpela man bilong dispela kantri bilong yumi, hevi bilong lo na oda i wok long kamap moa bikpela bikos ol papamama i no skulim gut ol pikinini bilong ol. As bilong dispela hevi i no stap long gavman. I tru olsem planti manmeri i wok long komplem long gavman long i no kamapim wok insait long kantri. Olsem na planti yangpela man i wok long karim aut raskol pasin long helpim ol yet. Tasol arapela

samting tu i olsem wanpela yangpela man i no inap kisim wok nating long wanpela opis sopes em i nogat gutpela save. Bikos long nau yet, ol bisnis oganaisesen i laikim ol saveman long wok wantaim ol. I no olsem long bipo, sopes wanpela man o meri i pinisim gred 6, em i gat bikpela save long wok. Nau taim i sosis pinis. Ol i laikim ol bikpela saveman na meri tasol.

Olsem mi tok pinis, sopes gavman i laikim olsem hevi bilong lo na oda i mas pinis o surik i go daun, gavman i mas karim aut ol bikpela awenes kempen long askim ol papamama long skulim na lainim ol pikinini bilong ol. Dispela ol awenes kempen i mas kamap long olgeta taun insait long kantri. Na tu i mas kamap long ol rurel gavman aut stesin. Dispela rot long lukluk bilong mi yet, em i wanpela gutpela rot long askim na toksave long ol papamama long skulim ol pikinini bilong ol. Dispela awenes kempen i mas kamap long olgeta yia. Gavman bilong Papua Niugini i no ken lukluk tasol long ol bikpela rot long daunim dispela hevi. Gavman i mas lukluk tu ong ol liklik rot na spenim mani long pait egensim dispela hevi. Olsem sampela mun i go pinis, mi bin tok olsem wok bilong daunim hevi bilong lo na oda i no wok bilong ol plisman na ol arapela lo ejensi tasol. Nogat. Dispela em i wok bilong mipela olgeta manmeri na pikinini bilong dispela kantri. Bikpela tru i stap long ol papamama. Ol i mas skulim ol pikinini bilong ol long olgeta de.

Papamama i kamapim pikinini. Ol pikinini i no kamap nating. Papamama i kamapim ol. Olsem na papamama i mas lukautim ol pikinini tupela i kamapim. I no bilong kamapim na lusim tingting long ol na ol i stap long laik na strong bilong ol. Taim dispela samting i kamap, ol pikinini bai pilim olsem papamama i no laikim ol. Em nau ol bai pilim olsem laip bilong ol i no gutpela. Na tu sosaiti ol i stap long en i no gutpela. Na ol bai stat long mekim kain kain pasin nogut long sapatim laip bilong ol.

Olsem ol papamama, mipela i mas lukautim gut ol pikinini mipela i laikim na kamapim. Mipela i mas lukautim ol gut inap ol i kamap bikpela manmeri. Mipela i mas lainim na skulim ol taim ol i stap liklik manki yet. Em nau ol bai kamap ol gutpela manmeri bilong soaiti na kantri bilong yumi.

# Sotkos bilong ol yut projek

LILY WASEA i raitim

OL yut insait long Is Nu Briten bai stap insait long sampela sotpela kos na woksop aninit long Pesenel na Stav Developmen Trening Program long dispela yia.

Dispela em i wanpela nupela samting Dipatmen bilong Is Nu Briten i kamapim. As tingting em long trenim ol yut long lukautim ol projek bilong helpim ol yet insait long ol viles komyuniti.

Sinia Trening Inspekta bilong Pesenel na Stav Developmen Trening long Rabaul, Notten Mar i tok moa long 1,000 yangpela manmeri bai stap insait long ol dispela kos na

woksop. Dispela ol kos na woksop bai kamap long wan wan komyuniti gavman eria long dispela yia.

Mista Mar i tok dispela trening program bai kos K29,990.

WANPELA yut reli i bin kamap long Uvol peris insait long Pomio distrik bilong Is Nu Briten provins.

Katolik Yut opis bilong Rabaul Asdaiosis i bin holim dispela wanwik reli long pinis bilong mun Janueri long dispela yia yet. Na peris pris bilong Uvol Pater Theo Baumer i bin go pas long reli ya.

Moa long 4 handed yut i bin

stap insait long dispela reli.

Ol i bin kam long ol 17 wan wan komyuniti bilong Pomio distrik. Planti taim ol dispela yut i no save gat sans bilong bung wantaim. Na dispela reli i bin bungim ol wantaim long save long wanpela na narapela. Na long strongim ol long wok bilong kamapim gutpela Kristen komyuniti long ol ples bilong ol.

Bikpela as tingting bilong

reli em wok evanjelaisesen we ol yut i ken helpim long kirapim a strongim. Ol samting em ol i bin lukluk long en insait long reli ya em evanjelaisesen na vokesen, Kristen famili laip long PNG, wok bilong ol sios woka, program bilong ol Katolik yut na gutpela sindaun na lo insait long komyuniti na kantri.

Ol i bin holim tu ol kain kain pilai, ol komyuniti wok, ol

gospel singsing na pilai drama long dispela reli.

Ol oganaisa bilong reli ya i tok em i bin ron gut tasol. Ol bikman bilong ples olsem ol kaunsol, ol tisa, ol kiap na peris pris i bin givim bikpela helpim long ranim dispela reli. Na long lukim olsem em i go gut tasol. Nau ol yut bilong peris i laikim kain reli i kamap long wan wan taim long olgeta yia.

# Askim sut long helpim sindaun na laip bilong wan wan

SPIRITUEL developmen em i bikpela hap long wok bilong Nesanel Kaunsil bilong Evanjelikel (NCEC) Sios insait long PNG. Bikos ol i bilip olsem sindaun bilong ol manmeri long graun bai gutpela tasol sapos spirituel laip bilong ol i stret.

Long strongim wok bilong ol, ol sios i save kisim helpim i kam long Dipatmen bilong Yut na Hom Afeas aninit long Sios Developmen Asistens program (CDAP).

Tasol long nau, NCEC i no kisim wanpela helpim. Bikos nesanel gavman i no givim ol mani bilong strongim program long dispela yia.

Presiden bilong NCEC PNG, Reveren Gideon

ToValaun i tok em i tru gavman i givim mani long ol sios bilong kirapim ol narapela sosal program. Em long ol kain program olsem skul, helt na wok didiman projek bilong ol sios.

Tasol gavman i mas tingim olsem spirituel laip bilong olgeta pipel em i wanpela bikpela samting. Na em i mas givim mani bilong helpim ol sios developmen asistens program long Yut na Hom Afeas dipatmen.

Ol nesanel memba bai kisim 3 handed tausen kina long wanpela yia olsem Ilektrik Developmen Fan. Ol NCEC memba i no amamas long ol memba kisim draipela mani olsem. Bikos ol i tok ol

memba bai yusim dispela mani long strongim na kisim ol vot long narapela nesanel ileksen.

Em i gutpela moa, Reveren ToValaun tok, sapos gavman i lukluk gut na skelim mani ya i go long ol sios program bilong helpim ol yut long komyuniti, ol ples na kantri.

Em i tok moa olsem ol sios i save ranim tu ol program olsem ol yut kem, ol reli, ol semina na ol bikpela bung. Planti yangpela wantaim nem nogut, ol raskol na bikhet man i save tanim bel insait long ol dispela bung. Na em i gutpela moa sapos gavman i givim helpim wantaim mani long go hetim ol dispela program.

# HEREFORD CORNED BEEF

## THE GREAT CORNED BEEF TO REEF GIVEAWAY C O M P E T I T I O N

Nau em sans bilong yu long limlimbur i go long Kens, Australia wantaim pren bilong yu. I gat fri haus bilong silip na K500 spending mani bilong yusim tu, o sapos nogat, bai yu winim wanpela kala televisen, maikrowev aven, redio kaset o moa long 10,000 narapela praises.

Raitim nem na adres bilong yu tasol long baksait bilong tri-pela karamap pepa bilong **Hereford Corned Beef tinmit (200g) na salim i kam long: The Great Beef to Reef Giveaway Competition.**  
P.O. Box 635, Boroko. NCD. PNG.


Bai yu winim stret wanpela bilong ol dispela hamas tausen gutpela na kwaliti "T" siot,

ambrela, bia kula o fri katen bilong ol dispela maus i wara na gutpela PNGMEID, **Hereford Corned Beef** abus.

Nem wantaim adres bilong yu bai go insait long Bikpela Dro long yu bai gat sans long winim dispela amamas limlimbur i go long Kens, o ol arapela nupela lektrik pawa prais.

Dispela bikpela prais bai ol i tokaut long Redio Kalang long 26/3/94.

So traim dispela swit teis bilong **Hereford Corned Beef** insait long 200g tin na salim i kam na **WIN** wantaim **Great Corned Beef to Reef Giveaway Competition!**



### CONDITIONS OF ENTRY

There is no fee for entry and all entries become the property of the Hugo Canning Group. All entries must be lodged in a single envelope and must be received by Hugo Canning Pty. Ltd. no later than last mail on Friday, 25th March, 1994. Each entry must contain three (3) original Hereford Corned Beef labels from the 200g can, with the senders name and address clearly printed on the back of each label. The judges decision will be final and no correspondence will be entered into. Subject to these conditions, the contest is open to everyone except employees of the Hugo Canning Pty. Ltd. and its subsidiaries, and Craft Works Pty. Ltd. Entrants must be Papua New Guinean residents. The prize must be taken prior to December 1994. Only the first 10,000 (Instant Prize winning) entrants are eligible for the major prizes draw. If through over-booking or for any other reason a nominated hotel, resort or means of transport is unavailable, the Promoter reserves the right to alter departure date and/or substitute a similar sector of the same standard and value. The prizes are non-transferable and non-redeemable for cash. The winner will be notified by mail and his/her name published in The Post Courier 28/3/94 and announced live at time of draw on Radio Kalang 26/3/94. Submission of an entry or receipt of any prize will not create a legal relationship between the entrant and the prize sponsors and submissions of any entry constitutes acceptance of the above rules and conditions.

CRAFTWORKS/2601PCB

# 10,000 PRIZES MUST BE WON!

# Yam i kamap long Buang long bun bilong man

LONG bipo, bipo tru long taim bilong ol tumbuna bilong ol pipel bilong Buang insait long Morobe provins, i gat tupela brata i bin stap. Nem bilong bikpela brata em Ali na liklik brata em Gho.

Olgeta taim tupela brata ya i save stap na lukim ol arapela pipel long ples Buang i save kaikai abus. Tasol ol i no save givim tupela sampela abus.

Dispela pasin i kamap long planti taim i go na Ali i tokim liklik brata bilong em Gho olsem ol pipel i no save givim tupela sampela abus. Olsem na long narapela de long bikmoning tru taim ol i slip yet tupela bai kirap na i go painim abus long bus. Liklik brata i harim olsem na tok yes long tupela bai go painim abus long bus.

Long nait tupela i redim olgeta samting bilong panim abus. Tupela stretim ol spina na bunara na kaikai. Orait long bikmoning tru, taim olgeta manmeri long ples i slip yet, tupela brata ya i kirap na lusim ples na wokabout i go long bus.

Tupela wokabout i go insait tru long bikbus na stat long painim ol abus olsem pik, muruk, kapul na pasin. Tupela painim i go na Ali tasol i wok long sutim ol abus olsem pisin na kapul. Taim em i sutim pinis, em i save singaut i go long liklik brata bilong em na kolim

nem bilong em yet. Ali i mekim olsem i go na liklik brata bilong em Gho i no wanbel. Bikos em i no sutim wanpela abus.

Ali wantaim Gho i painim abus i go na kamap long wanpela bikpela maunten. Nem bilong dispela bikpela maunten em Risne na em i wanpela masalai maunten. Em nau tupela i lukim wanpela kapul i stap antap long wanpela diwai. Tasol dispela kapul ya i no wanpela kapul tru, em i wanpela masalai man i qiamanim tupela brata ya.

Em nau Ali wantaim Gho i sanap long graun na traim long sutim dispela kapul. Tasol spina bilong tupela i no go kamap long dispela kapul. Mekim i go nogat na Ali i tokim Gho long go antap long diwai na mekim nais. Na kapul ya bai pundaun i kam daun na em bai kilim. Tasol Gho i tokim Ali olsem em i no save kilim wanpela kapul na kolim nem bilong em long dispela kapul.

Tasol Ali i strong na tokim Gho long go antap. Bikos nogut em i go antap na mekim nais na Gho i sanap daunbilu, kapul bai pundaun i kan daun na

Gho bai i no inap kilim na kapul bai ranawe. Em nau liklik brata i harim toktok bilong bikpela na go antap long diwai.

Gho i go antap long diwai na kamap klostu long dispela masalai kapul. Na masalai kapul ya i mekim tupela lek na han bilong Gho i dai olgeta na nogat strong. Na tu tupela lek na han bilong em i stat long guria. Na em i singaut i go daun long na tokim Ali olsem: Ali, lek na han bilong mi i dai olgeta na guria. Olsem na mi bai kam daun na yu kam antap. Tasol Ali i singaut i go antap na tokim. Gho olsem: Yu strong liklik na go antap. Kapul i no stap longwe. Sopos yu kam daun bai mi paitim yu. Gho i pret long Ali i paitim em na em i go antap liklik moa na lek na han bilong em i dai olgeta na em i pundaun i go daun long graun.

Taim Gho i pundaun i go daun long graun, masalai kapul ya i kirap na giaman singaut olsem: Em nau Ali, em i pundaun i kam daun. Kilim em nogut em i ranawe. Ali i harim na ting olsem Gho i mekim nais na kapul i pundaun. Olsem na em i tokim em long em i mas kilim kapul nogut em i ranawe. Ali i harim olsem was gut tru i stap na Gho i pundaun i kam daun na em i brukim het bilong em.

Em i no save olsem em i kilim Gho. Bihain nau em i luksave olsem em i kilim liklik brata bilong em pinis.

Ali i krai long bodi bilong brata bilong em pinis na ron i go long ples. Na em i winim taur (sel) na singautim olgeta manmeri long ples i kam bung. Na em i tokim ol long wanem samting i kamap long bus. Na em i kisim ol man long ples i go long dispela masalai maunten. Na ol i kisim bodi Gho wantaim ol abus tupela i kilim na kisim i go bek long ples. Na ol i planim bodi bilong liklik brata bilong em.

Bihain long sampela mun i go pinis, Ali i raun i go long ples ol i planim Gho na em i lukim kru bilong sampela samting i kamap long dispela hap. Em i lukim matmat bilong Gho pinis na go bek long haus. Long nait nau em i driman olsem em i mas go bek na katim ol longpela diwai na sanapim klostu long dispela ol samting. Bikos dispela ol samting i kamap long bodi bilong Gho na em i mas klinim na lukautim dispela ol samting. Em i mas lukautim i go inap em i lukim olsem ol lip i stat long drai, orait em i mas dikim na rausim kaikai bilong ol dispela samting. Na tilim wan wan long olgeta manmeri long ples na ol i ken planim long gaden bilong ol.

Long narapela de, Ali i bihain driman bilong em na go bek long ples ol i planim Gho. Na mekim wanem samting em i driman na lukim. Bihain long sampela mun, em i lukim olsem ol lip i stat long drai. Na em i dikim na rausim ol kaikai bilong dispela samting aninit long graun. Em kisim dispela ol samting i go bek long ples na tilim long wan wan famili. Na ol i kukim sampela na kaikai na pilim olsem dispela samting i swit narakain tru.

Bihain em i tokim ol long planim sampela long gaden bilong ol. Ali tokim ol long klinim na lukautim dispela ol samting i go inap ol i lukim olsem ol lip i mau na drai. Em nau ol i ken dikim na rausim kaikai bilong dispela samting. Bihain nau em i tokim ol long kolim dispela samting olsem Gho. Bikos dispela samting i kamap long bodi bilong liklik brata bilong em Gho.

Olsem long nau, ol pipel bilong Buang i save kolim yam long tok ples bilong ol olsem Gho. Bikos long dispela as na ol pipel bilong Buang i save planim planti yam long gaden bilong ol. Na i no inap pinis bikos Gho i kamap long bun bilong Gho.

A P Stiven  
MOSBI



Kanage i bilong Is sepik. Tasol em i stap long Nu Ailan provins. Wanpela taim em i dring bia wantaim ol wantok bilong em. Ol i dring i go na spak nogut tru. Em nau tingting bilong painim meri i kamap long Kanage. Arere long haus ol i dring i stap long en i gat wanpela arapela haus i stap. Na long dispela haus i gat wanpela meri long Wopa Kantri (Morobe) i stap. Em nau Kanage isi tasol lusim ol wantok bilong em na i go long dispela haus. Em i go na sikirapim plai waia long rum dispela meri Wopa i slip long en. Em sikirapim waia na meri Wopa ya harim na tok: Wanem dispela rat ya wok long painim pipia kaikai na sikirapim waia i stap. Em i no save olsem Kanage i wok long sikirapim waia. Kanage harim olsem na ranawe i go dring gen wantaim ol wantok bilong em. I no longtaim na em i lusim ol na go bek long dispela haus. Ol wantok bilong em ting olsem em i go pispis o pekpek. Tasol nogat ya. Bikboi Kanage i go long painim samting bilong stretim tingting na kisim gutpela pilings. Kanage i go bek na sikirapim gen waia. Em nau meri Wopa ya kirap isi tasol na lukim pes bilong Kanage. Na em i kirap tok strong tru na askim Kanage: Yu kam mekim wanem samting long hia? Wanem kain stail tru yu laik kam soim long mi? Sopos mi soim stail bilong mi long yu, ating i luk olsem yu bai kisim bikpela bagarap long bodi bilong yu. Kanage harim meri Wopa ya i tok olsem na em i sem pipia stret na go bek long ol wantok bilong em.

Leksie  
KAVIENG

## Ol wanskul bilong prenmeri bilong mi grisim em long lusim mi

Dia Laiplain,

*Long tupela yia mi stap wantaim prenmeri bilong mi na famili bilong em. Mi bin wok na prenmeri bilong mi i stap long skul. Na famili bilong em i gat amamas long mitupela i marit taim em i kisim wanpela wok.*

*Taim mi stap wantaim famili bilong prenmeri bilong mi, mi save givim mani na kaikai long ol. Mi go het yet long mekim dispela samting taim prenmeri bilong mi i stap yet long skul.*

*I no longtaim i go pinis, sampela lain long koles i grisim em long lusim mi. Na em i raitim pas i kam long mi na askim mi long lusim tingting long em.*

*Bai mi stopim dispela lain olsem wanem long ol i laik bagarapim prensip bilong mitupela? Inap mi raitim pas na toksave long papamama bilong em? Em i orait long mi askim ol plisman long go na kisim bek ol samting mi givim long famili bilong prenmeri bilong mi?*

WONDERING

Dia Pren,

Mipela i luksave long dispela hevi yu bungim. Em i no gutpela long yu kamapim tingting bilong brinim ol plisman i kam insait long hevi. Ol bai tokim yu olsem ol bai i no inap mekim wanpela samting. Bikos nogat wanpela man i brukim wanpela lo. Ol i ken go moa na tokim yu olsem i nogat lo i stap em yu ken kisim bek ol samting yu givim long prenmeri bilong yu wantaim famili bilong em.

Long sait bilong kastam, prenmeri bilong yu wantaim famili bilong em i ken givim bek ol samting bilong yu sopos ol i brukim promis bilong yutupela long marit. Tasol aninit long lo bilong waitman, yu

givim dispela ol samting i go long ol olsem presen. Na ol i no inap long givim bek long yu.

Yu stap longwe long dispela lain husat i grisim prenmeri bilong yu long lusim yu. Olsem na em bai hat long yu toktok wantaim ol. Sopos i tru olsem ol i brukim prensip bilong yutupela, dispela em i no gutpela tumas. Wanem samting yu laik mekim o toktok long nau yet, bai i no inap kamapim wanpela gutpela samting.

Sopos yu laik stretim dispela hevi bilong yutupela, mobeta yu mas toktok long prenmeri bilong yu na tu papamama bilong em.

Sopos em i go long lukim papamama bilong em long holide, yu mas go na lukim em wantaim papamama bilong em na toktok wantaim ol. Yu ken raitim pas i go long papamama bilong em na askim em sopos ol i gat save olsem em i laik lusim yu. I luk olsem papamama bilong em i no save olsem em i tokim yu long lusim tingting long em.

Sopos yu les long prenmeri bilong yu na yu laik kisim bek ol samting bilong yu, yu mas toktok wantaim ol bikman long ples bilong yu. Na askim ol long helpim yu long kisim bek ol samting bilong yu. Dispela i ken kamap sopos kastam bilong yutupela i tok orait long mekim dispela samting.

Mi Laiplain

Salim ol hevi na wari bilong yu i kam long LAIPLAIN, P.O. Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



•*Planim Gut..Primia bilong Sentrel provins Paul Kipo i go pas long planim wanpela liklik diwai kopi. Ol pipel bilong Koiari long Sentrel provins stat gen long planim kopi nau.*



**Give it  
to me!**



**trukai**

**GIVE ME STRENGTH!  
GIVE ME HEALTH!**



# BISNIS LONG PAPUA NIUGINI

## Kumbia bisnis grup opim narapela stua long Hanta

**SANANG ZAZORING I raitim**

MOA long 200 man, meri na pikinini i bin kamap bung long lukim dua bilong nupela Kumbia tred stua long Hanta insait long Lae i op.

Ol i bin opim dispela stua long 6 Mas, 1994.

Namel long ol man-meri husat i kamap long dispela bung em ol sios lida, ol bisnis grup insait long Lae siti na Kabwum distrik, ol lida bilong lo na oda, ol lida bilong nesanel na provinsal gavman wantaim Ahi komyniti gavman.

Dispela tu i bin namba wan taim bilong wangepela bisnis grup i holim kain bung olsem. Long dispela taim, ol i askim ol sios wokman long blesim na opim nupela han bilong dispela tred stua.

Kumbia bisnis grup i

kamap long wokbung bilong ol lain Kunduge brata insait long Lae siti. Dispela em i namba wan yia bilong Kumbia bisnis grup long opim wangepela stua bilong ol long Hanta, tasol bisnis i wok long ron gut tru.

Ol Kumbia brata i tok, "Mipela wokim olsem bilong tok amamas na putim ofa long soim wokbung bilong mipela long komyniti na ofa bilong mipela i go long sios."

Dispela wok bisnis bilong ol lain Kunduge brata i bin kirap long 1984. Em i gro na kamap bikpela olgeta insait long Ten Siti stet 2 long Lae yet. Dispela wok i gro strong olgeta na nau ol i bringim hap han bilong en i go long Hanta. Na ol i kisim 11-pela wokman bilong

wok fultaim wantaim ol, tasol long wankain taim i save gat ol arapela i wok sot taim tasol.

Long dispela taim, ol bisnis grup bilong aspjes bilong ol long Kabwum tu i bin harim singaut na kamap long lukim na strongim dispela bisnis. Kumbia bisnis grup i bin lusim moa long K2,000 bilong baim ol kaikai bilong bung, kilim 4-pela pik na kisim olgeta bikman na pipel i kam bung na kaikai amamas wantaim.

Bilong makim nesanel na provinsal gavman, nesanel memba bilong Kabwum, Ginson Saunu wantaim ol arapela lida tu i bin stap insait long dispela bung. Long wankain taim tu, ol bisnis lida bilong Kum Gie Consultant i bin stap na givim sampela tok stia long ol lik-

lik bisnis grup long wanem samting bilong mekim na kisim helpim long strongim ol wok bisnis bilong ol.


Ol man husat i makim Kum Gie Consultant grup insait long dispela bung em Jenerel Menesa Maboi Mato, Menesa Moses Ango na Presiden Talass Ansua.

Mista Ansua i tokaut tu olsem nau insait long Lae siti, olgeta bisnis wok i stap long han bilong ausait man. No gat wangepela man Morobe i gat bisnis bikos ol pipel bilong provins yet i no save wokbung wantaim.

Em i tok ol i kamapim liklik bisnis asosiesen bilong helpim ol liklik bisnismen na meri, tasol em i no save long stretpela rot bilong bhainim.

"Kum Gie Consultant i gat ol saveman i stap bilong givim stia long ol bisnis grup insait long Lae na Morobe provins. Long sanap strong, ol bisnis grup i mas bung wantaim bikpela bodi bilong kisim strong na helpim long sanap strong na rausim bisnis bilong ol," Mista Ansua i tok.

Olsem na em i tok Kum Gie Consultant em i sambai long givim helpim na stia long ol kain kain bisnis grup. Long wanem, ol i gat ol gutpela saveman.



• Ol lain Kunduge brata i sanap fran long nupela tred stua bilong ol long Hanta insait long Lae, Morobe provins. Dispela bisnis grup bilong Kabwum long Morobe i kirapim gut tru ol wok bilong en.

## Kopi projek kirap long Koiari

**RODNEY KAMUS I raitim**

BIHAIN long 30 yia na wok kopi i no kamap long Koiari insait long Sentrel provins, ol i statim gen wok kopi long las wik.

Koiari Dvelopmen Atoriti (KDA) i helpim ol pipel long bringim dispela wok i go insait gen long hap bilong ol.


Long las wik, samting olsem 30 viles fama bilong Koiari, Rigo, Maunten Koiari, Sogeri Veli, Wara Vanapa na Is Kos Hiri i bin kamap long wangepela

kos bilong lainim ol rot bilong kamapim gutpela kopi. Trening bilong ol i bin kamap long Mageri didiman stesin ausait tasol long Mosbi.

Ol fama i bin kisim trening long pasin bilong lukautim ol pikinini kopi na kisim ol i go long gaden kopi na planim ol. Na tu long lukautim ol kopi taim ol i wok long kamap yet.

Na long taim trening ya i pinis, planti i tingting olsem bai ol i kisim setifiket o hap pepa i tok olsem ol i gat save long lukautim ol kopi. Tasol nogat. Wanem samting ol i givim ol long taim kos i pinis

i go moa long pes 19



•Ol man, meri na ol bikman husat i kamap long taim kos bilong ol viles kopi fama i pinis i lukluk raun long ol liklik haus bilong planim ol pikinini kopi long Mageri Didiman stesin.

### KOPRA

Pe bilong kopra i go antap nau long K50 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K250
F.M.S	K250
Hot Air	K255

Na pe bilong kopra long ol liklik depo i stap olsem:

SAMARAI	Smoke	K218
	F.M.S	K220
	Hot Air	K203

KANDRIAN na NAMATANAI	Smoke	K215
	F.M.S	K217
	Hot Air	K220

BUKA	Smoke	K214
	F.M.S	K216
	Hot Air	K219

FINSCHHAFEN	Smoke	K210
	F.M.S	K212
	Hot Air	K215

LORENGAU	Smoke	K205
	F.M.S	K207
	Hot Air	K210

KARKAR	Smoke	K215
	F.M.S	K217
	Hot Air	K220

CMB nau bai i no inap long kisim moa prais sapot long Gavman. Dispela i stat long Janueri 1, 1994.

### KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
7/3	8/3	9/3	10/3	11/3

Pe ol baiya sasim long papa bilong fementri	K713	K711	K719	K719	K707
---	------	------	------	------	------

Sapot prais	K500	K585	K585	K585	K585
-------------	------	------	------	------	------

Prais ol papa bilong fementri i kisim	K1213	K1214	K1304	K1304	K1292
---------------------------------------	-------	-------	-------	-------	-------

Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

### RABA

Gavien faktori (ESP) - 21 v/kg  
Doa faktori (Sentrel) - 36 v/kg inap long 39v/kg

### Exchange Rates

Bank buys at:	PNGBC	
	Notes	T/T
Australia	1.4877	1.4567
USA	1.0770	1.0482

Bank sells at:		
Austria		13.80
UK		0.7344
USA		1.0770
Solomon Islands		3.5869
China	On Application	
Fiji		1.6614
Hong Kong		8.6712
India	On Application	
Japan		121.64
New Zealand		1.9260
Philippines		30.611
Singapore		1.7781
Switzerland		1.6946
Germany		1.9937

Gold rates (in US\$):	
per ounce	386.85
per gramme	12.44

### KOPI

Pe bilong drai arabika na robusta kopi long wanwan kilogram long 07/03/94. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K130
Goroka	K120 to 150
Minz na Banz	K135
Hagen	K125 to 130
Lae	K100 to 120
Mumeng	NQ
Wau/Bulolo	NQ
Madang	K120

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :	
Is Sepik	K90
Madang	K80

Ripot bilong ol arapela senta husat i save groim robusta kopi i no kamap.

### KADAMON

Prais bilong kadamon em A. T. Agri Agency Pty Limited long Madang i tokaut long en i stap olsem:

Drai long san:	K1 40
Hot Air Drai: Yelo/Wait	K2 25
Hot Air Drai: Gnn	K3 25
Pikinini Kadamon	K2 50
Lombo gret wan:	K1 60
Lombo gret tu:	K1 40
Lombo gret tri:	K0 80

A. T. Agri i lukautim Kobum Spice em i stap long Bundi: we planti ol kadamon i save kam long en.

### PRAIS BILONG OL BENSIN

Ex Pump (wantaim takis)	
Patrol	50.5 toea
Disil	39.3 toea
Kerosin	45.5 toea

# Kopi projek kirap long Koiari Buk Raunraun go stret long ol dua

1 kam long pes 18

em ol so, hama, naip, na planti ol narapela samting moa bilong mekim wok kopi.

Progrem menesa bilong KDA, Charles Ali i tokim ol fama long taim bilong kos i pinis olsem wanem samting ol bai mekim nau em long stretim ol liklik haus bilong lukautim ol pikinini kopi na tu ples bilong planim ol kopi.

"KDA bai givim yupela sid bilong kopi, ol tul, trening na KDA yet bai painim maket bilong yupela long salim kopi," Mista Ali i tok.

Wanem samting em i laikim ol long mekim nau em long wok strong long redim ol haus bilong planim ol pikinini kopi na gaden kopi. KDA bai helpim ol long olgeta samting na wok

bilong ol tasol em long lukautim kopi.

"Sapos yu lukautim kopi bilong yu, kopi bilong yu bai lukautim yu tu," Mista Ali i tokim ol viles fama.

Long dispela pinis bung tu, siaman bilong KDA Gerry Imiri i tokim ol kopi fama tu olsem ol Koiari pipel bai soim Papua Niugini olsem ol i ken kamap kopi na gutpela kopi tu we i ken winim ol na arapela kopi insait long kanti.

Seketeri bilong Provinsel Afeas na Viles Sevis, Collin Traverts i tokim ol fama tu olsem sapos ol i kamapim planti kopi, ol bai kisim moa mani. Na tingting bilong KDA long kamapim wanpela kopi faktori bilong ol yet bai kamap tru. Na dispela faktori bai namba wan tru insait long sentrel provins na Sauten rijon.

## Tripela woda kisim sevis sta

1 kam long pes 12

wankain - planti yia i lus na mipela i stap wankain yet.

"Olsem na long Vanimo, wonem risos gavman bilong provins i gat longen, mipela i traim long brukim liklik liklik na mekim i napim olgeta kain wok mipela i gat laik long kampim insait long provins. Na bai i kisim longpela taim tru long mipela olgeta i wok aninit long

ol dispela kain heve.

"Gutpela piksa em long mi yet olsem Premia. Mi no go stap long opisel haus bilong Premia, bikos kondisen bilong haus i bagarap tru. Nau mi slip long haus bilong mi yet na i no long opisel haus bilong Premia. Mi luk-save olsem mi no ken askim tumas gavman long tromoim bikipela mani long stretim dispela haus. Sapos mi

mekim olsem bai sampela lain i no nap kisim halpim."

Primia aloitch i go hed na tok moa olsem: "Wonem risos (mani) mipel i gat long provins, mipel i mas brukim na sikelim liklik liklik long mipela olget. Na dispela i no min olsem mipela ol lain long taun tasol bai i mas kisim halpim, nogat mipela tu im mas tingim ol manmeri.



• **Tupela wokman bilong Web Books i wok long taitim bun long wasim na klinim nupela haus buk bas bilong ol. Long dispela wik, ol i stat mekim ol ron i go long ol skul insait long Nesenel Kapitel Distrik.** Foto: Jack Ami.

NUPELA WEB Books laiberi i stap nau insait long wanpela liklik bas. Na dispela kain haus buk i nambawan tru insait long kantri. Nem bilong dispela haus buk em Buk Raunraun. Dispela bas wantaim ol buk bai go raun long olgeta skul insait long

Nesenel kapitel Distrik we ol tisa i ken lukim na putim oda bilong ol long kisim. Na tu ol sumatin i ken baim ol gutpela buk arere long skul bilong ol stret.

Web Books i kamap wantaim dispela wok-about haus buk long wanem planti tisa i no

gat taim long lusim ol sumatin bilong ol na go painim ol buk. Na tu ol tisa na ol sumatin i no save olsem i gat ol gutpela buk i stap.

Dispela buk Raunraun i no bilong ol haiskul na komyuniti skul tasol. Nogat. Em i bilong olgeta kain kain

skul olsem ol nesenel haiskul, intanesenel skul, yunivesiti na ol narapela skul tu.

As tingting bilong Buk Raunraun em long apim nem bilong edukesen sistem na tu tokaut long ol sevis bilong ol haus buk.

## Saunu laikim ol Morobe yet mas kirapim wok bisnis long provins

SANANG ZAZORING i raitim

"PASIN bilong jeles em i wanpela as na bisnis bilong ol man i no save kamap gut na pundaun. Yumi man bilong Morobe provins i save toktok planti, tasol long wok tru yumi no gutpela long ranim bisnis na mekim ol wok i karim kaikai."

Nesenel memba bilong Kabwum, Ginson Saunu i bin sutim dispela hap tok i go long papa bilong ol liklik bisnis. Em i mekim olsem long taim em i opim nupela Kumbia tred stua long Lae siti. Dispela samting i bin kamap long 6 Mas.

Em i tok, "Sapos yumi laik ranim bisnis, orait yumi mas mekim tru tru dispela bilong mekim em i karim kaikai."

Mista Saunu i tromoi dispela hap toktok i go long ol bisnis grup na tok, "Sapos wanpela sans i kamap, yupela i no ken abrusim."

Em i tokaut tu long dispela taim olsem sapos

wanpela man i laik mekim bisnis bilong em i win, orait em i no ken dring na spak nabaut. Bikos spak em i wanpela rot planti bisnis i save pundaun.

Long wankain taim, memba i tok sapos wanpela man o meri i laik wokim bisnis, em i no ken pundaun long gris bilong pilai politik.

"Taim wanpela bisnismen i sanap long wok politik na lus, em i save lus olgeta na bisnis bilong em i save bruk. Na dispela i save bagarapim sindaun bilong em na bilong famili tu," Mista Saunu i tok.

Em i givim tok piksa bilong dispela kain pasin long ol bisnis bilong Sauna taun insait long Lae siti.

Mista Saunu i tok bipo i bin gat ol bikipela bakstua na tred stua i stap. Tasol long nau yet, ol liklik sekenhen klos stua tasol i kisim ples bilong ol dispela bikipela stua.

Long dispela taim tu, em i kirapim tingting bilong ol pipel olsem ol man Morobe yet i mas kamap papa bilong Lae siti na go pas.



• **Wanpela singsing timbuna grup bilong Kabwum long Morobe provins i kirapim das na tok welkam long ol manmeri husat i go kamap long bung. Long dispela taim, ol i bin opim wanpela tred stua.**

## OL NIUS RIPOTA

# WORD

WORD PUBLISHING KAMPANI  
PTY LIMITED

i painim nau ol ripota bilong raitim

OL LONGPELA (FEATURE) STORI  
OL SAVEMAN/MERI BILONG STRETIM OL STORI  
(SUBEDITORS)

na tu  
OL NARAPELA RIPOTA BILONG RAITIM OL STORI

Mipela i laikim yupela bilong wok wantaim ol dispela niuspepa:

THE TIMES OF PNG  
WANTOK NIUSPEPA  
WEEKEND SPORT

na  
PNG BUSINESS

Toktok bilong stretim pe wantaim ol arapela samting bai kamap bihainim ekspiriens na save bilong wan wan.

Raitim olgeta aplikesen long pepa na salim i kam long:

The General Manager  
Word Publishing Co Pty Ltd  
PO Box 1982 Boroko NCD

# Gavman mas givim mani long ol sios long pait egensim hevi bilong lo na oda

**Dia Edita**  
Mi wanpela grasrut bilong ples Yerakai long Ambunti Distrik long Is Sepik provins. Mi lukim olsem kantri bilong yumi PNG i gat planti hevi long pasin bilong ronim gut kantri. Na tu pasin bilong daunim ol kain kain bikhet

pasin.  
Mi lukim dispela hevi i wok long kamap moa bikpela. Olsem na mi laik Putim kamap wanpela askim olsem: Husat tru inap long mekim wok long daunim hei bilong lo na oda insait long kantri? Mi lukim turangu ol

plisman ol i no save slip gut. Ol i wok hat tru long stopim na daunim hevi bilong lo na oda insait long kantri. Tasol dispela hevi i wok long kamap bikpela yet.  
Mi lukim tu insait long nesenel Palamen ol i pasim ol strongpela lo

long mekim pretim ol man. Tasol dispela ol lo i no daunim dispela hevi.  
Ol ami tu i traim long stopim dispela hevi. Tasol nogat. Hevi ya i wok long kamap yet.  
Olsem na mi laik askim nesenel gavman long givim sampela

mani i go long ol sios ogenaisesen na ol bai helpim long traim na daunim dispela bikpela hevi long kantri.  
Wanem samting mipela ol sios bai mekim em long ranim ol miting long olgeta hap. Na mipela bilip

olsem mipela inap long daunim dispela hevi.  
Nau yet, mipela i nogat mani. Mi mekim dispela toktok long ekspiriens bilong mi yet.  
Mi no save bai mi lukim wanem nesenel

minista long glasim dispela wari bilong mi.  
Husat i laik sapotim o egensim mi, mi bai amamas tasol long ritim long *Wantok Niuspepa*.  
Nathan Singep  
Ambunti, WEWAK

## No ken tok nogutim ol meri long Kanage stori

**Dia Edita**  
Mi wanpela lapun bilong Ambunti insait long Is Sepik provins.  
Mi laik autim wari bilong mi bilong mi long pasin na toktok ol yangpela manmeri i save mekim.  
Yes, mi no amamas long ol man i save mekim giaman stori bilong Kanage. Na i save putim stret long pepa long tok nogut long ol meri bilong yumi long PNG.  
Wanpela dispela kain stori i bin kamap long *Wantok Niuspepa* long


Fonde, Februari 10, 1994. Man Deirfdog Yassafar o Godfried Yassafar i bin raitim. Dispela man Godfried i bin stori long Kanage em i wanpela manki Madang. Na i prenim wanpela meri PS kantri long Divain Wod Institiut long Madang. Na stori ya i tok olsem tupela i save go arere long ol klasrum na mekim kain kain stori. Stori ya i go na kamap olsem Kanage i laik waswas long taiswara bilong bikpela wara Sepik.

Long dispela hap toktok na mi laik askim yu brata olsem:  
1. Wanem kain taiswara stret ya yu toktok long en?  
2. Yu save go lotu tu o nogat?  
3. Yu save olsem yu tok nogutim ol meri o nogat?  
Em tasol ol askim bilong mi long yu brata na yu husat i laik sapotim o egensim mi, plis rait i kam tasol long *Wantok* na bai mi ken ritim.  
Nathan Singep  
WEWAK

## Tingting bilong ol Hailans i pas long kompensesen

**Dia Edita**  
Mi laik autim liklik bel hevi bilong mi. Insait long Post Courier long Mande Janueri 10, 1994, ol Hailans i bin toktok long gavman i mas givim kompensesen long ol.  
Mi laik tokim yupela ol Hailans olsem i no gavman i tok na graun i bruk na bagarapim ples bilong yupela. Samting i kamap long laik bilong em yet. Mipela long Madang na Morobe taim graun i bruk na bagarapim ol ples na samting, mipela i no bin askim long kompensesen. Bikos mipela i nogat kain kastam olsem.

Yupela ol Hailans i nogat wanpela save o tingting. Save na tingting bilong yupela i stap long kompensesen tasol.  
Sopos yupela save ritim Baibel, orait opim Baibel bilong yupela na ritim na bai yupela klia long wanem samting Baibel i tok long en. Traim na yusim gut het bilong yupela. Em tasol na yu husat i laik sapotim o egensim mi, rait i kam tasol long *Wantok Niuspepa* na bai mi ken ritim.  
Gusa Yaap  
Bulolo, LAE



## Lukautim gut ol long long manmeri

**Dia Edita**  
Mi laik bekim pas bilong Apex Tola i bin kamap long *Wantok Niuspepa* long Fonde, Februari 10 long dispela yia. Tola i bin toktok long ol long long manmeri.  
Brata, mi laik tokim yu olsem ol dispela long long manmeri em ol pikinini bilong man. Na i no ol pikinini bilong diwai o ol enimol nabaut.  
Sopos dispela ol long long manmeri i gat ol brata, susa, kandre o anti nabaut, ol bai was gut long ol. Yupela mas

was gut ol dispela long long man meri long ples na lukautim ol gut. No ken larim ol i kam raun long taun.  
Sopos dispela ol long long manmeri i kaikai ol kain kain pipia long taun, em bilong wanem hap stret? Sopos dispela long long man o meri i bilong ples bilong yu, bai yu pilim olsem wanem stret. Sopos ol manmeri i save gut long ol long long na askim olsem wanem nogat wantok tru long lukautim em.  
Dispela toktok bilong mi, mi laik autim i go

stret long taun bilong mi long Wewak. Mi save lukim planti long long manmeri i save raun nabaut long Wewak taun.  
Plis, traim na lukautim gut ol wantok bilong yupela. Taim mama i karim ol, ol i no long long. Ol i gutpela manmeri. Em tasol na yu husat i laik sapotim o egensim mi, rait i kam tasol long *Wantok Niuspepa* na bai mi ken ritim.  
T. Silda  
WEWAK

## Stap isi na larim memba i mekim wok bilong em

**Dia Edita,**  
Wanpela an i bin makim ol pipel bilong Watabung na rait long *Wantok Niuspepa*. Pas bilong em bin kamap long Februari 17 long dispela yia. Olsem na mi laik bekim pas bilong dispela brata ya.  
Mi wanpela manki Watabung bilong ples Kando insait long Daulo open ilektoret. Man ya i bin toktok long em i komplem long Sowa Gunia. Mista Gunia em i nesenel memba bilong Daulo. Manki Watabung i tok Mista Gunia i wansait na helpim tasol ol pipel bilong Asaro na Korepa. Memba i baim kaunsil ka bilong ol lain Asaro, Korepa na tu wanpela ambulens ka bilong Asaro haus sik. Em i givim mani tu long wokim haus lotu na dabol klas-

rum bilong Maido komyuniti skul. Na tu givim helpim long Daulo haikul, etpos na viles kot.  
Yes brata, ol samting yu komplem long en i tru. Mista Gunia i givim ol dispela helpim. Ka na ambulens long kaunsil na haus sik i karamapim Asaro/Watabung lokol gavman kaunsil. Na i no Asaro tasol.  
Brata, yu no raitim nem bilong yu long dispela pas bilong yu. Tasol mi save long yu. Yu wanpela komiti tambu bilong ol Asaro tasol.  
Sopos yu wanpela komiti memba, yu inap save long plen bilong Mista Gunia. Na plen bilong memba em long helpim ol wok insait long ples na eria bilong em long wan yia. Na long dispela yia em bai wok long Watabung eria.  
Yu hariap tumas long kraik long sevis i kam long eria bilong yu. Sopos yu wanpela yangpela man, orait, yu inap long luksave gut long wok bilong memba bilong yu. Na sopos yu no klia gut, em i min olsem yu slip yet.  
Brata, ating yu kusai tasol na raitim pas i kam long *Wantok Niuspepa*. Sampela toktok bilong yu i no klia. Mi tokim yu, Mista Gunia i no go long bikpela skul tasol em i gat gutpela het.  
Long liklik taim em i kamap nesenel memba, em i kamapim sevis na sampela developmen long ilektoret bilong em. Em i wokim ol gutpela disisen.  
No ken raitim ol komplem i nogat mining long en. Yu man husat i makim ol pipel bilong Watabung. Bipo yumi no komplem long olpela memba Gai Duwabane. Na no ken komplem long Sowa Gunia. Larim em i mekim ol wok bilong em. Mipela ol pipel long ilektoret bilong em i sapotim em stret.

## Ol plisman long Mendi save holimpasim nating ol pipel na putim long rumgat

**Dia Edita,**  
Mi wanpela manki Sauten Hailans na mi stap long provins bilong mi yet. Mi no amamas long wok bilong sampela plisman insait long Mendi taun.  
Mi laik tok klia olsem ol plisman ya i save holimpasim nating ol manmeri long strit. Na lokim ol long plis sel. Planti long ol dispela manmeri i no wokim wanpela rong na ol plisman i holimpasim ol nating na putim long ol

sel.  
Ol plismas i save mekim mipela olsem ol dok na pik husat i nogat papamama. Tasol belhat bilong mipela i save pinis bihain long mipela i kam aut long plis sel.  
Long dispela as tasol, planti manmeri i save birua long ol plisman. Mi komplem bikos mi wanpela long ol manki husat ol plis i bin holimpasim na lokim mi long rumgat. Ol i save tokim mipela olsem mipela ol pipia man.

Na mipela i mas stap isi. Ol i save paitim mipela hap dai na bagarapim mipela gut tru. Olsem na taim mipela i lusim plis sel, mipela i save belhat na i no save wokbung waitaim ol plismas.  
Tasol mi laik tokim ol plis long Mendi long wokim gut long ol asples manki na pipel. Na mipela ol pipel i ken sapotim yupela long ol wok bilong yupela.  
Dickson Wape  
MENDI

## Mi painim wanpela tisa bilong mi

**Dia Edita**  
Mi wanpela manki Okapa long Isten Hailans provins. Mi painim wanpela tisa bilong mi. Nem bilong dispela tisa bilong mi, mi wok long painim em Willie Mawe. Em i bilong Simbu. Tasol em i bin wanpela tisa bilong mi long Kinona komyuniti skul long Okapa yet. Mi save gat bikpela laik tru long raitim pas i go long em. Tasol mi no save long wanem hap em i stap.  
Sopos yu husat man o meri i save long dispela tisa bilong mi, mi wok long painim em, plis inap yu toksave long em long raitim pas i kam long mi long dispela adres: Neil Abiyaya Puaniamo, HOPPL, P O Box 28, Popondetta.  
Sopos nogat orait tokim em long raitim pas i kam long *Wantok Niuspepa*. Na mi ken lukim na bekim pas bilong em.

rum bilong Maido komyuniti skul. Na tu givim helpim long Daulo haikul, etpos na viles kot.  
Yes brata, ol samting yu komplem long en i tru. Mista Gunia i givim ol dispela helpim. Ka na ambulens long kaunsil na haus sik i karamapim Asaro/Watabung lokol gavman kaunsil. Na i no Asaro tasol.  
Brata, yu no raitim nem bilong yu long dispela pas bilong yu. Tasol mi save long yu. Yu wanpela komiti tambu bilong ol Asaro tasol.  
Sopos yu wanpela komiti memba, yu inap save long plen bilong Mista Gunia. Na plen bilong memba em long helpim ol wok insait long ples na eria bilong em long wan yia. Na long dispela yia em bai wok long Watabung eria.  
Yu hariap tumas long kraik long sevis i kam long eria bilong yu. Sopos yu wanpela yangpela man, orait, yu inap long luksave gut long wok bilong memba bilong yu. Na sopos yu no klia gut, em i min olsem yu slip yet.  
Brata, ating yu kusai tasol na raitim pas i kam long *Wantok Niuspepa*. Sampela toktok bilong yu i no klia. Mi tokim yu, Mista Gunia i no go long bikpela skul tasol em i gat gutpela het.  
Long liklik taim em i kamap nesenel memba, em i kamapim sevis na sampela developmen long ilektoret bilong em. Em i wokim ol gutpela disisen.  
No ken raitim ol komplem i nogat mining long en. Yu man husat i makim ol pipel bilong Watabung. Bipo yumi no komplem long olpela memba Gai Duwabane. Na no ken komplem long Sowa Gunia. Larim em i mekim ol wok bilong em. Mipela ol pipel long ilektoret bilong em i sapotim em stret.

## Primia Brown i no mekim gutpela pasin

**Dia Edita,**  
Mi laik sapotim pas bilong Jack Anbei i bin kamap long *Wantok Niuspepa* long Fonde, Februari 10 long dispela yia.  
Long pas bilong em, Jack i bin tok olsem em i no amamas long pasin primia bilong Is Nu Briten i mekim long rausim ol skwata setla

long Rabaul.  
Long sapotim toktok bilong Jack, mi laik tok olsem dispela em i no wanpela gutpela pasin tumas. Bikos planti bilong ol dispel lain ya i stap long Rabaul longpela taim.  
Sampela i stap moa long 20 yia olgeta. Primia bilong Is Nu

Briten Sinai Brown i mas luksave olsem i no ol lain long skwata setelmen tasol i save kamapim bikhet pasim long Rabaul. Sampela asples pipel tu i save kamapim ol bikhet pasin.  
Goldstein Fringei  
LAE

# Sampela pasta bilong Luteran sios i olsem ol bisnis man

**Dia Edita,**  
Mi wanpela manki Markham tasol mi stap long Wau Bulolo eria. Mi gat komplek long sampela pasta bilong Luteran sios.

Sopos yupela ol wokman bilong sios, orait yupela i mas bihainim bilip bilong yupela. No en bagaram-pim ol man bilong ples.


Mi no amamas tru long wanpela pasta bilong Buang ol bin salim em long wok long ples Gabensis. Tasol em i wanpela longlong pasta.

Ol manmeri bilong ples Gabensis i bungim ol kaikai samting na givim em. Tasol long moning taim, narapela stori i kamap. Em i givim sem long

ol pipel bilong Gabensis long taim em i karim bek ol kaikai samting i go long haus bilong hetman bilong ples. Em i tok em no laikim ol dispela kaikai. Bikos ol kaikai ya i no klin.

Pasta ya i laik soim wanem samting tru? I luk olsem ol pasta bilong Luteran sios em ol bisnis man ya. Ol save laikim tasol ol gutpela na klinpela samting. Sopos yupela i lukim ol pasta bilong Luteran sios, olsem dispela man Buang, no ken ting olsem ol i wokman bilong God.

**Onogai Gampen LAE**



## Komplek maski....isi tasol kirap na go

**Dia Edita,**  
Mi wanpela man husat sapotim Is Nu Briten provinsal gavman long rausim ol skwata setelmen insait long Rabaul taun.

Olsem na mi laik bekim pas bilong Max Makip. Pas bilong em i bin kamap long *Wantok Niuspepa* long Februari 17 long dispela ya.

Brata Max i bin tok Primia Sinai Braun i no wokim gutpela pasin long rausim ol skwata setelmen long Rabaul. Brata Max, mipela ol Tolai i sapotim Sinai Braun long wok bilong

em. Na yu bin tok tu olsem ol Waira man i stap long Rabaul taun na taun i klin. Mi tokim yu stret Max, mipela ol Tolai i ken klinim taun bilong mipela. Yupela ol Waira man i pasim tasol ples bilong mipela. Mobeta yu go bek long provins bilong yu na klinim taun bilong yu.

Yu bin tok tu olsem Mista Braun i no yusim het bilong em taim em i rausim yupela ol lain long setelmen. Mi laik tokim yu olsem save bilong Sinai Braun i winim save bilong yu.

# Mi painim ol kasen bilong mi

**Dia Edita**  
Nem bilong mi Bruce.C. Cosham. Mi laik painim 4-pela pikinini bilong Kandre bilong mi.

Nem bilong Kandre bilong mi em Danny Minda Gamat. Em i gat tupela pikinini meri na tupela pikinini man.

Kandre Danny Minda Gamat i bin marit long Mengen long Wes Nu Briten provins. Em i save stap long Kimbe

na Rabaul. Em i bin lusim ples long-ya 1952.

Wanpela pikinini man bilong em i wanpela haikul tisa na nem bilong em Mond Karry Danny. Em i tis nau long sampela hap long Papua Niugini.

Sopos yu husat man o meri na pikinini i save long ol 4-pela pikinini bilong Danny Minda Gamat, plis toksave long ol long rait long mi

long dispela adres: Bruce C Cosham Private Mail Bag Via Yagiap Wewak, ESP

Sopos nogat tokim ol ringim mi long dispela telipon namba 86 2109 long haus bilong Pastor Godfrey Wippon long Wewak.

**Bruce. C. Cosham WEWAK**

# Rausim tok pilai stori bilong Kanage

**Dia Edita**  
Mi laik autim wari bilong mi long *Wantok Niuspepa*. Wari bilong mi em long ol stori bilong Kanage.

Mi no laik bai yupela i putim stori bilong Kanage moa. Bikos ol stori bilong Kanage i no gutpela. Planti ol stori i pulap long tok nogut stret.

Olsem na mi laikim yupela i mas rausim bek dispela stori na putim bek ol pasel gem olsem bipo. I gat sampela pikinini tu i save ritim *Wantok Niuspepa*. Olsem na mipela i no laik long ol pikinini bilong mipela i ritim ol toktok nogut bilong Kanage.

Mi no amamas tu olsem yupela i save putim stori bilong God long Tu Minit tingting. Na bihain yupela putim dispela stori bilong Kanage arere long em i no stret. Ol nius nambaut i orait tasol i moabeta yupela rausim olgeta Kanage stori na putim ol pasel gem i go insait gen.

Em tasol liklik wari bilong mi.

**Justin N. Ossey LAE**

# Mi painim anti bilong mi

**Dia Edita**  
Nem bilong mi em Wendy Powe. Na mi raitim dispela pas i kam long *Wantok Niuspepa* long painim anti bilong mi. Nem bilong anti bilong mi em Veronica Powe.

Anti bilong mi i maritim wanpela man long Wes Nu Briten provins. Na em i save yusim nem olsem Veronica Posai o Raingio.

Mi no save long liklik ples bilong man bilong anti bilong mi. Tasol bihain long sampela taim i go pinis, mi bin harim olsem man bilong em i lusim em.

Plis tru, sopos yu husat man o meri i save long anti bilong mi, plis tokim em olsem mi wantaim mama bilong mi i wok long painim em. Yupela i ken tokim em long raitim pas i kam long mi wantaim mama bilong mi long dispela adres:

**Wendy Powe C/-J Powe Moem Barracks Wewak, ESP**

Bikpela tok tenkyu na amamas i ken go long yu husat i helpim mi long painim anti bilong mi. Bikpela Papa antap i ken blesim yu long helpim bilong yu.

**Wendy Powe WEWAK**

# Ol Sepik na Hailans pulap long Karkar ailan

**Dia Edita,**  
Mi bilong Karkar ailan insait long Madang provins. Tasol nau mi stap long Goroka.

Mi laik autim wari bilong mi long ailan bilong mi na mi rait i kam long *Wantok Niuspepa*.

Mi lukim olsem Karkar ailan em i no wanpela bikpela ailan. Na em inap tasol long mipela ol pipel bilong Karkar.

Tasol nau yet, planti pipel bilong ol arapela provins i go pulap long dispela liklik ailan. Bikos long dispela, planti trabel i wok long kamap.

Taim mi stap long ples long Karkar, wanpela trabel i bin kamap namel long ol lain aspies na Sepik. Sampela pipel bilong ples bilong mi em long Kaul i pait wantaim sampela lain Sepik.

**Frank Kerepa GOROKA**

# LAIKIM PENPREN

**Nem:** Agnes Buvavur  
**Krismas:** 29

**Adres:** P O Box 98, Kokopo. ENBP.  
**Save Laikim:** Pilai baksetbal na volibal, lukim televisen, ritim buk na niuspepa na raitim pas long ol pren.

**Nem:** Charles Aron  
**Krismas:** 18

**Adres:** D P Trading, P O Box 2794, Lae, Morobe Province.

**Save Laikim:** Pilai soka na tas ragbi, lukim muvi, na ritim buk.

**Nem:** Rex Fomunto  
**Krismas:** 20

**Adres:** Marcopolo Restaurant, P O Box 3228, Boroko, NCD.

**Save Laikim:** Pilai volibal na tas ragbi, lukim televisen, raun wantaim ol pren na stori.

**Nem:** Archie Jagephar  
**Krismas:** 19

**Adres:** Marcopolo Restaurant, P O Box 3228, Boroko, NCD.

**Save Laikim:** Tok pilai, lukim televisen na ragbi lig, pilai tas ragbi, waswas long solwara na raun wantaim ol pren.

**Nem:** Dickson Wape  
**Krismas:** 22

**Adres:** United Church, P O Box 35, Mendi, SHP.

**Save Laikim:** Lukim televisen, pilai ragbi, raun, raitim pas, lotu na senisim presen.

**Nem:** Peter Paul  
**Krismas:** 24

**Adres:** P O Box 31, Mendi, SHP.

**Save Laikim:** Danis, raun, lukim televisen na muvi na raitim pas.

**Nem:** Peter Wendo  
**Krismas:** 22

**Adres:** P O Box 31, Mendi, SHP.

**Save Laikim:** Go lotu, senisim presen, lukim televisen na tok pilai.

**Nem:** Rex K Kolip  
**Krismas:** 16

**Adres:** Mt Hagen High School, P O Box 380, Mt Hagen, WHP.

**Save Laikim:** Harim musik, raitim pas, ritim Wantok Niuspepa, lukim televisen, pilai ragbi, ragbi tas na soka.

**Nem:** Eric Gibson  
**Krismas:** 18

**Adres:** P O Box 717, Wewak, ESP.

**Save Laikim:** Lukim vidio, raun wantaim ol pren, go lotu na tok pilai.

**Nem:** Ken Migalu  
**Krismas:** 25

**Adres:** P O Box 284, Maprik, Wewak, ESP.

**Save Laikim:** Ratim pas, harim FM radio, lukim ragbi, tingting planti long wanem samting bai kamap long ya 2,000 na raun long olarapela provins.

**Nem:** Dick Isai  
**Krismas:** 21

**Adres:** LTC, P O Boc 305, Lae, Morobe Province.

**Save Laikim:** Ritim buk, go lotu, raun na raitim pas long ol pren.

**Nem:** Maame Adjoa  
**Krismas:** 26

**Adres:** P O Box 474, Oguua, Ghana, West Africa.

**Save Laikim:** Senisim presen, raitim pas na slip wantaim ol man.

no wokim wanpela samting em ol pipel bai i lukim na amamas long ol.

Tasol nau ol i lukim Maututu Developmen Koporesen i wokim sekyuriti bisnis bilong ol. Na ol i laik suvim ol yet i go insait long Ambusa plantesen. Ol i no baim aut yet dispela plantesen long gavman.

Olsem na mi no laik gavman i harim toktok bilong siaman bilong

BDC Jeffrey Bula. Em i bin dinau long gavman na em no bekim yet dispela mani.

Mista Bula i wok long giaman tumas. Em i tok long daunim viles kot bikos i em nogat pawa.

Mi laikim Sief Jastis i sasim dispela man. Narapela samting tu em ol dispela lain bilong BDC i save egensim lo.

**Penias Togiao BIALLA**



*Antap: Wilwil bilong mi we....?* Wapela meri long biktaun bilong Frans, Amsterdam i painim wilwil bilong em i stap wantalm ol narapela wilwil. Ol wilwil ya em ol i save putim aninit long wapela ples we ol tren bilong karim pasindia i save stop long en. Ol wokman i save kam lusim ol wilwil bilong ol long dispela hap na go long wok. Frans em wapela kantri i save mekim planti kain samting olsem kar, balus, sip wilwil na tu ol samting nogut bilong pait. Nau yet ol i wok long traim long katim daun namba bilong ol dispela samting ol i save mekim. Bilong wanem long kantri bilong ol yet i nogat ples bilong tromoi ol dispela samting taim ol i go olpela. Igat planti samting tumas ol i save mekim long ain na nogat ples bilong tromoi ol. *Daunbilo: Spai sanap long kot....*Dispela man nem bilong em Aldrich Hazen Ames bilong Amerika i go insait long kar bilong em bihain tasol long em i sanap long kot. Kot i sasim em long spai long Rasia long 1980 taim em i stap long Indonesia. Ames em wapela olpela CIA man husat i save wok long Amerika bipo. Tasol taim em i pinis long CIA, ol i painimaut olsem long 1980 taim em i stap long Indonesia, em i save spai long Rasia. Em i sanap long kot nau long Virginia, long Amerika.



*Painim pis long ais.....*Hap wok bilong ol Rasia long Sarere na Sande em long painim pis. Wapela man Rasia i sindaun antap long ais na tromoi string bilong em i stap. Tasol dispela i no wara o solwara. Nogat. Em i wokim wapela hul long ais na putim string bilong em i go daun. Bilong wanem, solwara i stap aninit long ais. Na dispela hap tu, pis i pulap stret. Ol manmeri long Rasia i save mekim kain wok olsem long Sarere na Sande. Bihain long ol i pulim ol pis pinis, sampela ol bai karkai na ol narapela bai ol i salim long painim liklik mani moa.



*Pait i stap yet.....*Blkpela pait i wok long kamap namel long ol lain Palestine na ol lain Isreal. Dispela pait bilong ol em bilong bipo yet long taim bilong Moses na i stap yet. Ol ami bilong Isreal i pasim ai bilong tupela man Palestine em ol i holim ol bihain tasol long wanpela liklik pait i kamap gen long Bethlehem.



*Ju tasol.....*Wanpela meri long Saut Afrika i apim han bilong em i go antap long soim olsem em i sapotim Nelson Mandela bilong ANC husat i sanap nau long resis long Ileksen bilong Saut Afrika. Nelson Mandela bai sanap resis long kisim sia olsem presiden bilong Saut Afrika.



*Ol meri kamap pater.....*Piantl man na meri bilong Sios bilong England o Anglican sios i no amamas taim ol b'kman bilong sios bilong England i tokorait na sampela meri i kamap pater. Olsem na ol i karim dispela kofin long soim olsem sios bilong England i dal nau. Tasol ol meri i kamap pater pinis.



*Clinton go raun....*Presiden bilong Amerika Bill Clinton i wok-about autsait long White Haus. Em i redi tasol long go raun ol biktaun bilong David, Jerusalem long wiken.

**WANTOK**

NIUSPEPA BILONG OL PAPUA NIUGINI STRET

# PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216  
Joe Naime Ext. 232



**Hon. David Mai, MP**

**Minista bilong Tred na Indastri**

na long makim maus bilong femili bilong em, ministri,  
dipatmen na ol pipel bilong Simbu  
i laik salim bikpela tok sori na wari long long Lady Abal



6-pela pikinini  
12-pela tumbuna  
na ol wantok  
long dai bilong leit

**Sir Tei Abal**

husat i lusim mipela long  
Mande Mas 14, 1994

Olgeta tingting na prea bilong mipela i stap wantaim ol  
femili bilong em long dispela taim bilong wari

**SOL BILONG EM I KEN MALOLO WANTAIM BEL ISI**



**PABLIK TOK SAVE**

MIPELA I KISIM PINIS TOK SAVE OLSEM SAMPELA MAN I WOKIM OL  
GIAMAN BENG SEK BILONG PAPUA NIUGINI BENKING KOPRESEN  
(PNGBC) NA I WOK LONG YUSIM RAUN NABAUT.

KAIN OL SAMTING BAI STAP LONG OL DISPELA BENG SEK EM I STAP  
OLSEM:-

**BRENS: POT MOSBI**

**SERIEL NAMBA: ANTAP LONG RAITHAN KONA KLOSTU LONG NEM  
BILONG PAPUA NEW GUINEA BANKING CORPORATION, OL NAMBA  
BAI KAMAP LONG RETPELA KALA PEN.**

SAPOS WANPELA KAIN BENG SEK OLSEMI KAMAP LONG AIBILONG YU  
BILONG KISIM OL SAMTING NA YU TINGTING PLANTI, PLIS TOKTOK  
HARIAP WANTAIM:-

MISTA ALLAN ROSS,  
MENESA OPRESENS,  
MOSBI BRENS  
long telipon namba: 22 9707

o nogat, traim

MISTA LUCAS LASI  
MENESA

BRENS OPRESENS  
BRENS BENKING DIVISEN  
HET OPIS  
long telipon namba: 22 9813.



## TOK SORI

Ol lain bilong oposisen long Nesenel palimen i autim bikpela wari na tok sori bilong ol  
long dai bilong Sir Tei Abal husat i bin stap olsem oposisen lida long bipo.

Leit Sir Tei Abal i wanpela bilong ol papa bilong kantri husat i kirapim dispela kain Palimentri Sistem  
em yu gat nau.

Em i save bilip long wanpela gutpela na strongpela oposisen long lukim olsem  
gavman i wok stret.

Wankain olsem Sir Michael Somare na ol narapela papa bilong dispela  
kantri, Sir Tei Abal i save bilip long gutpela developmen bilong Papua  
Niugin na wanpela yunaited Papau Niugini.

Long makim Pangu Pati na ol narapela pati i stap long oposisen, mi laik autim  
bikpela bel sori na wari bilong mipela long dai bilong Sir Tei.

Mipela i sori tu wantaim meri bilong em Lady Abal, ol pikinini, ol tumbuna bilong em, ol wantok na ol  
wanlain long klen bilong em.



*Sol Bilong Em i Ken Malolo Wantaim Bel Isi.*

**CHRIS S. HAIVETA, MP**  
LIDA BILONG OPOSISEN





## SORI TOKSAVE I KAM LONG

HON. JOHN JAMINAN, MP

MINISTA BILONG HAUSING NA MEMBA BILONG YANGORU/SAUSSIA



I laik mekim bikpela tok sori na wari bilong em i go long Lady Abal, ol pikinini, ol tumbuna, wantok, ol poroman na ol pipel bilong Enga provins long indai bilong papa (Tei Abal) ol i save laikim tru.

Mi bin wok aninit long lidasip bilong em long taim em i stap oposisen lida long Nesenel Gavman long ol yia bilong 1970. Na mi save gut tru long tingting bilong em na hatwok bilong em long ol pipel bilong Papua Niugini na kantri Papua Niugini.

Mipela i lusim wanpela gutpela papa, tasol em bilong liklik taim tasol. Na bihain bai mipela bung gen long heven.

## EM I KEN MALOLO WANTAIM BEL ISI

HON. JOHN JAMINAN, MP

Minista bilong Hausing na Memba bilong Yangoru/Saussia

## ADVERTISEMENT

### The Papua New Guinea Forest Authority will entertain forest industrial development proposals in respect of Timber Supply Area No. 14.

Timber Supply Area (TSA) No. 14 is centred on Madang and encompasses the area to the North of the Ramu River (including the Josephstaal Timber Rights Purchase) and the North side of the Finistere Range, extending eastward to the Madang Provincial boundary.

Interested parties may obtain a map of TSA No. 14 from the Forest Authority. Additional information regarding probable timber species availability and approximate density of harvest may also be made available on application. Enquiries should be made on Fax No. 27 7926.

Those who may wish the opportunity of obtaining timber harvesting rights on up to 80% of the sustainable timber supply available from Forest Management Agreements negotiated with the customary owners of the forest resource within the TSA are required to provide to the Managing Director of the PNG Forest Authority a conceptual proposal for the development of that timber resource that will detail:

- the capability, financial strength and experience of the proposer;
  - the project scope including:
    - the proposed forest development;
    - the proposed industrial plant including capacities
    - products and markets;
    - proposed forest development and plant construction schedule;
    - possible environmental problems and the approach to be used to take mitigation measures;
    - possible project costs;
    - proposed corporate structure for implementing the project;
    - proposed source and amount of project finance; and
  - a feasibility study plan and schedule including projected costs by activity.
- Any forest development proposal must accommodate the timber supply requirements of the existing operators that are established within TSA No. 14. The established operators include:
- Jant Pty Ltd;
  - Madang Timbers Pty Ltd;
  - Super Mahogany (PNG) Pty Ltd; and,
  - Taway Timbers.
- It is thought that the sustainable timber supply may be as high as 200,000 m<sup>3</sup>/annum, but the Forest Authority provides no guarantee as to the sustainable level of timber supply. A realistic estimate of the sustainable timber supply must be made as part of the feasibility study.
- Favourable consideration will be given to proposers that:-
- maximise their utilisation of felled timber;
  - propose mechanisms that will integrate the Papua New Guinea people into the economic systems that the developments generate; and,
  - those that manufacture chips from wood residues in excess of plant energy requirements.

Unfavourable consideration will be given to proposers that advance significant log exports to the year 2000

Proposals will be accepted in sealed envelopes marked "TSA No. 14 - Proposal" addressed to the attention of the Managing Director, Forest Authority, P.O. Box 5055, Boroko until the 25th April, 1994. The Landowners, within TSA No. 14, wishing to have their timber developed will be consulted. The recommendation for the selection of a developer will be based on technical considerations. Additional information may be required from proposers depending on the content of the proposal. The Board of the National Forest Authority may recommend to the Minister for Forests that the Authority enter into a letter of commitment and intent with a suitable proposer that will give that proposer the exclusive right to undertake the feasibility study in accordance with the proposal, and the feasibility study will be presented in the form of a Detailed Project Report. The results of the feasibility study must conform with all applicable PNG laws.

A Timber Supply Agreement will then be granted by the State based on the acceptability of the Detailed Project Report.

Written submissions on any aspect of the development of TSA No. 14 will also be considered. Submissions from any interested party, including landowner groups, must be in sealed envelopes marked "TSA No. 14 - Submission", sent to the attention of the Managing Director, Forest Authority, P.O. Box 5055, Boroko, and be received by the 25th April, 1994.

PUBLIC OFFICERS  
SUPERANNUATION  
FUND BOARD

P.O. Box 483, Port Moresby

PAPUA NEW GUINEA

TELEPHONE: 21 2322

## PUBLIC OFFICERS SUPERANNUATION FUND BOARD

### INVITATION FOR TENDERS

The Public Officers Superannuation Fund Board invites tenders for the purchase of the following properties:

1. Allotment 37, Section 35, Lae
2. Allotment 40, Section 35, Lae
3. Allotment 41, Section 35, Lae

For further information, please contact the Manager - Investments on phone 21 2322. Tenders in writing should be marked "tender no. 05/94" and addressed to;

The Secretary  
Tenders Committee  
POSFB  
PO Box 483  
PORT MORESBY, NCD.

Tenders will close on  
March 25 1994 (Friday).



**MILEN BE PROVINSAL GAVMAN  
OPIS BILONG PRIMIA**

**BIKPELA TOK AMAMAS  
BILONG MIPELA I GO LONG  
1PIR LONG WINIM 43 YIA  
BILONG EN LONG WOK**

Long makim maus bilong Milen Be Provinsal Gavman wantaim ol pipel bilong Milen Be Provins, mi laik givim bikpela tok amamas long 1PIR long winim namba 43 Yia bilong en long wok.

Dispela Rejimen i bin kamapim na mekim gutpela wok tru long taim em i kirap long 1950 yet i kam inap nau. Na mipela i laikim dispela kain pasin na wok long stap yet.

Papua Niugini i laki na winim tru ol arapela liklik kantri long wol. Bikos taim mipela i senis long taim bilong ol waitman i kam long taim bilong kisim selp gavman na independens, no gat wanpela hevi i bin kamap. Maski dispela kantri i pulap long kain kain pasin tumbuna, bilip na tok ples, selp gavman na independens i kamap isi tru.

Mipela i mas askim Bikpela Papa Antap long helpim, lukaut, strong na olgeta Blesing bilong Em long stap wantaim mipela oltaim. Na tu bilong tok tenkyu na amamas na givim ona long wanem samting Em i mekim pinis long dispela gutpela kantri bilong mipela - Papua Niugini.




**JONES LIOSI, MPA**  
Primia  
Milen Be Provins.


Specials on Sale Till 27/03/94

# Lowest prices

# erima



## SUPERMARKET



**COLD POWER DETERGENT**  
200G. WERE .73t  
**.69t**



**MAGGI 2 MINS NOODLES**  
85G. ASSORTED, 40t  
**.35t**



**NESCAFE PNG COFFEE**  
50G. WERE K1.44  
**K1.25**




**ARNOTTS JATZ BISCUITS**  
250G. WERE K1.30  
**K1.19**



**SNOWITE BLEACH 500MLS**  
WERE K1.11  
**.95t**



**OVALTINE ORIGINAL 200G**  
WERE K1.61  
**K1.41**



**SAVELOYS T/P**  
WERE K3.49  
**K2.95 KG**



**PAULS LONGLIFE MILK**  
1 LTR. WERE K1.25  
**K1.19**



**SANITARIUM MUESLI TOAST**  
500G. WERE K3.19  
**K2.89**



**ILIMO CHICKEN**  
SIZE:12 WERE K4.49  
**K3.99**




**MUTTON FOREQUARTER CHOPS**  
K2.69  
**K2.25**



**ILIMO THIGHS**  
500G K2.26  
**K2.03**

**TRADING HOURS**

Monday 8:30 am to 6:30 pm  
Tuesday 8:30 am to 6:30 pm  
Wednesday 8:30 am to 6:30 pm



Thursday 8:30 am to 6:30 pm  
Friday 8:30 am to 7:00 pm  
Saturday 8:00 am to 6:30 pm  
Sunday 9:00 am to 1:00 pm

# Muruks wetim tasol strongpela salens gen

**MOXIE YORE** i rattim

OL MENDI Muruks i pilim olsem bai i gat wanpela strongpela pilai tru i kamap long dispela wiken taim ol Port Mosbi Vipers i go pilai wantaim ol long dispela Tente pilai graun long dispela wik Sande.

Ol Muruks i mekim dispela toktok bihain long ol i flai antap long ol Hagen Eagles na winim ol long 34-28. Na tu ol Vipers i winim Rabaul Guria long wanpela trai tasol long 24-20.

Long nambawan win bilong ol tasol long las

wik, ol Mendi Muruks i go insait gen long kisim wanpela hatpela trening long dispela wik aninit long olpela Kumul na trena bilong ol Mathias Kombra. Dispela bai redim ol long pilai egensim ol Vipers.

Muruks husat i bin testim nambawan win bilong em egensim ol Eagles bai laik mekim wankain taim ol i bungim ol Vipers long dispela wik Sande long as graun bilong ol. Ol Muruks i gat sapot bilong ol lain bilong ol na i luk olsem ol bai

mekim save long ol Vipers tu.

Ol Vipers bai lusim ol bikpela fowat bilong ol Ben Bire husat bai pilai long Cairns wantaim faiv-eit Stanly Haru. I luk olsem Kepten bilong ol Kera Ngaffin wantaim yangpela hapbek bilong ol Gari Morea bai go pas long ol fowat na beks.

Muruks bai pilai strong aninit long faiv-eight bilong ol Ware Sengiso husat i bin kamapim strongpela pilai egensim ol Eagles na em bai go pas long kontrolim gem. Sengiso wantaim lok fowat James Sika bai kisim helipm

long hapbek Anton Mal na Senta John Kepioka na Thomas Undupia.

Ol fowat bilong ol John Togola na Raymond Karl bai go pas long ol fowat na traim stopm ol Vipers Kera Ngaffin, Ronald Vue, James Naipao na Daroa Ben-Moide.


Olsem na ol Muruks bai traim long holim nem bilong ol i stap antap olsem top tim bilong hailens rijin. Ol Eagles i bin luksave long win bilong ol pinis long las wik Sande.

Ol Muruks em ol strongpela lain tru long traim brukim banis bilong ol long olgeta hap bilong fil.

Kosa bilong Muruks Anda Akivi husat i luksave long ol rong bilong ol long las wik bai stretim na dispela bai helpim ol long win. Akivi bai lukluk tasol long ol 13-pela man bilong em husat bai pilai long Sande na mekim wanem samting ol i sapos long wokim.

I luk olsem lain-ap bilong ol bai stap olsem;

1. Ruben Ruing,
2. Petrus Thomas
3. John Kepiolu
4. Thomas Undupia
5. Ruben Kerak
6. Ware Sengiso
7. Anton Mal
13. James Sikai
12. John Togola
11. Raymond Karl
10. Paul Tomba
9. David Dabuma
8. Robin Tengeria.



*Stail bilong op sisen...Isten Hailans em ples bilong ragbi lig. Na long op sisen, ol manmeri save go brukim bun long ol op sisen resis. Olsem long poto, ol i hatim skin i stap.*

## Namba wan pilai bilong Mendi long wiken

OL lain husat i save sapotim ragbi lig long Mendi bai lukim wanpela bikpela pilai tru long dispela wiken taim. Port Mosbi Vipers i traim ol Mendi Muruks long Sande.

Tasol bipo long dispela bikpela gem, Kiburu Lodge bai pilai wantaim BP Brothers long nambawan pilai bilong Agret na bihain tasol bai Kutubu Trensport Hawks bai pilai wantaim Tarangau. Taim ol i pinis bai pilai i kamap namel long Mosbi Vipers na Muruks.

Hawks bai traim long soim yet olsem em bai wanpela strongpela tim long winim na Tarangau husat i gat olgeta pilaia bilong em i stap bai traim hat tru long winim Hawks.

Tasol bikpela pilai tru em bai namel long wina bilong pri sisen

Bulldogs bai pilai wantaim Brothers. Bilong wanem ol Brothers i laik win olsem long las wik ol i mekim save long Royals.

Bulldogs i kisim ol nupela pilai long dispela yia na ol gutpela pilai olsem Lucas Kipo, John Pokolai, Max Paul na Simon Dixie. Klub bai lusim sevis bilong James Sikai na Petrus Thomas husat bai pilai long Muruks.

Tengeria, Dabuma, Togola na Sengiso bai no nap stap long Brothers. Ol tu bai pilai long Muruks.

Tasol kosa bilong Brothers James Aipa long painim ol yangpela pilai long ol divisen daunbilo long kam antap na pilai.

Bulldogs bai i lak win gen bihain long ol i winim Tarangau 14-12 long las wik. Kepten Bruch Paki na Daniel

Raymaster bai holim pawa bilong Bulldogs strong tru. Tupela wantaim i pilai gut tru long las wiken na bai redi tasol long soim stail bilong ol gen long dispela wiken. Tasol ol i noken ting olsem Brothers em i wanpela tim ol bai winim isi tasol. Bilong wanem Brothers i gat ol planti pilaia husat i bin pila gut tru long lokal kompetisen.

Pilai bilong Tigers na Royals tu bai wanpela gutpela pilai long lukim long Sarere bilong wanem tupela tim wantaim i gat ol gutpela pilaia husat bai kamapim strongpela pilai long dispela resis.

Bihain long Royals i lus long Brothers long las wik, ol sapot na ol pilaia i laik lukim olsem ol i mas go na stap antap tu long kompi-

tisen lata. Tigers bai painim hat liklik long brukim banis bilong ol Royals bilong wanem ol i gat ol nupela

strongpela pilaia tu.

Tasol Anton Tame bilong Tigers husat i bin gut tru egensim ol Hawks long las wiken

bai traim strong long stopim ol Royals long kisim tupela poin nating.

Dispela pilai bai

wanpela strongpela pilai tru na wanem tim husat i holim balongpela taim na mekim liklik rong tasol bai win.



*• Namba wan pilai bilong Inta Siti resis long Mosbi namel long Vipers bilong Mosbi na Guria bilong Rabaul. Long dispela pilai, Mosbi i strong na winim Rabaul long wanpela trai tasol, 24-20. Poto: Jack Ami.*

## Rugby League Player Profile



**Name:** ELIAS FORDLEY PAIYO  
**Date of birth:** November 22, 1972  
**Birthplace:** Mt Hagen, W.H.P  
**Height:** 160cm  
**Weight:** 81kg  
**Marital status:** Single (application available)  
**Nickname:** Ellie  
**Occupation:** Prison Officer  
**First team:** Tarangau (Wabag)  
**Favourite team (as a child):** St George (Sydney)  
**First position:** Five Eight (5/8)  
**Did you have any childhood heroes (any sport):**  
**Brett Kenny**  
**Favourite song:** Any sentimental songs  
**Favourite fast food:** Rice and Ox & Palm  
**Best coach:** John Wagambie  
**Best referee:** Graham Ainui  
**What do you expect to do after football:**  
**To become a coach**  
**Who had the most influence on you:** K a l e  
**Garap- my boyhood coach**  
**Likes:** Mind my own business  
**Dislike:** People who boast a lot about themselves  
**What has been your luckiest break in rugby league:** Making it into the Vipers in 1993  
**What is your biggest aim in rugby league:**  
**To be a Kumui and a professional footballer**  
**Your dad's frequent advice:** Don't stick to women and alcohol. Be a man.  
**How would you spend the first K1,000 if you win a lotto or any lucky ticket game:** Save it in my personal account and spend it when need arises

# Glory, glory to South Sydney...

## A case of 'TICKER and TEMPO'



ABOVE: For Jason Bell and Craig Field, the glory days are well and truly back. BELOW: Souths' Paul Mellor runs into heavy traffic. BELOW RIGHT: Craig Field plays 'catch-me-if-you-can'.

WAYNE BENNETT gave a philosophical nod of approval in Albury last Friday night when South Sydney claimed they had beaten the premiers at their own game.

"Good on 'em," said Bennett. "The penny might finally be dropping with some coaches that there is nothing wrong with playing attacking football."

"Souths played fast and furious football - they were great. They beat us fair and square, and we have no complaints."

Bennett wasn't to pull out the old chestnut that "football was the winner," but that's exactly what he meant.

The official crowd at Lavington Sports Oval in Albury was 16,000 at least. No matter how many were there, they lapped up the 10 tries, some of which were spectacular efforts.

The locals were ready to compare, too. The previous weekend Lavington had hosted an National Soccer League match between the Parramatta Eagles and the Marwell Falcons, and next weekend it's a VFL Aussie Rules trial between Footscray and North Melbourne. The Challenge final will be hard to beat.

But back to Bennett, who says McCarthy was paying the Broncos a huge compliment with his "we beat them at their own game" claim.

"The game has now become much bigger than something the diehard fans watch, hoping their club wins by whatever means pos-

sible, or whatever score," he claimed.

"Many of the Australian and New Zealand households who have their TV sets tuned into Rugby League don't have any allegiance to a particular club. They watch it on the telly because they want to be entertained. If not, they'll switch off."

Naturally disappointed a losing - and at some below-par performances from his team - Bennett still had time to appreciate the skill level of his opponents, who he knew would never be easy to beat in four-quarter football.

"The last try they scored was a beauty. We would have been proud of that one," he quipped.

Rabbitohs skipper Dean Schiffliti - on "loan" to the battling club before he takes over the leadership of the North Queensland Cowboys next year - agreed with Bennett.



He said Souths recognised that to beat Brisbane they would need to score at least five tries, even in four-quarter football.

"But that wasn't going to be the most difficult part. Stopping them from scoring six was always going to be our biggest hurdle," he said.

"There are some brilliant attacking players in this side and even though we may have relied on last-ditch intercepts to win against St George and Balmain, we all belived in our ability to get points on the board against the Broncos.



Allie Langer (above) and his Bronco team-mates (below) look all forlorn, but for Souths (right), winners are gridders.



Duncan McRae shows a clean pair of heels from fullback (above). Chris Johns (left) has nowhere to go as Souths lock Tyran Smith blocks his passage.

# Ol boi Hohola tokaut long flai antap yet

RODNEY KAMUS i raitim

WANEM samting Hohola Flies i mas mekim long neks yia em long holim bek taitel bilong em olsem King bilong Pepsi Op sisen Ragbi Lig long Mosbi. Tasol Jenerel Menesa bilong SP Holdings i tokim ol olsem ol bai i no nap win.

Mista Ton Blum i bin mekim dispela strong-pela toktok i go long Hohola Flies tim husat i bin winim dispela Pepsi Op Sisen Ragbi Lig resis long Mosbi.

Long dispela presentesen nait, planti ol tim husat i bin pilai long dispela Pepsi Op Sisen Lig i bin kisim ol prais, tropi na mani.

Pilaia bilong yia tropi na K50 i go long half Bek bilong Hohola Allan Omae, Kosa bilong yia i go long Peter Sarea husat i kisim tropi na K30. Refri bilong yia i go long Paul Leka, president bilong yia i go long Dick Warina bilong Koiari.

Narapela tropi em i kam long Consort Express Lines na bai i go long wanem viles

tim i bin pilai hat tru long dispela resis. Na tim husat i kisim dispela tropi em Lealea em Miss Consort Express yet i bin presentim ol.

Tim husat i kamap namba tri long dispela resis Morata Lig i kisim wanpela tropi wantaim K500. Na Saut Setelmen husat i kamap nambatu i kisim nambatu tropi wantaim K1000 mani. Na Hohola Flies husat i bin winim Saut Setelmen long gren fainel bilong Pepsi Op Sisen Lig yet i kisim Pepsi Sil wantaim K2000.

I bin gat tropi tu i go long ol nius kampani husat i bin givim bikpela helpim long ripotim dispela Pepsi Ragbi Lig resis. Tropi i go NBC, Radio Kalang, Post Courier, National na Word Publishing.

Long dispela presentesen nait, Mista Ton Blum i tok olsem Pepsi i amamas long sapatim tru dispela pilai em planti grasruts i pilai long en.

Em i bilip olsem long neks yia, pilai bai i

mas go long ol narapela senta tu insait long kantri. Na i ken bringim ol grasrut long kam antap na pilai long SP Inter Siti resis. Dispela kain tingting bai kirapim tingting bilong planti manmeri long kamap ol gutpela manmeri bilong pilai insait long kantri.

• **Dispela pilaia bilong Paga Panthers i kaikaim tit na laik go insait long banis bilong Tarangau las wiken. Tarangau bin winim pilai.**



# Ramu gat ol nupela bos

RAMU ragbi lig asosiesen i gat pinis ol nupela man bilong lukautim wok bilong edministresen.

Ol nupela lain ya husat bai holim opis long dispela yia i bilip olsem ragbi long Ramu bai kamap gut nau bilong wanem ol i gat save long ranim wok edministresen.

Ol nupela opisa ya em Presiden Anthony Yaki, nambatu presiden John Kaupa, kuskus Yasona Pasake na man bilong bosim mani Roland Kelle. Ol dispela lain

ya i traim hat nau long mekim wok bilong Ragbi long ron gut long dispela yia.

Ramu suga kampani tu i helpim ragbi lig na givim ol K2,000 long ronim wok bilong edministresen. Long las yia i nogat mani olsem na pilai i no bin kamap gut.

Long 1993 ragbi lig long Ramu i bin dai olgeta bilong wanem ol lain husat i holim opis i no ronim wok gut. Tasol long dispela yia ol bai traim hat long kamapim gut ragbi long Ramu.

Long las wik Ramu Ragbi Futbol Asosiesen i bin holim pri sisen grenfainel bilong em long Sande. Na i gat 4-pela klab i stap insait long dispela fainel em ol i resis long Sandy MacGilliray Cup. Ol tim ya em Brothers, Hawks, Magani na Royals. Ol klab ya i gat olgeta samting bilong ol long pilai na kamap long fil long taim bilong pilai stret.

Ol skoa bilong pilai long wiken i sanap olsem long anda 19 Royals i winim Magani 6-4, Riseft gret pilai Broth-

ers i winim Magani 14-10 na long A gret em Brothers i winim Hawks 16-12.

Olgeta tim i kamapim ol strongpela pilai tru olsem na skoa bilong ol i no go antap. Liklik ren tasol i bin kamap na bagarapim pilai liklik tasol olgeta tim i pilai wanpela gutpela pilai tru.

Long dispela wiken em Ramu bai kirapim tru sisen propa bilong ragbi lig na ples bai paia tru bilong wanem planti manmeri bai kamap long lukim tim bilong ol i pilai.

# Sigaret kampani sapatim lokol klap

SAPE METTA i raitim

WANPELA lokel Ragbi Lig klab bilong Goroka Uritok Kantri i amamas tru long kisim ol nupela set jesi i kam long wanpela kampani.

Ol jesi ol i kisim i kam

long Rothmans wanpela kampani husat i save mekim ol simuk olsem Cambridge na Winfield.

Ol jesi ya i makim kala bilong simuk

Cambridge long blu na wait em kampani i givim i go long het kosa bilong klab na olpela kumul haf bek John Joseph na trena Marko Corrigan. Marketing menesa bilong Rothmans Hailens rijinel sales Simon Thomas na Goroka

Brens Sales Menesa Kossi Tarao i givim ol dispela jesi long wanpela sotpela seremoni.

Klab ya bai resis gen long Goroka Winfield Lig kompetisen na taim pilai i stat, ol bai ron i go insait long pilai graun olsem Cambridge Country.

Rothmans tu aninit long narapela smok bilong em Mutrus i sponsarim tu narapela klab East Panthers bilong Bena Bena eria.

East Panthers em ol manki bilong ples long Bena Bena eria i mekim kamap dispela tim na long dispela yia bai nambawan taim bilong ol long pilai ragbi long Winfield Lig kompetisen bilong dispela yia.

SEMPION tim husat i holim taitel bilong SP Inta-Siti Cup i salim bikpela tok lukaut i go long ol narapela tim olsem ol i no nap winim em isi tasol.

Na ol manki Nokondi i mekim dispela hap tok bilong ol i kamap tru tyaim ol i wilwilim Kundiawa Warriors long 44-16.

Ino long wanem na ol i win, i gat gutpela pilai namel long ol pilaia na ol i win tru. Long fultaim Lahanis i putim 7-pela trai na 6-pela tasol ol i kikim na tupela fil gol. Na Warriors i putim tripela trai na kikim tupela tasol.

Long nambawan 20 minits, tupela tim wantaim i pilai strong tru. Tasol kain stail bilong ol Lahanis i mekim na Stanley Gene i kisim bal long Oscar Zugu na putim wanpela trai. Olpela kumul pilaia Paul Gela i kikim isi tasol i go insait na Lahanis i go pas wantaim 6 points.

Bihain tasol long dispela trai, Gene i kikim wanpela fil gol na skoa i go antap 7-0. Tasol ol Warriors i pilai

strong gen na Peter Dee i putim wanpela trai. Kik i kamap gut tu na ol i stap baksait tasol long Lahanis long 6-7.

Tasol ol Lahanis i strong tru na kepten bilong ol David Buko i kisim wanpela bal long sait bilong Lahanis na givim siksti tasol i go na putim trai aninit long gol pos.

Taim ol i kikim bal tasol bihain long dispela trai, Gene i kisim gen na abrusim olgeta Warriors na putim gen wanpela train aninit stret long gol pos gen. Lahanis i stap pas long 19-6 long hap taim.

Long nambatu hap, Lahanis i no givim ol Warriors wanpela moa sans. Chris Sari i kisim bal na abrusim olgeta man husat i laik takelime em na silip gen long trai lain.

Long 56 minit Lahanis i kisim wanpela penelti kik taim ol Warriors i pilai karangi liklik long wanpela Lahanis.

Ol Warriors i no nap moa mekim wanpela samting nau tasol ol i putim tupela moa trai na kikim wanpela tasol.



• **Tupela pilaia bilong East Panthers bilong Bena Bena eria i soim amamas em tupela i gat long kampani husat i sapatim klap bilong tupela. Em nau...Cambridge tasol!!**

# Lahanis salim tok lukaut

# Milo kisim wok kosa long Lae

OLPELA huka bilong Papua Niugini Kumuls Michael "Milo" Matmilo em ol Royals Ragbi Lig klab bilong Lae i kisim em i kamap olsem kosa bilong ol long dispela yia.

Matmilo long guttains bilong em i wanpela nambawan Kumul pilaia husat i gat planti save long abrusim ol man long ol intenesenol pilai olsem na kosa bilong Lae Bombers na Royals Paul Monama i makim em long holim wok kosa long dispela yia.

Monama i tok olsem Matmilo i wanpela save man

bilong ragbi na i gat planti ol teknik nambaut wantaim gutpela ekspiriens. Na dispela bai i ken givim strong long ol yangpela pilaia long pilai gut na kamap ol gutpela pilaia bilong Papua Niugini.

Monama i tok long las yia i no bin wanpela gutpela yia bilong Royals tasol em i bilip olsem dispela yia bai wanpela gutpela yia taim Matmilo i stap olsem kosa.

Long las yia, planti bilong ol Royals pilaia i no amamasim planti ol Lig opisals olsem na planti bilong ol i no kisim sans long pilai long Lae.



• Oi meri bilong Red Cros long Mosbi i karim ol flag bilong wanwan tim husat bal pilal long SP Inta Siti Cup resis. Dispela resis i stat long las wiken. Na long poto em long Lloyd Robson pilal graun long Mosbi bipo long nambawan pilal bal kamap namel long Mosbi Vipers na Rabaul Guria. Mosbi Vipers i win long 24-20.



• Winga bilong Magani Mark Lamur i traim long rausim wanpela pilala bilong DCA long las wiken Mosbi Winfield Lig resis. Tupela tim wantaim i pilal strong tasol Magani i strong moa na winim DCA long 82-18. Photo: Jack Ami.



• Peter Stelo i lukluk i stap na wanpilal bilong em Micheal Tolvita i kikim wanpela penelti kik. Stelo na Tolvita i save pilal long Paga Panthers tim long Mosbi Winfield Lig resis. Oi i pilal egen-sim Tarangau na Tarangau i strong moa na winim ol long 32-28.



• Oi pilala na opisals bilong Tarangau ragbi lig klab long Vanimo i amamas tru long kisim ol nupela jesi i kam long sponsa bilong ol Sofo Tama Treding. Long poto em ol sampela pilala na opisals wantaim bikman bilong Sofo Tama Treding.



• Pilala bilong Wallia i nogat rot long go nau. Oi pilala bilong West i banisim olgeta kona. West i king bilong Mosbi Winfield Lig resis olsem na em i winim Wallia long 42-24 long las wiken.



• Stelo na Tolvita i ran i kam insait long helpim wanpela tim mate bilong tupela husat i laik daunim wanpela Tarangau pilal. Tasol tu leit. Bal i go aut pinis. Tarangau i winim Paga.



**PORT MORESBY RUGBY FOOTBALL LEAGUE**  
Draws One/Four 1994

**Saturday 19-03-94**

Ground	Time	Grade	Team	Vs	Team
LRO	9.30am	Res	Defence	vs	Royals
LRO	11.00am	Res	Tarangau	vs	Hawks
LRO	12.30pm	A	Hawks	vs	Tarangau
LRO	2.00pm	A	Westis	vs	DCA
LRO	3.30pm	A	ANG	vs	Souths

**Sunday 19-03-94**

LRO	9.30am	Res	Defence	vs	Royals
LRO	11.00am	A	Kone	vs	Brother's
LRO	12.30pm	A	P/Puma	vs	Waliya
LRO	2.00pm	A	Paga	vs	Magani
LRO	3.30pm	A	Defence	vs	Royals
PRL	3.15pm	U/21	Defence	vs	Royals

**Saturday 12-03-94**

PRL II	9.00am	U/17	Westis	vs	DCA
PRL III	9.00am	U/17	Waliya	vs	Post Puma
PRL II	10.00am	U/17	Magani	vs	Paga
PRL III	10.00am	U/17	Brothers	vs	Kone
PRL II	11.00am	U/17	Tarangau	vs	Hawks
PRL III	11.00am	U/17	ANG	vs	Souths
PRL II	12.00noon	U/17	Defence	vs	Royals
PRL III	12.00noon	U/19	Westis	vs	Brothers
PRL II	1.00pm	U/19	Waliya	vs	Post Puma
PRL III	1.00pm	U/19	Magani	vs	Paga
PRL II	2.00pm	U/19	Brothers	vs	Kone
PRL III	2.00pm	U/19	Tarangau	vs	Hawks
PRL II	3.00pm	U/19	ANG	vs	Souths
PRL III	3.00pm	U/19	Defence	vs	Royals

**Sunday 20-03-94**

PRL II	9.00am	U/21	Westis	vs	DCA
PRL III	9.00am	U/21	Waliya	vs	Post Puma
PRL II	10.15am	U/21	Magani	vs	Paga
PRL III	10.15am	U/21	Brothers	vs	Kone
PRL II	11.30am	U/21	Tarangau	vs	Hawks
PRL III	11.30am	U/21	ANG	vs	Souths
PRL II	1.15pm	Res	Westis	vs	DCA
PRL III	1.15pm	Res	Waliya	vs	Post Puma
PRL III	2.45pm	Res	Magani	vs	Paga
PRL II	2.45pm	Res	Brothers	vs	Kone

**PORT MORESBY TOUCH RUGBY**  
Sunday, March 20, 1994

**Masters**  
1000 - Mixed

Business Systems	Fixture vs	Hyundai	Trophy
Mobil	vs	PA Ent	
BP	vs	Tigers	Plate
Sea Eagles	vs	Elcom	

**1045 - Women**

Harbours	vs	Hyundai	Trophy
Mobil	vs	PA Ent	
Business	vs	Tigers	Plate
Sea Eagles	vs	Elcom	

**1130 - Men**

Business Systems	vs	Steelers	Trophy
Sea Eagles	vs	PA Ent	
Harbours	vs	SFP	Plate
NIC	vs	Elcom	

**OPEN**

**1230 - Mixed**

Hyundai	vs	Steelers	Trophy
PA	- Bye		
Business Systems	vs	SPF	Plate
NIC	- Bye		

**1315 - Women**

Harbours	vs	Steelers	Trophy
PA Ent	vs	SNHS	
Hyundai	vs	SPF	Plate
NIC	- Bye		

**1400 - Men**

Business Systems	vs	PTC	Trophy
Mobil	vs	SNHS	
Harbours	vs	SPF	Plate
NIC	- Bye		

**LAE RUGBY LEAGUE CIG**  
PRE-SEASON COMPETITION  
ROUND 2: SUNDAY, MARCH 20, 994

Time	Grade	Matches
12.00pm	LJH United	vs BJ Holdings Tarangau
01.00pm	BHP Titan Brothers	vs BP Oil Defence
02.20pm	Royals	vs Lae Biscuit Spiders
03.30pm	Kumbin Morobe Tigers	vs CIG Panthers

**SYDNEY WINFIELD CUP**

**LAST WEEKEND'S RESULTS**

St George	24	Eastis	18
Norths	33	Balmain	22
Brisbane	16	Parramatta	16
Cronulla	24	Canberra	16
Penrith	18	Gold Coast	18
Newcastle	43	Souths	14
Westis	20	Illawarra	14
Canterbury	26	Manly	14

**POINTS LADDER**

Team	P	W	D	L	F	A	Pts
Newcastle	1	1	-	-	43	14	2
Norths	1	1	-	-	33	22	2
Cronulla	1	1	-	-	24	16	2
Westis	1	1	-	-	20	14	2
St George	1	1	-	-	24	18	2
Canterbury	1	1	-	-	26	20	2
Penrith	1	-	1	-	18	18	1
Gold Coast	1	-	1	-	18	18	1
Brisbane	1	-	1	-	16	16	1
Parramatta	1	-	1	-	16	16	1
Manly	1	-	1	-	20	26	0
Eastis	1	-	1	-	18	24	0
Illawarra	1	-	1	-	14	20	0
Balmain	1	-	1	-	22	33	0
Canberra	1	-	1	-	16	24	0
Souths	1	-	1	-	14	43	0

**THIS WEEKEND'S DRAW**

Gold Coast vs	Brisbane
Canberra vs	Souths
Norths vs	Eastis
St George vs	Penrith
Parramatta vs	Balmain
Newcastle vs	Westis
Illawarra vs	DCA
Canterbury vs	Cronulla

**HANUABOYS RUGBY TOUCH FOOTY ASSOCIATION**  
ROUND 1 - GAME 5

Time	Team	Referees
12.50pm	Seagulls vs	Drifters Mona Bemu
1.50pm	Erabai vs	Panthers John Christopher
2.50pm	Simaloks vs	Sharks Vaaieke Lohia
3.50pm	Eagles vs	Faggies Terry Miria
4.50pm	Varibies vs	Mao Roots John Kora

**POINTS LADDER AFTER GAME 4**

Teams	P	W	D	F	L	%	Pts
Erabai	4	4	-	-	-	92	8
Panthers	4	3	1	-	-	132	7
Maoroots	4	2	1	-	1	56	5
Sharks	4	2	1	-	1	52	5
Drifters	4	1	-	1	2	43	4
Faggies	4	2	-	-	2	43	4
Seagulls	4	1	1	-	2	24	3
Eagles	4	-	-	1	3	25	2
Simaloks	4	1	-	-	3	13	2
Varibies	4	-	-	-	4	5	0

• *Antap: Em ol Kalibobo Globetrotters tim bilong Madang. OI i sanap wantaim sponsa bilong ol em Marketing Menesa bilong James Barnes. Long Sait na daunbilo long laphan: Mosbi Winfield Lig resis long las wiken. Long salt em Waliya na West i mekim save i stap. Na long daunbilo em Paga na Tarangau.*

**Kiunga Rugby League**  
A-Grade Draws

Sunday March 20, 1994

Venue: Kiunga town oval

Time:	Grade:	Clubs
01.00pm	A	Royals vs United
02.30pm	A	Souths vs Tarangau
04.00pm	A	Magani vs Tigers

**Kiunga "A" Grade points table**  
Sunday March 13, 1994.

Club	P	W	D	L	Bye	FA	PTS
Souths	1	1	--	-	30	4	2
Brothers	1	1	--	-	25	12	2
United	1	1	--	-	26	16	2
Tigers	--	--	-	1	0	0	2
Tarangau	1	--	1	-	16	26	0
Royals	1	--	1	-	12	25	0
Magani	1	--	1	-	4	30	0

**Top try scorers**

Name	Club	Tries
Charlie Nago	Souths	3
Nelson Gamai	Brothers	2
Somono Maitona	Souths	2

**Top Goal kickers**

Name	Club	Goals
Jeff Jakis	United	3
Joe Aua	Tarangau	2
Mara Kubu	Brothers	2

**Top points scorers**

Name	Club	T	G	FG	PTS
Charlie Nago	Souths	3	-	-	12
Jeff Jakis	United	1	3	-	10
Nelson Gamai	Brothers	2	-	1	9
Somono Maitona	Souths	2	-	-	8
Mara Kubu	Brothers	1	2	-	8



•OI manmeri long Goroka i laik lukim pilal olsem na oi i mas go aritap long banis tu na lukiuk gut.



# Vanimo redi long Ista Wiken salens

**FELIX RAMRAM** i rattim

LONG Ista Wiken long Vanimo, bai ol ragbi lig sapota bai lukim 7 asait resis em Vanimo Ragbi Lig Asosiesen (VRFLA) bai putim kamap wantaim K1,000 sponsasip mani i kam long Garamut Enterprise long Vanimo.

Ol pilai bai kamap long wanpela dei tasol insait long ol 10 minit raun robin pilai. Bai i gat 5-pela pilai olgeta em ol tim bai pilai.

Insait long wanpela sotpela miting em ol eksekutif bilong VRFLA i holim wantaim sponsa Mista Daniel T'Jeung long narapela wik i go pinis we ol i bin tokorait long dispela pilai resis bai kamap.

Ol i tok olsem insait long dispela 5-pela pilai, tupela tim husat i winim planti poinis bai pilai long fainel na painim wina. Inap nau ol eksekutif bilong

VRFLA i no tokaut yet long dro bilong dispela Ista pilai.

Insait long dispela K1,000 sponsasip - K300 bai go long helpim wok bilong edministresen bilong ragbi long Sandaun na K700 bai go olsem prais mani long ol tim husat i pilai long dispela 7 asait resis.

Bihain long fainel, wina bai kisim K400, nambatu bai kisim K200 na nambatri K100. Na SP Holdings bai givim 6-pela katen Pepsi long ol pilaia na ol sapota long dring.

Presiden bilong VRFLA Mista Gordon Damwat i tok olsem Asosiesen bilong em i amamas long dispela sponsasip. Na ol bai traim long lukim olsem olgeta lain i sapotim ragbi i amamas long dispela dei.

Em i tenkim tu Garamut long luksave long hevi bilong asosiesen na helpim ol. Garamut i sponsaim narapela klab tu insait long Vanimo Lig. Klab ya em Hawks.

## Royals kapsait wansait long Madang lig

**PUALUS TALI**  
i rattim

ROYALS A gret tim long Madang i no bin gat strongpela tim long pilai long las wik Sande na Tarangau i nekim ol wansait long bikpela pilai long Sande apinun.

Ron Alberts pilai graun long Madang i paia taim Royals husat i sempion bilong Madang i laik pilai wantaim nupela tim Tarangau.

Planti bilong ol Royals pilaia i bin stap long Globetrotters tim na pilai long Lae taim ol manki Beon i mekim save long tim bilong ol i stap long asples. Royals i bin kisim ol planti junia manki i go pilai antap long A gret tasol ol i no nap long strong bilong ol Tarangau.

Long namba wan hap bilong pilai, tupela tim wantaim i kamapim strongpela pilai. Tasol i luk olsem planti ol junia manki i pret liklik long pilai na ol boi Tarangau i wokabout isi tasol antap long ol i go.

Tarangau i mekim gutpela pilai tru long nambawan hap wantaim ol gutpela bak ap na strongpela sapot na wanpela trai i kamap long nambawan hap yet.

Long namba tu hap i wankain tasol. Tarangau i kamapim ol strongpela ron long nambatu hap na wok long brukim banis bilong Royals. Royals tu i lukim ol liklik spes na putim ol liklik manki bilong ol i go insait long putim trai.

Ol sampela pilaia bilong Tarangau husat i bin pilai strong tru em Peter Wane na Eka.

## SOTPELA LIG...

□ **HAGEN, Westen Hailans:** BIHAIN tasol long resis bilong pri sisen i pinis, presiden bilong Hagen Ragbi Futbol Lig i risain long wok bilong em. Dispela nau i givim olgeta wok long han bilong Seketeri bilong Hagen Ragbi Futbol Lig, Ivan Kerowa long mekim ol samting.

Ol ripot i tok dispela i mekim Kerowa i kamap olsem interim presiden. Na long Tunde apinun, em i bin holim wanpela kibung bilong makim ol nupela esksekutiv bilong dispela lig.

Long wankain taim, pri sisen bilong Hagen lig i bin stat long Sarere, 5 Mas na pinis long las wiken. Ol pilai bilong pri sisen i bin kamap long tupela wiken long Sarere na Sande wantaim.

□ **TABUBIL, Westen:** NO GAT pilai bilong Tabubil Ragbi Futbol Lig i bin kamap long las wiken long wanem olgeta pilaia i no givim yet ol ripot bilong ol dokta.

Na sapos olgeta dispela samting i kamap long dispela wik, ol namba wan pilai bilong Tabubil bai kamap long Sarere. Sapos nogat, em bai stap olsem yet.

Ol ripot i tok presiden bilong lig, Yapsie Tvengkofa wantaim ol lain eksekutiv bilong em i no laik holim ol pilai nating taim olgeta samting i no stret yet.

Maski em i wanpela liklik ragbi lig senta long Papua Niugini, Tabubil Ragbi Futbol Lig i bin kamap na wok inap long 10-pela yia nau. Na wantaim gutpela sapot bilong Ok Tedi Maining kampani na ol arapela liklik kampani long hap, wok bilong ragbi lig i kamap gut tru na i wok long go het yet.

□ **BANZ, Westen Hailans:** OLGETA pilai bilong pri sisen resis i bin kamap long las wiken. I gat 9-pela klap i resis long tripela divisen. Em long A gret, A risev na Anda 19 divisen.

Neks wiken bai em las wiken bilong ol pri sisen resis. Bihain long dispela, ol bai sut stret i go insait long ol pilai bilong sisen propa.

Ol klap husat i gat ol tim i resis nau em Brothers, Magani, Hawks, Nondugl Jets, Wests, Tarangau, Raiders, Mondo Royals, na K & K United.

Ol ripot i tok olsem long nau yet, Banz Ragbi Futbol Lig i no gat bikpela prais bilong ol tim long resis na winim insait long pri sisen pilai.

Tasol long wankain taim, Banz ragbi lig i amamas tru bikos ol liklik stua na kopi plantesin long hap i givim gutpela sapot long ol ragbi lig klap. Olsem na dispela i soim olsem ragbi lig resis bilong dispela yia bai kamap gut tru.



• Bos bilong Garamut Enterprise kampani long Vanimo, Mista Daniel i sekan long presiden bilong Vanimo Ragbi Futbol Lig, Gordon Damwat. Garamut bai givim sponsa long 7-Asait resis long hap inap long K1,000.

# Paia bilong Banz stap yet

**JAMES SAKUL** i rattim

HUSAT i tok Ragbi Lig long Banz i dai pinis bihain long tupela yia pilai i no kamap? Tasol long taim bilong kik op long las wiken, samting olsem 4000 man, meri na pikinini i kamap long sapotim tim bilong ol.

Na long taim ol sapota i go bek long haus bilong ol, planti nek bilong ol i pas, lek i pen long kalap kalap na sapotim tim bilong ol.

Long dispela taim tu Nesenel memba bilong Not Waghi Imbal Aipe i bin go raun na lukim pilai na em i amamas nogut tru long lukim planti man na meri i

kamap long lukim pilai. Olgeta klab insait long Banz Lig resis i makim olgeta eria bilong memba ya olsem na em i amamas long lukim olgeta pipel bilong em i bung long sait bilong pilai ragbi. Na tu em i amamas tru long ol dispela lain haus i kirap i bek ragbi lig long Banz.

Long mein gem bilong Sande apinun, tupela olpela tim Royals na United i brukim bun long pilai. Na long kik op i inap long pinis bilong pilai, ol sapota i sanap tasol na kalap wantaim. Kepten na papa

bilong United Gop Taiya, Pes Diria, Tanzi Mol, Billy Ngundumb, Alex na yanpela K.Du i kamapim strongpela pilai tru long tim bilong ol United.

Wankain samting tu olsem long Royals. Kepten Chris Nants, Frank Kaman, Eddie Kool Timothy Ginga na Bobby Markus i wokim paia i lait long hapsait na skoa i sanap olsem Royals 14 na United 12 long hap taim.

Long nambatu hap bilong pilai ol pilaia bilong Royals Eddie Kool, Michael Wapis na Timothy Ginga i kamapim gutpela pilai na bringim skoa bilong Royals i go antap long 22 poinis. Tasol ol United tu i wokim

wankain long hapsait na bringim skoa bilong ol i go antap tu. Long pinis bilong pilai, tupela tim wantaim i dro long 22-22.

Long bikpela pilai long Sarere, biknem tim bilong Banz A-7 Brothers i wilwilim tru Waghi Mek Hawks long 40-4.

Ol biknem pilaia olsem kepten Philip Aba, Thomas Tumbo, Paul Wan na John Eban i kisim gutpela sapot pilai i kam long ol yangpela em Joe Gelu, Kevin Noah na John Buk long daunim ol Hawks. Hawks i nogat wanpela sans olgeta na Brothers i mekim save long ol.

# Vanimo redi long sisen propa

FAINAL bilong pri sisen ragbi lig long Vanimo i kamap gut. Tasol sampela pilaia i laik toktok nabaut long disisen bilong referi na em i salim ol i go ausait. Dispela em long pilai namel long Royals na Garamut Hawks.

Ol Royals husat em liklik brata bilong Kumul hapbek Aquila Emil, Albert i go pas long ol na i pilai long senta i wilwilim ol Hawks, 26-4. Royals i pinis bihain tasol long Tarangau husat i winim dispela pri sisen wantaim 10 poinis.

Albert Emil wantaim faiv et kepten Bob Kongo, fowat Thomas Kwentaky na Raphael Kripakia i pilai strong tru na rausim trausis bilong ol Hawks long hap taim yet long 16-0.

Bihain tasol long nambatu hap Royals i putim wanpela moa trai. Hawks i kam bihain olgeta na klostu long pilai i pinis i putim wanpela trai tasol. Kik bilong ol i no go gut na Royals i winim dispela pilai.

Long nambawan pilai long dispela dei. Brothers i kamapim strongpela pilai tru na holim ol pri sisen wina

Tarangau long 8-8 long nambawan hap. Tasol long nambatu hap, pilai i tanim gen na Tarangau i soim olsem ol i strong tru na winim Brothers long 34-20. Brothers i lus long wanem ol i no holim gut bal na pasim igo kam.

Long narapela gutpela pilai i stap namel long Tigers na Sea Eagles, Tigers i bin pilai hat tru long nambawan hap na putim tupela trai. Tasol long nambatu hap Tigers i no nap long mekim wankain gen. Sea Eagles i strong long nambatu hap na wilwilim ol Tigers long 34-16.

Long dispela wik Sande sisen propa bai stat. Tarangau bai pilai wantaim Royals, Tigers bai pilai wantaim Brothers na Sea Eagles bai traim bun wantaim Hawks.

Royals i no wari olsem ol i lus long pri sisen pilai. Ol bai pilai strong tru long traim na winim ol Tarangau long bikpela pilai bilong dispela wiken.

Tasol Tigers i noken ting olsem ol Brothers i no wanpela strongpela tim bilong pilai. Nogut bai Brothers i rausim trausis bilong ol long taim ol i pilai.



•Wanpela tim husat i save pilai long Makeo Volibal resis i so op long tropi ol i winim long gren fainel long las wik. Dispela em long Makeo volibal resis long Mosbi.



•Kila Togina husat i save bosim nambawan bes bilong Royals i redi na long holim bal. Na sanap long fran em asisiten kosa bilong Wantoks Albert Ewald. Wantoks i winim dispela pilal 7-4. Photo: Jack Ami.



•Pitsa bilong Royals Adie Koivi i redi tasol long paitim bal. Em i no paitim bal strong na Wantok i nekim ol 7-4 long Mosbi Sofbal resis. Photo: Jack Ami



•Long las wik, das i kirap long Sir John Galus stadlum long Mosbi talm Telekom Ragbi Yunien sevans i kamap. Pilal i stap namel long Daru na Goroka. Photo: Joe Ivaharia



• Wanpela pilaia bilong Brown Eagles i taitim bun stret long paitim bal. Tasol tim bilong em i no strong na Manolos i winim ol long gren fainel. Dispela em long Mosbi Sofbal resis bilong ol A gret man. Photo: John Rei



•Sir John Galus stedlum long Mosbi i save pala olgeta Sarere. Bilong wanem ol skul pikinini i save pilal soka resis bilong ol long hap. Dispela em skul bols soka resis. Photo: John Rei

PORT MORESBY WOMEN'S SOFTBALL GRAND FINAL DRAW (Sat, 19/03/1994)

Table with columns: Time, Teams, Div. Rows include PNGBC vs C/Tigers C, Royals vs NGI, Karanas vs Chebu, Malangan vs Wantoks.

\* Presentation after the matches.

MT HAGEN SOFTBALL ASSOCIATION GRAND FINAL DRAW SUNDAY MARCH 20, 1994.

Table with columns: Time, Women's Teams, Men's Teams, Fixture, Unicats. Rows include NGI vs Unicats, Elcom vs Unicats.

LAE WOMEN'S SOFTBALL ASSOCIATION GRAND FINAL DRAW SATURDAY, MARCH 19, 1994 VENUE: LAE SHOWGROUND

Table with columns: Time, Fixtures, Division. Rows include Bismark vs Elcees, Bismark vs Malangan, Coronation vs Defenca, Bismark vs Malangan.

\* Gate fees: Adults K2.00 Children K0.50t

MADANG AMATEUR VOLLEYBALL ASSOCIATION

Table with columns: Date: 19/03/94 - Court 1, Mens: Madang Technical College, Time, Teams. Rows include Bilbil vs Bomers, Amele vs Works, Pub-City vs Guntag, Mateco vs Kalibobo, Diwai vs Wills, Bonza vs Natives.

Table with columns: Court 2 Men's, Time, Teams. Rows include Kusbau vs DCA, Rivo vs BVC, Bargam vs Salico, Watnoks vs Hubal, MTC vs Behir.

Table with columns: Court 3 Women's, Time, Teams. Rows include Guntag vs DCA, Amele vs Pub City, Kalibobo vs Diwai, Rivo vs Kusbau, MTC vs Bilbil, Works vs Wills, Bargam vs Wantoks.

PORT MORESBY KAIMARE BASKETBALL ASSOCIATION DRAW VENUE: SIR HUBERT MURRAY STADIUM SATURDAY, MARCH 19, 1994.

\* MENS "B" GRADE

Table with columns: Time, Teams. Rows include Oroko v Okm, Cousins vs Haimai, Doremai vs Delta, Auagaus vs Peikuku.

\* WOMENS "B" GRADE

Table with columns: Time, Teams. Rows include Auagaus vs Piekuku, Doremai vs Delata, Cousins vs Haimai, Oroko vs Okm.

\* MENS "A" GRADE

Table with columns: Time, Teams. Rows include Oroko vs Okm, Cousins vs Haimai, Doremai vs Delta, Auagaus vs Peikuku.

\* WOMENS "A" GRADE

Table with columns: Time, Teams. Rows include Auagaus vs Piekuku, Doremai vs Delta, Cousins vs Haimai, Oroko vs Okm.

GEREHU NETBALL COMPETITION Grand Final Draws

Table with columns: Sun 20/03/94, Time, Teams. Rows include Raiders vs Tigers, Saints vs Crusaders, B Grade Grand Final - Panthers vs Broncos, A Grade Grand Final - Panthers vs Magani.

PUBLIC SERVANTS VOLLEYBALL ASSOCIATION Grand Final

Venue: Sir John Guise Indoor Stadium

Table with columns: 19/03/94, Match, Time, Teams, Div, Ref. Rows include Education vs Health, NCDC vs Elcom, PTC vs DEC, UPNG vs Fire.

Note: Presentation Night for the Public Servants Volleyball on 25/04/94

PORT MORESBY WOMENS SOFTBALL ASSOCIATION INC. 1993/94 GRAND FINAL DATE: 19/3/94

Table with columns: Time, Diamond One Vs, Grade, Umpire. Rows include PNGBC Achiever vs City Tibers, R/Q Royals vs NGI, Chebu vs Isuzu Karanas, Globe Malangan vs Shell Wantoks.

LAE MENS SOFTBALL ASSOCIATION GRAND FINAL DRAW VENUE: LAE SHOWGROUND SUNDAY, MARCH 20, 1994

Table with columns: Time, Teams, Division. Rows include YMCA vs Eagles, Air Niugini vs Karanas, B/Eagles vs Aviat.

\* The 1.00 pm match is the women's division 2 grand final. \* Gate fees: Adults K2.00 Children K0.50t

PORT MORESBY SCHOOLS SOCCER ASSOCIATION - 1994 Season Venue: Sir John Guise Stadium Date: Saturday, 19/03/94

Table with columns: Round 1 - Under 7's, Time, Team, Oval, Match No. Rows include Ela Beach vs Pom Int, Gordon Int vs St Josephs, Korobosea A vs Murray A, Korobosea B vs Murray B.

Table with columns: Under 8's, Time, Team, Oval, Match No. Rows include Ela Beach vs Gordon Int, St Josephs vs T.B.A., Korobosea A vs Murray Int, Korobosea B vs Pom Int.

Table with columns: Under 9's, Time, Team, Oval, Match No. Rows include Murray B vs Murray A, Murray C vs St Peter Chanel, Korobosea A vs Gordon Int, Murray B vs St Peter Chanel, Murray C vs St Josephs, Ela Beach vs Pom Int, Korobosea B vs St Josephs.

Table with columns: Under 10's, Time, Team, Oval, Match No. Rows include Ela Beach A vs St Josephs A, Ela Beach B vs St Josephs B, Korobosea vs Murray Int, Moitaka WL vs Pon Int.

Table with columns: Under 11's, Time, Team, Oval, Match No. Rows include Diharoa Com vs Korobosea A, Moitaka WL vs St Josephs, Diharoa Com vs St Josephs, Moitaka WL vs Pom Int, Gerahu Com vs Korobosea B, Murray Int vs Pom Int, Bomona P.C vs Gordon Int.

Table with columns: Under 12's, Time, Team, Oval, Match No. Rows include Diharoa Com vs Bavaroko, Ela Beach Int vs St Pauls A, Gerahu Com vs Kila Kila Com, Gordon Int vs Korobosea Int.

Table with columns: Under 12B's, Time, Team, Oval, Match No. Rows include St Josephs vs St Peter Chanel, Holy Rosary vs Sacred Heart, St Therese B vs St Francis, St Pauls B vs Bavaroko B.

Table with columns: Under 13A's, Time, Team, Oval, Match No. Rows include Bomona PC vs Moitaka WL, Diharoa Com vs Murray Int, Gerahu Com vs Gordon Sec, Gordon Int vs Korobosea.

Table with columns: Under 13B's, Time, Team, Oval, Match No. Rows include Pom Int vs St Francis, St Therese's vs Bavaroko, St Josephs vs St Pauls, T.B.B. vs St Peter Chanel.

Table with columns: Under 14's, Time, Team, Oval, Match No. Rows include St Therese vs Sacred Heart, Diharoa Com vs De La Salle, Don Bosco vs H/Rosary, Kila Kila vs St Francis.

Table with columns: Under 15's, Time, Team, Oval, Match No. Rows include Bomona PC vs Pom Int, De La Salle A vs T.B.A., De La Salle B vs Gordon Sec, Don Bosco vs Hohola Youth.

Table with columns: Under 16/17's, Time, Team, Oval, Match No. Rows include De La Salle A vs Laloki, De La Salle B vs Maino Heduru, De La Salle C vs Don Bosco B, Don Bosco A vs Hohola Youth.

PORT MORESBY 7 ASIDE COMPETITION DRAW

Saturday March 19, 1994.

Table with columns: Time, Pool 1 Men/Women, Ground 1. Rows include Waliya vs Uni, Guria vs Maset, Wanzesi vs B/Kumuls, Defenca vs Uni, Maset vs STC, Defenca vs STC, Batsielsem vs Uni, Batsielsem vs STC, Uni vs Golo, Uni vs Maset, Uni vs Bye, Defenca vs STC, Batsielsem vs Golo.

Sunday March 20, 1994.

Table with columns: Time, Pool 1 Men/Women, Ground 1. Rows include Batsielsem vs Uni, Defenca vs Golo, Sunam vs Waliya, Uni vs Defenca, Batsielsem vs STC, Golo vs Maset, Sunam vs Bye, Cyclone vs Waliya.

Saturday March 19, 1994.

Table with columns: Time, Pool 2 Men/Women, Ground 2. Rows include Moukasi vs Babaka, Hoods vs Cloudy Bay, Batu Bros vs Wanzesi, Moukasi vs Babaka, Hoods vs Murat, Cloudy Bay vs Guria, Batu Bros vs GFC, Wanzesi vs Koupa, Moukasi vs Babaka, Cloudy Bay vs Guria, Wanzesi vs Koupa, Moukasi vs Hoods, Cloudy Bay vs Babaka, Wanzesi vs Guria.

Sunday March 20, 1994.

Table with columns: Time, Pool 2 Men/Women, Ground 2. Rows include Koupa vs GFC, Moukasi vs Cloudy Bay, Batu Bros vs Hoods, Wanzesi vs Babaka, Koupa vs Murat, GFC vs Guria, Moukasi vs Batu Bros, Wanzesi vs Cloudy Bay, Koupa vs Hoods, GFC vs Babaka, Murat vs Guria.

Saturday March 19, 1994.

Table with columns: Time, Pool 3 Men/Women, Ground 3. Rows include Togelu vs PS Roots, Gerahu Shell vs Sobou, Tarangau vs togelu, Waliya vs Moukasi, LSC vs Defenca, Rapatona vs PS Roots, Sobou vs Sunam, PTC vs Kula, Togelu vs Keweh, Tarangau vs Waliya, LSC vs Togelu, Gerahu Shell vs PS Roots, Sobou vs Moukasi, PTC vs Defenca, Kula vs Sunam, Tarangau vs Bye, PTC vs Togelu, Sunam vs Defenca.

Sunday March 20, 1994.

Table with columns: Time, Pool 3 Men/Women, Ground 3. Rows include Tarangau vs LSC, Sobou vs Waliya, Kula vs Moukasi, Rapatona vs Togelu, Tarangau vs Sobou, PTC vs LSC, Kula vs Waliya, Tarangau vs Keweh, Sunam vs Togelu, Defenca vs Moukasi, Gerahu Shell vs Togelu, Tarangau vs PTC, Kula vs Sobou, Sunam vs LSC, Defenca vs Waliya, Togelu vs Moukasi, PS Roots vs Sobou.

Saturday March 19, 1994.

Table with columns: Time, Pool 4 Men/Women, Ground 4. Rows include Gela Utd vs M/Rangers, Wespac vs Nassemo, Morobe Utd vs Masters, B/Kumuls vs K/Andra, Wespac vs Gela Utd, Morobe Utd vs M/Rangers, B/Kumuls vs Nassemo, K/Andra vs Masters, Morobe Utd vs Wespac, B/Kumuls vs Gela Utd, K/Andra vs M/Rangers, Masters vs Nassemo.

Sunday March 20, 1994.

Table with columns: Time, Pool 4 Men/Women, Ground 4. Rows include B/Kumuls vs Wespac, K/Andra vs Masters, Nassemo vs M/Bouga, B/Kumuls vs Gela Utd, K/Andra vs Morobe Utd, Masters vs Wespac, M/Rangers vs Gela Utd, Nassemo vs Bye.

# Sponsa laik lukim moa taim go long pilai

**RODNEY KAMUS**  
I raitim

WANPELA kampani  
husat i givim spon-

sasip iong Royals  
Ragbi Lig klab bilong  
Mosbi i laikim olsem  
olgeta pilala bilong ol  
klab i mas gat strong-  
pela tingting na

komitim ol yet long  
pilal ragbi. Na tu ol  
pilal i mas harim tok-  
tok bilong ol kosa na  
wokbung wantaim ol.  
Lae Bisket Kampani

husat i kamap olsem  
namba wan sponsa  
bilong Royals Mosbi i  
bin givim K25,125.00  
olgeta long spon-  
sarim Royals Ragbi

Lig klab long dispela  
yla.  
Olsem na wanem  
samting kampani i  
laik lukim em ol pilal i  
no ken amamas tasol

long kism ol sam-  
ting. Ol i mas putim  
moa taim bilong ol i  
go insalt long pilal  
ragbi.

Marketing Menesa  
bilong Lae Bisket  
Kampani husat i kam  
long Mosbi long  
givim dispela spon-  
sasip i mekim dispela  
toktok taim em i  
givim aut ol samting i  
go long ol pilal bilong  
Royals long las wik  
Fraide.


Ol samting i stap  
insalt long dispela  
sponsasip em ol Jesi  
bilong olgeta tim  
bilong Royals, stat  
long junia i go antap  
olgeta long A Gret,  
Afillesen fi bilong  
olgeta divisen, ol  
bal, T Shirt, Medikel  
set, ol samting bilong  
bildim bodi.

Lae Bisket i rejister-

im tu ol tim dokta,  
trena na kosa na  
rejisterim tu olgeta  
pilal bilong A gret.

Presiden bilong  
Royals Ragbi Lig  
klab Robert Khango i  
tok bikpela amamas  
tru i go long Lae  
Bisket kampani long  
givim ol sapot long  
dispela yla. Na ol i  
gat strongpela bilip  
olsem ol i no nap  
putim tim bilong ol i  
go daun.

Royals Ragbi Lig  
klab i kism ol manki  
long Morata na  
Soger i Nesene i  
halskul long pilal  
long ol junia divisen  
bilong ol, ol manki  
long Konedobu na  
Lawes rot long pilal  
long Rise f gret  
bilong ol, na ol plis-  
man yet long pilal  
long A gret bilong ol.



**RABAUL SOFTBALL ASSOCIATION DRAW**  
SATURDAY, MARCH 19, 1994

Time:	Teams:	Division	Diamond
12.00	BP vs Elcom	WB	3
12.00	NSC vs Malagan	WA	4
01.30	PTC vs MSC	WB	3
01.30	Elcom vs Raiders	WA	4
03.00	B/Eagles vs PTC	WA	4
SUNDAY, MARCH 20, 1994			
10.30	Raiders vs Malagan	MB	1
12.00	NSC vs B/Pythons	MB	1
01.30	NSC vs Malagan	MA	1
03.00	Raiders vs B/Pythons	MA	1

\* Hawks men and Women's team on bye.

• *Antap:* Ol pilala bilong Royal i amamas tasol na soim ol nupela jesi bilong ol wanatim ol Lae Bisket long taim ol i kism sponsasip bilong ol. Long fran em Marketing Menesa bilong Lae Bisket Joe Man sekanim Presiden bilong Royal Lig Klab bilong Mosbi wantaim sek mani. *Long Sait:* Pitsa bilong Brown Eagles i taitim bun stret long salim wanpela bal i go. Brown Eagles i no strong na Manolos i nekim ol long fainel bilong Mosbi Sofbal resis bilong ol man long A gret. *Daunbilo long lephan:* Em wanpela pilala bilong Manolos i laik paltim bal tasol bal i kam daunbilo tumas. Em i mas kalap. Nogut em bal kism taim long lek bilong em. *Raitan:* Ol pilala bilong Brown Eagles i paitim han taim wanpela bilong ol i kam kamap long hom bes na kism wanpela poin bilong ol. Tasol ol i paitim han nating. Manolos i nekim ol na kism taitel olsem king bilong





**YU MAS APIM OLSEM...** Ol sampela ol kosa bilong weiltlifting i bin kamap long Mosbi long las wik na stap insait long wanpela liklik semina bilong lainim ol kainkain stail bilong apim ol hevipela ain. Wanpela save man bilong weiltlifting Mista Cameron Menhenice i bin kamap long lainim ol kosa ya. Ol kosa ya i kam long Lae, Rabaul, Goroka na Mosbi yet. Menhenice i lainim ol long ol kainkain teknik bilong apim ol bikpela ain na tu sampela kain trik bilong paulim ol refri bilong weiltlifting. Semina ya i bin pinis long las wik Fraide.




# Nu Briten welpam soka kirap nau long wiken

NU Briten Wel Pam Soka (NBPOD) resis bai statim sisen propa bilong em long dispela wik Sande. Na i gat 12-pela tim olgeta bai pilai long dispela resis.

long wanem kain rot bai helpim ol long lukautim ol pilai na olgeta samting bai ron stret tasol. Planti bilong ol refri ya i gat setifiket long bosim ol pilai.

I gat 4-pela tim long primia divisen, 4-pela long B gret na 4-pela tim bilong ol meri bai pilai. Pilai bilong ol meri bai stat bihain liklik sapos ol samting i orait.

Olsem na olgat samting bai redi tasol long dispela wik Sande taim ol 12-pela tim ya bai redi tasol long brukim bun, NBPOD i bilip olsem long dispela ya, ol bai i gat wanpela gutpela soka sisen em ol i no bin gat long planti ya. Ol i askim tu ol tim husat bai pilai long traun na apim stended bilong pilai long villes level.



**Ples i bagarap...**Dispela kain bagarap (poto antap) i bin kamap long gren fainal pilai bilong ol man long Mosbi sofbal las wiken. Hia dispela man long bes i laik tasim rana husat i kam sua pinis. Long lephan kona, pilai namel long Pot Mosbi Vipers na Rabaul Guria long namba wan pilai bilong Inta Siti resis. Vipers i bin winim pilai, 24-20...

# PSSA givim sil bilong tingim brata

NESENEL Kepitel Distrik Pablik Sevans Soka Asosiesen i makim wanpela soka sil long nem bilong wanpela pilai bilong husat i dai em Leit Daniel kipalas.

Ol man i bin kilim Daniel long moning taim tru long Sarere Februari 19, 1994 long Gerehu. Daniel em i wanpela strongpela pilai tru husat i bin pilai long Edukesen Dipatmen, Personal Menesmen na Fainens bipo long dai bilong em. Em i wanpela ful memba bilong Kurti-Andra primia tim husat i bin winim 1992 primia sil bilong Mosbi Soka resis. Na tu taim Daniel i save go long ples long Manus, em i save pilai long lokel soka long Aparas Sports Asosiesen na apim nem bilong soka tu. Daniel em bilong

Andra Ailen long Manus. Na planti ol mangi Andra i save mekim nem bilong ol yet long pilai soka. Na Daniel i wanpela bilong ol stail soka mangi. Na narapela bilong ol mangi Andra Andrew Marapau em bilong Difens Klub long Mosbi.

Aparas Sports Asosiesen em ol i staim long wanpela ya i go pinks. Asosiesen ya i rejista long Manus Sports Federesen na Asosiesen ya i gat 5-pela tim bilong ol man na tripela tim bilong ol meri long pilai soka.

Bilong wanem na ol i statim dispela Asosiesen em planti taim nogat wanpela pilai bilong Andra ol i save selectim long makim Manus.

Dispela memoriel sil bai i go long Aparas Sports Asosiesen

bilong wanem dispela pilai Kipalas em wanpela man husat i save apim nem bilong soka stret. Dispela em long kirapim gutpela pilai long villes level.


NCD PSSA bai mekim wankain pasin long husat pablik sevan i gat tingting long kirapim spots gut insait long lokel eria bilong em. NCD PSSA i laikim olsem Aparas Sports Asosiesen i mas mekim ol kainkain pilai i kamap namel long ol pipel long ol alan bilong Manus.

Sil ya bai stap inap long olgeta sta i stap antap long em i pulap na bai stap olgeta wantaim wanem tim husat i winim las tru. Wanem kain we ol bai pilai long en em laik bilong Aparas Asosiesen yet.



• Ol dispela lain yangpela ya i redi tasol long bomim bikpela soka resis bilong skulbois soka asosiesen long dispela wiken. Lukaut, nogut ol bai bagarapim gen sampela sindaun.

# WANTOK SPOTS



## Ol olupela Kumul gat namba yet

### SAPE METTA i raitim

SAMPELA olupela pilaia bilong Kumul husat i bin pilai long taim Lahanis i pilai wantaim Kundiawa Warriors i soim olsem ol i gat sans long go insait gen long Kumul.

Ol pilaia olsem Bal Numapo na Nere Launa bilong Warriors na John Unagi, Tuiyo Evei, Paul Kela na Yerr Bom bilong Lahanis i soim ol kain stail ol i gat na palnti manmeri i lukluk long ol.

Ol pilai ya i pilai gut tru long helpim tim bilong ol na givim gutpela sapot long ol yet.

Wanem tingting Lahanis i gat nau bhain long em i winim Warriors em long rausim trausis bilong Madang Kalibobo Globetrotters long dispela wik Sande taim ol i pilai long Madang. Lahanis bai putim ol seim pilaia husat i bin winim Warriors na dispela taim ol i gat bikipela plen long bagarapim sindaun bilong ol Kalibobo Globetrotters stret.

Sempion tim ya bilong Nokondi kantri i nogat wanpela tingting moa tasol long mekim ol Globetrotters i sindaun silip wantaim wari long asples bilong ol yet.

Ol manki Nokondi ya i gat gutpela baklain bilong ol. Kepten Buko bai

stap fulbek, Faiv eit Agi Tete, ol sentas Paul Gela na Martin Abori wantaim tupela winga Ivan Mosoka na Oscar Zugu bai kamapim wanpela strongpela beklain tru na spit bilong ol bai narakain stret.

Long fowat lain em Tuiyo Evei yet bai was wantaim John Unagi, John Markham, Atu Isoi, Chris Sari na Gabriel Joppa. Yerr Bom, Andrew Mao, Fatty Buka na Uti Divilake na stap long risef. Tasol sapos sampela bagarap i kam, dispela ol pilaia i save gut tru long pilai na nogat samt-ing bai stopim ol long pilai.

Kosa bilong Lahanis Leva Tete i tok olsem wanem tim husat i kam pilai wantaim Lahanis bai kisim taim stret taim ol i pilim pawa na strong bilong Lahanis.

Tete i tok em i gat wanpela gutpela sait tru na tingting bilong ol nau em long holim bek dispela cup long dispela yia.

Kosa Teta i tok ol i kilim ol Warriors nogut tru na Madang Kalibobo Globetrotters bai kisim bikipela taim stret long asples bilong ol yet.

"Ol i ken amamas olsem ol i pilai long asples bilong ol yet, tasol mi gat pawa bilong 13-pela man na mipela bai bagarapim sindaun bilong ol long as graun bilong ol yet," Tete i tok.



**Hohola flai i go...Ol bol bilong Hohola Files i amamas tru na apim prais bilong ol i go antap. Ol i bin resis long Pepsi Op Sisen ragbi lig resis long Mosbi na winim taitel bilong dispela yia. Pepsi sofdring kampani i bin sponsaim dispela resis. Lukim stori insait long Ragbi Lig Njus.**

## Ol bai makim ol nesenel soka kosa long Sarere

### JAMES KILA i raitim

NESENEL Soka Kosing Kaunsil bai bung tumora long toktok long makim husat man bai i kamap olsem nesenel kosa bilong ol man, nesenel kosa bilong ol meri na nesenel kosa bilong ol yut.

Long Sarere ol bikman bilong Papua Niugini Futbol Asosasin (PNGFA) bai bung long endosim o makim stret dispela man ol i ting em bai kamap kosa bilong ol PNG soka tim.

Siaman bilong PNG soka kosa kaunsel Edris Kumbuwah i tokim Wantok Niuspepa olsem 8-pela man i bin aplai long ol dispela posisen taim ol i advataisim long niuspela long stat bilong dispela yia.

Ol man husat i aplai long posisen bilong sinia man kosa em,

Augustine Tom (Goroka), Kisakiu Posman (Mosbi), Ludwig Peka (Morobe Kantri), Aaron Mungalion (Lae) na Allan Joseph (Rabaul).

Sampela bilong ol dispela lain man i bin aplai tu long kosim ol meri na junia yut soka.

Ol man husat i aplai long kosim nesenel tim bilong ol meri em, Elai Tia (Mosbi), Kisakiu Posman (Mosbi), Augustine Tom (Goroka), Noel Vaia (Mosbi) na Joseph M. Saleu (Mosbi).

Ol lain husat i aplai long nesenel yut soka kosa em, Scott Vavine (Mosbi), Aaron Mungalion (Lae), Augustine Tom (Goroka), Allan Joseph (Rabaul) na Ludwig Peka (Morobe Kantri).

Presiden bilong PNGFA Peter Mommers i tokim Wantok Niuspepa olsem dispela posisen bilong nesenel yut kosa em i

bilong Ludwig Peka. Tasol Kumbuwah i tok olsem Peka i bin aplai long ol narapela sinia posisen olsem na dispela posisen bilong en i stap hangamap tasol.

Kumbuwah i tok tu olsem em i laik bilong Peka tasol sapos em i laik sanap yet olsem nesenel yut kosa o nogat.

Peka i tokim Wantok Niuspepa olsem em i harim tok-win tasol olsem ol i makim em olsem nesenel yut kosa. Tasol em i tok olsem tok orait tru bai kamap long Sarere.

Ol lain husat bai makim ol nesenel kosa bai kam yet long nesenel soka kosa kaunsil. Bai i gat sampela bilong ol man husat i bin aplai long wok olsem kosa tu bai i stap long dispela grup. Ol tu i ken vot long ol yet. tasol ol lain long grup i ken askim long lusim miting sapos grup i toktok long sampela narapela samting.

Ol wei bilong makim ol nesenel kosa em, olsem ol man husat i gat level wan kosa setifiket na man husat i memba bilong PNG soka kosing kaunsil. Ol man ya tu i mas gat save long wok bilong lukautim wok bilong soka.

Kumbuwah i tok man husat ol i makim em olsem kosa yet bai makim wanem main

em i ting i ken helpim em olsem asisten kosa. Dispela man kosa i makim i mas tok orait. Sapos nogat bai i gat narapela vot gen.

Bikipela wok bilong sinia nesenel kosa bilong ol man em i bilong redim wanpela tim long go pilai long Melanesia Kap long Honiara, Solomon Ailan na tu long redim wanpela strongpela tim

bilong PNG long go pilai long Saut Pasifik Gem long Tahiti long 1995.

Wok bilong man husat ol i makim em olsem kosa bilong ol meri bai redim wanpela PNG tim long pilai long Osenia Wol Kap kwalfain tonamen we bai i kamap long Mosbi long mun Ogas. Ol tim bilong ol meri long

Australia, Nu Silan, Fiji, Tahiti, na ol narapela Pasifik ailan bai i kam.

Kosa ol i makim olsem nesenel yut kosa bai redim wanpela anda 20 tim husat bai i go pilai long Fiji long mun Septemba na tu long redim wanpela anda 17 tim husat bai i go pilai long Nu Silan long mun Januери 1995.

### INSAIT

• Inta Siti Ragbi Lig...8 pes

• PSSA givim soka sil...p39

• Wiken spot dro/poto...pes 36 & pes 37

OLKAIN SPOT STORI...insait

MI NOGUT,  
OZ?

# SPARKY MAIK

JEK OF  
OL TRED!

KONMAN!  
KUSAI MAN!  
PAUL MAN!

BIA PES!

MAIK I LAIK SALENS WAN-  
TAIM OL PROTEST MAN !!!

DAREAA SIBONAA!!  
PIES BILONG OL NA OL BIK-  
HET! BAI MI BRUKIM WANFELA  
TIT BILONG OL!!

LOOK!!  
HE LOOKS  
LAIK A  
WALD  
ANIMOL!!

TASOL POLISMAN I PASIM  
EM!!!

ISI, ISI, OLD MAN!  
NO TRABOL HIA!

KLIA LONG  
ROT! G\*!!  
KLIA!!

HA! HA!  
HA! DATS  
NEWS!

EM BELHAT WANTAIM NA  
GO INSAIT LONG HOTEL!!!

SORE!! POLIS  
MAN I STAP NA  
YU LAKI STRET!

KOOL MAN!  
TEIK IT ISI!

LONG P.N.G MERI BILONG EM  
LUKIM NEWS LONG EM-TV..

EM-TV NEWS..  
STET VISIT BILONG P.M  
WANTAIM DELEGESEN.  
RAUN LONG AUSTRELIA..

AH DO!  
NEWS BI-  
LONG MAIK  
OL!!

NAU OL I AUTIM STORI  
BILONG MAIK !!

MINISTA MAIK LONG HAP  
I LAIK SALENS WANTAIM  
OL PROTESTAS NA POLIS !!

OH,  
LEWA!

MERI BILONG EM FUL-SAPOT  
LONG MAN BILONG EM..

KAMON, DALING! PAI-  
TIM OL! G\*?! OL I  
LAIK BIKHET AH?!





# REBO



## HEY. WANTOK!

YU LAIK RITIM NIUSPEPA LONG TOK- PLES BILONG YUMI?... ORAIT, BAIM

### WANTOK

NIUSPEPA BILONG OL PAPUA NIUGINI STRET

EM NIUSPEPA BILONG YUMI OL PAPUA NIUGINI STRET!




INO DIA TUMAS. 40¢ TASOL!

# RAUN BILONG BAMBELLI

TAIM BAMBELLI I GO LONG BIKBUS LONG PAINIM ABUS. EM I HARIM KRAI!  
 TALIHA EM PUNDAUN. "HOLIM PAS WAITMAN. NOKEN LARIM EM PUTIM HAN LONG GEL"  
 SINGAUTIM MEROGITA. TAIM EM I LUKIM REVEREN CONRAD BAI HILIPIM TALIHA..

**STORI BAI I GO...**

PHIL ART  
94



**I gat PAWA!**

**SUPA SWIT MOA**  
The Taste of Paradise

# ASUA BILONG MAMAPAPA



SUPA SWIT MOA I MEKIM BIKPELA TOKTOK LONG OL MAMA NA PAPA, "NOKEN LUSIM OL PIKININI LONG HAUS OL I YET!"

# MUSIK NA TELEVISEN

## PAPUA NIUGINI



### Rokus tingim tu ol Ninja Turtle pes

BEVERLY WAIMAN i raitim

OL PIKININI tu i save gat bikpela laik long harim ol musik taim ol wanlain bilong ol yet i go pas long kamapim ol kain kain singsing nabaut.

Olsem na long nau yet, i gat nem bilong tripela yangpela mangi i wok long kamap bikpela tru insait long wok musik bilong Papua Niugini.

Ol dispela lain ya em Henry Kuskus, Charles Kivovon na Rokus The Kid. Olgeta yangpela ya i bilong Rabaul long Is Nu Briten provins. Na ol i save kisim sapot wantaim ol bikpela nem pawa ben bilong Rabaul yet.

Henry na Rokus i bin kam malolo long Mosbi long taim bilong skul holide. Ol i go stap long Air Niugini Viles long 6 Mail na ol pikinini long kompaun bilong Air Niugini i bin amamas tru long pilai snuka, ronim wilwil na wokabout raun wantaim tupela.

Long taim tupela yangpela ya i stap long Mosbi, Rokus i tok em i wok long redi nau long katim namba tu kaset bilong em *Ki Varkolono* bihainim wanpela singsing insait long kaset yet.

Dispela hap tok long *Tok Pisin* i olsem sindaun sore i stap o stap wanpis yet.

Na em i tok long katim dispela kaset wantaim Chin H Meen Studio long Rabaul long mun Epril o Me samting.

*Haikul Meri*, wanpela singsing bilong Rokus long namba wan kaset bilong em i bin go antap long namba 6 ples long PNG Top 20.

Rokus i tok laik bilong em long wok musik i bin stat wantaim ol ros tin na dram. Em bai harim ol musik i kamap long redio na stat hamaim dram na tin i stap. Na taim mama i les, em bai kirap ronim em i go wantaim ol hap tin na dram bilong em.

Rokus i bilong ples Tavui klostu tasol long Rabaul taun na em i pikinini bilong Michael na Damaris Rokus. Em i gat 4-pela brata na tripela susa na em i namba wan pikinini long famili.

Namba wan taim tru bilong em long singsing em long 1992 wantaim kandre bilong em Kanai Pineri bilong Shut Down band bilong Rabaul.

Pineri i bin kisim Rokus i go long wanpela ples bilong danis long Tigilai na askim em long singsing long hap. Taim em i singsing long Tigilai, ol ben memba bilong Shut

Down i luksave long olkain save bilong em long singsing na ol i bin amamas tasol long helpim em sapos em i laik katim kaset na wokim musik.

Long dispela singsing bilong em *Haikul Meri*, Rokus i tok em yet i bin kamapim dispela singsing. Man husat i bin givim em liklik helpim em kandre nogut bilong em ya, Kanai Pineri. Na long taim bilong katim kaset, Patti Doi bilong Pacific Gold Studio i bin givim em bikpela

helpim.

Rokus i tok em i gat bikpela laik yet long wokim ol singsing na kamapim ol kaset long taim bihain.

Ol singsing long namba tu kaset bilong em i stap long *Tok Pisin*, tok ples Kuanua, Bakowi long Wps Nu Briten na tu long tok ples Kavieng. Em i kamapim tu wanpela singsing bilong ol pikinini em yet i kolim olsem *Ninja Turtle*. Na em i ting planti pikinini bai laikim dispela singsing.



• Biknem yangpela man bilong singsing. Henry Kuskus (sindaun long wilwil) wantaim Rokus, sekyuriti wokman na wanpela arapela pren long 6 Mail Air Niugini Viles. Henry em i hapman bilong singsing tu.

Poto: Beverly Waiman

### I KAM LONG Ela Motors OL WIL BILONG NESEN

## AMERICAN TOP FORTY

AS AT 3/3/94

CUR.	TITLE	ACT NAME
1.	<i>The Sign</i>	Ace Of Base
2.	<i>The Power Of Love</i>	Celine Dion
3.	<i>Without You</i>	Mariah Carey
4.	<i>Becaud Of Love</i>	Janet Jackson
5.	<i>Breathe Again</i>	Toni Braxton
6.	<i>Choose</i>	Color Me Badd
7.	<i>All For Love</i>	Adams/Stewart/Sting
8.	<i>Found Out About You</i>	The Gin Blossoms
9.	<i>Mary Jane's Last Dance</i>	Patty And The
10.	<i>Amazing</i>	Aerosmith
11.	<i>Rock And Roll Dreams Come</i>	Meat Loaf
12.	<i>Stay</i>	Eternal
13.	<i>So Much In Love</i>	All-4-One
14.	<i>Please Forever Me</i>	Bryan Adams
15.	<i>Hero</i>	Mariah Carey
16.	<i>Because The Night</i>	10,000 Maniacs
17.	<i>Now And Forever</i>	Richard Marx
18.	<i>Life (Everybody Needs S/body)</i>	Haddaway
19.	<i>Linger</i>	Cranberries
20.	<i>Cantaloop (Flip Fantasia)</i>	Us 3
21.	<i>All That She Wants</i>	Ace Of Base
22.	<i>Queen Of The Night</i>	Whitney Houston
23.	<i>Dreams</i>	Gabrielle
24.	<i>I Can See Clearly Now</i>	Jimmy Cliff
25.	<i>Shoop</i>	Salt-N-Pepa
26.	<i>Whetta Man</i>	Salt-N-Pepa
27.	<i>Mr Jones</i>	Counting Crowns
28.	<i>Again</i>	Janet Jacksons
29.	<i>Mr Vain</i>	Culture Beat
30.	<i>What Is Love</i>	Haddaway
31.	<i>I'm In The Mood</i>	Ce Ce Peniston
32.	<i>Said I Loved You...But I Lied</i>	Michael Bolton
33.	<i>Will You Be There</i>	Heart
34.	<i>Everyday</i>	Phil Collins
35.	<i>Miss You In A Heartbeat</i>	Heart
36.	<i>Streets Of Philadelphia</i>	Springsteen
37.	<i>Baby I Love Your Way</i>	Big Mountain
38.	<i>No Rain</i>	Blind Melon
39.	<i>Can We Talk</i>	Tevin Campbell
40.	<i>Daughter</i>	Pearl Jam

## EMTV TELEVISEN

THURSDAY 17TH MARCH, 1994

6.27	STATION OPEN
6.30	DAY BREAK NEWS (G)
7.00	TODAY SHOW (G)
9.00	STATION CLOSE
1.30	MIDDAY SHOW (G)
3.00	KIDS KONA (G)
	SESAME STREET
4.00	KIDS KONA
	FAT CAT (G)
4.30	DASTARDLY & MUTTLEY
5.00	GHOSTWRITER (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS (G)
6.30	A CURRENT AFFAIR (G)
7.00	SALE OF THE CENTURY (G)
7.30	LOTTO DRAW (G)
7.35	NEIGHBOURS
7.57	EM-TV TOK SAVE (G)
8.00	FIZZ (G)
9.00	BEYOND 2000
10.00	RESCUE 911
10.30	A COUNTRY PRACTICE
11.30	NATIONAL EM-TV NEWS REPLAY
11.57	MEDITATION WITH

PASTOR WALO ARNI

12.00	STATION CLOSE
	FRIDAY 18TH MARCH, 1994
6.27	STATION OPEN
6.30	DAY BREAK NEWS (G)
7.00	TODAY SHOW (G)
9.00	STATION CLOSE
1.20	STATION RE-OPEN
1.27	EMTV TOK SAVE
1.30	MIDDAY SHOW (G)
3.00	KIDS KONA (G)
4.00	FAT CAT & FRIENDS (G)
4.30	TOP CAT (G)
5.00	GHOSTWRITER (G)
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS (G)
6.30	A CURRENT AFFAIR (G)
7.00	THE NEW SALE OF THECENTURY (G)
7.30	NEIGHBOURS (G)
8.00	AUSTRALIA'S FUNNIEST HOME VIDEO SHOW (G)
8.30	RUGBY LEAGUE Gold Coast vs Brisbane
10.40	EMTV TOK SAVE (G)
10.50	NEWS MAGAZINE (G)
11.00	JACK & THE FATMAN (G)

11.30	NATIONAL EMTV NEWS REPLAY
11.57	MEDITATION WITH PASTOR WALO ARNI
12.00	STATION CLOSE
	SATURDAY 19TH MARCH, 1994
10.27	STATION OPEN
10.30	GILLETTE
11.00	WIDE WORLD OF SPORTS
5.00	BONANZA
6.00	NATIONAL EMTV NEWS
6.30	HEY HEY IT'S (G)
	SATURDAY
8.30	NCDC NEWS (G)
8.45	EMTV TOK SAVE (G)
9.00	BURK'S BACKYARD (G)
10.00	HAWAII 5-0 (G)
11.00	FOCUS (G)
11.30	NATIONAL EMTV NEWS REPLAY
11.57	MEDIATION WITH PASTOR WALO ARNI
12.00	STATION CLOSE
	SUNDAY 20TH MARCH, 1994
7.57	STATION OPEN
8.00	BUSINESS SUNDAY (G)
9.00	SUNDAY (G)
4.00	SPORTS SUNDAY (G)



6.00	NATIONAL EMTV NEWS
6.30	WINFIELD CUP RUGBY
7.30	60-MINUTES (G)
8.30	SUNDAY NIGHT MOVIE "Captain America" (G)
9.57	CHAT WITH SIR PAULIAS MATANE
10.00	MUSIC & THE SPOKEN WORD
10.30	BONANZA (G)
11.30	NATIONAL EMTV NEWS REPLAY
11.57	MEDITATION WITH PASTOR WALO ARNI
12.00	STATION CLOSE
	G - General Exhibition
	PGR - Parental Guidance Required
	M - Mature Audience

## PNG TOP TWENTY

AS AT 12/03/94

NO.	SONG	ARTIST
1 (1)	<i>Honiara</i>	Basil Greg
2 (2)	<i>Misout Tam</i>	G. Telek
3 (4)	<i>Mi Lonely Nau</i>	Kopex
4 (3)	<i>Em Ino Isis</i>	Basil Greg
5 (5)	<i>BolBol La Kiave</i>	EMFO Band
6 (6)	<i>Askere</i>	Hollie Maia
7 (10)	<i>Abul Wantok</i>	Telek
8 (7)	<i>Kir Ta Prove</i>	Kokorattas
9 (14)	<i>Hangu Panu</i>	Old Dogs Offbeats
10 (8)	<i>Iau Rejected</i>	Kopex
11 (9)	<i>Chako Chako</i>	Chako Chako
12 (13)	<i>Pait Nating</i>	L Kania
13 (11)	<i>Sweet Smile</i>	Vuvu Vibrations
14 (12)	<i>Data Tut</i>	Festlight
15 (15)	<i>Lukluk Tamavatur</i>	Barike
16 (16)	<i>N.S.O.N</i>	Kokorattas
17 (19)	<i>K.H.T</i>	C Kivovon
18 (18)	<i>Nono Peren Pas</i>	J.Boi/W.Ilau
19 (0)	<i>Sailor</i>	Navigators
20 (0)	<i>Lukluk Raun</i>	JR Molacks

• Ratings based on requests on Radio Kalang and not cassette sales.

## ELA MOTORS - OL WIL BILONG NESEN

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.